

МИНИСТЕРСТВО ОБРАЗОВАНИЯ И НАУКИ РФ
ДАГЕСТАНСКИЙ ГОСУДАРСТВЕННЫЙ
УНИВЕРСИТЕТ

Х1ясанова У.У.

Дарган мезла практический курс

(студентунас пособие)

Мях1ячкъала – 2005

*Печатается по решению ученого совета ФФ Даг-
госуниверситета*

ББК Ш 160.33 – 923.1

УДК 809.461.27(075.8)

Отв. ред.: д.ф.н., профессор Мусаев М-С.М.

Рецензент: к.ф.н., Магомедов А.О.

Гасанова У.У. Практический курс даргинского
языка. -223с..

Махачкала 2005

© ИПЦ ДГУ, 2005

ФОНЕТИКА

Тіамрачила ва бирклантачила гъайбиклуси мезла глілмула разделлис **фонетика** биклар.

Фонетикали тіамри алкліни ва илдазир кадиркути дарсдешуни чедиахъу.

Дугъби цаладиркули сари тіамразирад. Тіама девла бегіла биштілси бутла саби. Тіама алклуси саби гъайла бирклантала кумекличил. Гъайла биркланти сари: *клунтлуби, цулби, клінчлуби, клав, лезми, къакъари*, ва ц.

АБХЫБТИ ВА КЪЯПІТИ ТІАМРИ.

Дарган мезла тіамри клел жураличи дуртлуті сари: абхыбти ва къяпіти.

Гъар тіама алфавитлизиб белгиси хіярпличил чебаахъибси саби.

Сари ирухлели, сегъуналра гъалабиз агарли гъава дурабулхъути тіамрас **абхыбти тіамри** или биклар.

Даргала литературный мезлизир 7 абхыбти тіама лер: [а], [я], [и], [у], [э], [о], [ы]. Илдазирад **о** ва **ы** урус мезлизирад даклібти сари. Дарган мезлизир абхыбти тіамри къяпіти тіамрачир гіяхіцадла камли сари.

Сари ирухлели, гъава сегъуна-биалра гъалабизличи къячбиркули алклуті тіамрас **къяпті тіамри** или биклар.

Даргала литературный мезлизиб илдада къадар 37 тіамаличи абиркули саби.

Чула зайдиклінила даража хіясиблі кяпті тламри клел кьукьяличи дуртлули сари: шумличилти ва сонорныйти.

Сонорныйти сари: [л], [м], [н], [р], [й]. Лерил глелар калунти кяпті тламри шумличилти сари. Сонорный тламри шумличилтиван ахлі, имцлали зайдиклутти сари.

Алклуси мер хіясибліра кяпті тламри кьукьяна-чи дуртлар. Деклардулхъули сари цулбала, клінчлубала, гьала лезмила, глела лезмила, хьар кьакьарла, урга кьакьарла, гьар кьакьарла ва ц.

Дарган мезла кяпті тламри дарсдиклар, мешудиркур, цали итилличи асарбиру. Масала: гьанагарли – [гьанагалли], ишаб гьалабси [р] глелабси [л] мешубиркули саби; марли – [малли], хіябмузан – [хіяммузан] ва ц.

1. Ишди дугьбазир сонорный тламри чедаахъес.

Низгъари, ралликьяна, кьянкъ, мява, клунтлуби, анда, лезми, хіяйван, духури, ласбулхъ, лами, клантлиси, чар, лами, клантлиси, тлирих, тарих, саниглат, жамиглат, лайла, рухьер, ругер, рамч, мургъи, тлал, тлул, мар, мерс, уркли.

2. Урклиличиб даргала алфавит бурес. Глур ил тетрадь-лизи белклес.

3. Гьар тлама алфавитлизиб белгиси хіярпличил чебаахъибси саби. Гьарил хіярпличил ца-ца дев пикри-дарес ва делклес.

4. Урус мезлизирад г1ерасибти т1амри лерти 10 дев делк1ес. Илдачил предложениеби пикридарес.

5. Удир гибти дугьбазир мешудиркути кьяп1ти т1амри чедаахъес. Илди дугьбачил дугьбала цалабикуни пикридарес ва делк1ес.

Хабарагарли, марлира, урк1иагарли, белч1унмад, вак1ибмад, кьарли, барибмад, ак1убмад, укунмад, каибмад, х1ябмузан, ац1ибмад, кавхъунмад.

6. Чеббирк1нила диктант. Абхъибти т1амаличил дех1дирхъути дугьби ца къяйлизи, къяп1си т1амаличил дех1дирхъути итил къяйлизи лук1ули, ииши дугьби делк1еная.

Арцан, юргъан, бидав, дулек1, гъава, уркура, маслиг1ят, сури, сири, урхъу, далай, пагъ, назму, айгъир, гурда, урдур, сабур, варг, къада, изала, эмх1е, валри, кьанкъ, ургакъяна, супил, арц, балча, мукъара, унц, ургу-ба, ванза, варъа, зак, уркъули, ири, гапъала, зехни, исла, хъябц1ари, леглег, вава, урк1ец1и.

7. Буралабазирти абхъибти т1амри уди ца тугъаили, къяп1ти т1амри клел тугъаили дек1ардарес.

Г1ях1си урчира къардбухъес асубиар.

Юлдашли бурибси х1улбуц1 имц1али дец1игур.

Бетахъибси гъая бег1лара бухъяна ва г1ях1си бирар.

Юргъа урчилис – дузаб, эмх1елис –дех.
 Дяг1ли хибси дяг1ли арху.
 Вархъли узуси паргъатли усар.
 Дархъти гъайличи абдалра лех1илзан.
 Х1янчи х1ясибли вирар уста валуси.
 Хив бячес х1ебалусини ил беркесра х1ебала.
 Халати устадешлис багъуди г1яг1ниси саби.
 Устала дис х1ебирар.
 Сабурла урк1и мурадличи биур.
 Урухк1усила тур сигли буга.

Т1АМРИ ЯРГАДИК1НИ, КАДИРКНИ, ИМЦ1АДИРНИ.

Т1амри яргадик1ни.

Сагати дугъби яра илдала формаби алк1ух1ели,
 илдала ца бут1ализиб чиди-биалра ца т1амала мерлаб
 царх1ил т1ама бак1или бирар. Илдигъунти
 анц1букъунас морфологический *яргадик1ни* бик1ар.

Дарган мезлизиб абхъибти ва къяп1ти т1амри ярга-
 дик1ни имц1али къаршибиркули бирар ишди удир гъан-
 дуршути анц1букъуназиб: 1) Существительноебала
 дахълихъла форма бирух1ели: *набадари – набадури, му-
 чари –мучури, къял – къули, эмх1е – умх1и, дуги – дугур-
 би.*

Существительноебазиб имц1али яргадик1луту аб-
 хъибти т1амри сари а-у, е-у, я-у, и-у: *вянкъ-винкъ, вях-
 вих, зянкъ-зинкъ.*

2) Местоимениеби падежунардирух¹ели: ну-наб, набчи х¹у-х¹ед, х¹ечи.

3) Глаголлизиб: барес – бирес, асес – исес, бемхи – бумхис, бемгес – бумгес ва ц.

**1. Ишди существительноебала дахълихъла форма-
би дарес. Яргадиубти т¹амри уди тугъаили дек¹ардарес.**

хъали-

г¹ятари-

набадари-

кабц-

х¹ерк¹-

къял-

дяг¹-

гами-

дулгъа-

х¹янчи-

х¹енкъ-

къац¹-

***Ик¹ди дугъбачил дугъбала цалабикуни пикри-
дарес ва делк¹ес.**

**2. Г¹ергъити глаголтала таманах¹енти формаби
дарая. Яргадиубти т¹амри уди тугъаили дек¹ардарая.**

бемх¹ес-

аргъес-
абхъес-
амч1ес-
берц1ес-
бирцес-
белхъес-
баргес-
беркес-
арзес-
бержес-

***Ик1ди дугъбачил предложениеби пикридарес
ва делк1ес.**

**3. Удир гибти местоимениебала формабазир ярга-
диубти т1амри чедаахъес. Илдала гъарилличил дугъбала
цалабикуни дарес.**

Ну-наб, х1у-х1ед, сай-сунес.

**4. Ишди дугъбазир яргадиубти абхъибти ва
къяп1ти т1амри чедаахъая. Бурая, илдани девлизир
сегъуна барсдеш, алк1ахъулил.**

Вяхяр – вихир, зянкъ – зинкъ, мучари – мучури,
янц1ари – янц1ури, барес – бирес, асес – исес, балгес –
булгес, вих – вях, ну – наб, хъалч – хъулчри, эмх1е –
умх1и, бех1ц1ари – бех1ц1ури.

Тlамри кадиркни.

Дарган мезлизир девла форма барсбирухlели яра сагаси дев алкlухlели, девла чиди-биалра бутlализиб абхьибси яра кьапlси тlама чеббикили бирар. Илис тlамри кадиркни бикlар.

Абхьибси тlама кабиркули бирар:

1) существительноела дахълихъла форма бирухlели: *къапlа – къапlни, урхъу – урхъни, хlева – хlевни* ва ц.

2) абхьибси тlамаличил тамандирути цацадехl прилагательноебазирад сагати дугъби дирухlели: *цlуба – цlубдеш, бухъутlа – бухъутlдеш* ва ц.

Къапlси тlама кабиркули бирар:

1) Глаголла таманси формализирад таманакlенси форма бирухlели: *бирцес – ицес, бицlес – ицlес* ва ц.

2) Глагола убла заманала формализирад деепричастие бирухlели: *асиб – асили, бариб – барили, бацун – баци, беркун – берки.*

3) Кlиибил склонениела дугъби падежунардирухlели, ургlерти падежуназир: *душман – душма, дарман – дарма, къял – къя.*

1. Ишди существительноеби падежунардара. Кадиркути тlамри чедаахъая.

Хъунул, мурул, къял, уркъули, бушкала.

2. Гlергъити глаголтазирад таманакlенси жура барая. Илди кlелра формаличил ца-ца предложение пикридарая ва делкlеная.

Бирцес, бирцlес, бирзес, бурдес, биршес.

**3. Чула дахълихълизир тІамри кадиркути 10
существительное делкІеная. Илдачил дугъбала цала-
дахъуни пикридарая.**

**4. Удир гибти предложениебазир мерла при-
ставкабачилти глаголти уди тугъаили декІардарая.
Илди дугъбазир сегъуна анцІбукъ кабикилил, бурая.**

Нушала шилизивадси тІалхІянала уста Салим Мо-
сквализи выставкаличи арякъун. Урхъула дубла каэс
гъачамлис халаси гъуни лебал. Дила халал узи Заур ар-
миялизивад саэс замана баили саби. Унра сайли хъалли
Мурад гъанна жумягІцадхІи чезс биркули ахІен. Абз-
лизив ЖабрагІил гъалайкес къаслири. СалихІятли бу-
рибси имийчила хабарла асарлиур гъаннара лералра.
БархІехъла замана Насиба бушкой ганзи хІяршбирули
арархилри.

ТІамри имцІадирни.

Дарган мезлизиб дев ца формаличибад цархІил
формаличи барсбирухІели, къаршибиркуси анцІбукъ
саби тІамри имцІадирни.

ИмцІаливан ил анцІбукъ къаршибиркур глаголла
таманси формализибад таманахІенси форма бирухІели.
Масала: *игъес – иргъес, батІес – балІес, батес – бал-
тес* ва ц.

**1. Ишди глаголти гІягІниси тяхІярли тІамри
имцІадирахъули делкІеная.**

Бигъес, бячес, бячІес, бицІес, бегІес, дигІяникес,
тяхІухъес, гъайухъес.

2. Пикридарая 10 предложение, чузирра тIамри имцIадирути дугъби лерти. Илди дугъби уди тугъаили декIардарая.

3. Ишди дугъбала бекI бархIила формаби делкIеная. ГIур бурая, сегъуна барсдеш акIуба.

Улхъес, бурцес, бирцIес, ванцIулхъес, дураулхъес, пикриулхъес, балбиркес, бацIбулхъес, кабулхъес, буртIес, алтIес, иркес, иргъес, вjаввикIес.

ДЕВЛА ЦАЛАБИК ВА ДЕВ АЛКIНИ.

Чули дев яра илала формаби алкIнилизир бутIакъяндеш дирути ва чули, девла мягIна яра форма барсбирахъути бутIнас **морфемаби** бикIар.

Морфемаби сари: хIячи, приставка, суффикс, инфикс, ахир.

Тухумти дугъбазибси, бутIначи бехъес хIейруси, суненира бекI мягIна бухIнабуцибси девла бутIалис **хIячи** или бикIар. Масала: *узи, узидеш, узикъар; гIяхIси, гIяхIдеш, гIяхIулали, гIяхIбаркъ.*

Сунени цархIилти дугъбачил бархбас уржахъуси девлизибси гIергъисигъуна морфемалис яра бутIалис **ахир** бикIар. Ахиртала кумекличирли сари дугъби падежунар ва бяхIянардирути. Масала: *галга – галгала, галгали, галгалис; батур – батурра, батурри, батуррая* ва ц.

Ахир чеббяхъили гIелаб калунси, девла лексический мягIна бухIнабуцибси бутIа саби **аслу**. Масала: *ванза – личил, рузи – с, батур – ра.*

Хіячилис гіергъи башуси, девла сагаси мягіна алклахъуси яра девла сагаси форма бируси бутла саби **суффикс**. Масала: аришкъяна, масхарачи, мурхъли, жагаси, баклес, адамти ва ц.

Дарган мезлизир суффиксуни клел жураличи дуртлули сари:

1) *девла мягіна барсбирути ва сагаси дев бирути* (существительноеби дирути: -деш, -къяна, -чи, -ала, -ри. Масала: адамдеш, далайчи, ургакъяна, гъайала, ва ц.; прилагательноеби дирути: -си, -а, -ар, -кар, -ан, -ен, -гъуна: цлакъси, балтла, гІямултар, гІякълукар, муреган ва ц.; числительноеби дирути: -ибил, -эсил: авъибил, шугэсил ва ц.; наречиеби дирути: -ли, -ни, -над, -гІи ва ц.: мурхъли, пашманни, хъулкнад, хъайгІи ва ц.).

2) *девла форма бирути*: (существительноеби дахълихъ бирути: -ни, -ти, -би: урхъни, масхурти, рурсби ва ц.; глагола деклар-декларти формаби дирути: -иб, -уб, -ун, -ес: ваклес, ваклуб, альун, биуб).

Хіячилис гъалаб бакіили, девла мягіна барсбируси, цлакъбируси бутлалис **приставка** биклар. Масала: са-, ар-, ка-, ма-, че-, у- : арбукес, сабухес, чебарха, убарха, мабирид, ва ц.

Жинсла гІяламат чузиб лебти приставкаби жинс хІясибли дарсдиклар: ветаиб, ретаиб, бетаиб, детаиб ва ц.

Дарган мезлизир дугъби алклінила ишдигъунти тяхІурти лерти сари: 1) морфологический тяхІяр 2) морфологический ахІенси тяхІяр.

Морфологический тяхІярли дугъби алкліни чумал журала бирар: а) суффиксуначил: муракъяна, къалайчи, пагъмукар, цлакъси, гІяшли; б) приставкабачил: арбьякъ-

ун, кабухес, сабухес, арбухес ва ц.; в) абхъибси т1ама яр-габиубли яра суффикс чеббяхъили: держес-держ, дулхъес-делхъ, белк1ес-белк1 ва ц.; г) к1ел дев дархдики-ли: х1ябк1ап1и, хъалибарг, къац1дури.

Морфологический ах1енси тях1ярли дугъби алк1ути сари ца гъайла бут1а яра илала форма царх1ил гъайла бут1аличи шурбухъи. Масала: *Дудеш яни (мурт?) чарулхъан.* (нареч.) *Ишдусла яни (се?) буз1ярси саби.* (сущ.) ва ц.

1. Пикридарес 10 дев суффиксуначил, 10 дев приставкабачил ва делк1ес.

2. Абхъибси т1ама яргабиубти авал дев пикридарес, илдачил предложениеби делк1ес.

3. Удир гибти дугъбачил предложениеби пикридарая. Ишди дугъби секъяйда детаурлил бурая.

Авмузан, къялизан, ишбарх1и, г1урдус, вайгъабза, урк1ец1иагар.

4. Пикридарес существительноеби: 3 суффикс-личил, 3 приставкабачил; прилагательноеби: 3 суф-фиксличил; глаголти: 3приставкабачил, 3 суффикс-личил.

Х1ЕДАРИБТИ ВА ДАРИБТИ ДУГЪБИ.

Дарган мезлизир дугъби дирар дарибтира х1едарибтира.

Морфемабачи дехъес хлейрути, ца х1ячилизирадцун детаурти дугъбас **х1едарибти дугъби** бик1ар. Масала: *ши, хъали, неш, бек1, ну, юрт, ит* ва ц.

Дарган мезла дугъбала хазнализиб х1едарибти дугъбала луг1и дарибти дугъбалайчиб бишт1аси саби.

Суффиксунала яра приставкабала, кумекличил детаурти ва илкъяйда, ца дев тикрарбиубли яра клел дев цаладикили детаурти дугъбас **дарибти дугъби** или бик1ар. Масала: *пагъмукар, сабухес, клидариш, хъалиц1а, бара-бара* ва ц.

1. Ишди суффиксунала кумекличил дарибти дугъби делк1еная, г1ур илдачил дугъбала цалабикуни пикридарая.

-деш, -къи, -г1и, -чи, -къяна, -ар, -кар, -ун, -ни, -ти, -би, -ри, -ани, -уни.

2. Пикридарес 10 х1едарибти дев ва илдачил ца-ца предложение делк1ес.

3. Дарибти ва х1едарибти дугъби дек1ар-дек1арли делк1ес.

Къац1, гъай, халаси, мурхъдеш, уршби, урк1и, чудухинк1, дях1ушкан, бек1, къянкъ, вац1а, вац1ап1акъ, сабухес, дев, шаладеш, хъайг1и, къиян, х1ер, ванаси, арцан, гили-къабта, урга-ургади, г1ямултар, гуми, иб, у, чеу, берк-берж, чугур, дубурлан, авмузан, муза, убарха, сабур, мургъи-ранг, г1ях1гъабза, куц.

4. Удир гибти приставкабачил хляб-хляб дев делкес. Илди дугьбачил дугьбала цалабикуни пикридарес. (ар-, ка-, са-).

5. Ииши буралабазирти дарибти дугьбала уди тугьаили деклардарес.

Бархъдеш агарихлиб, гляхлешра хлебирар. Ил хъумартеси чемабаклаб. Шутни-къунбачил гъарахъли хлякъяд. Гляхлси гъайли шанда бару ибхъу. Азирла хазнара ханна урдара биаллира, саби дила мабиаб. Бацлси уркурла тлама-гъама дахъал дирар. Бацлси гавлаг тлашхлебизан. Бац-берхлила суратуни дуклумазир лерти члакни. Бархъсили балклси хлебалта. Сабурла умхъу мургъила бирар. Сабурла вегл мурадли виур. Уркли халаси, гъунар биштласи. Къачалай гляхлси биалли, дабрира гляхлти дирар.

УЧИДЯХЪ ВА ЦАЛАДЯХЪ ДУГЪБИ

Клел яра имцлати дев цаладикили детаурти дугьбас **учидяхъ дугъби** биклар. Учидяхъ дугъби лукла дарх яра дефисличил. Масала: *гляхлбаркъ, хъалибарг, чудухинкл, мургъи-бухъутла, цляба-хъанцла, шалахлунтлена, авмузан, уди-чеди, лаг-кат* ва ц. Цацахлели учибяхъ дев декларлира луклули бирар. Ил декларли лукла, эгер сунела клелра бутлала урга отрицаниела приставкаби (hle-, хля-, ма-, мя-) ва мяглна цлакьбируси приставка ка- ахленси цархлил дев яра девла бутла леб-биалли. Масала: ахъбиэс (ахъ чина биэса), далайбиклули саби (далайра биклули саби).

Учидяхъ дугъби дарх лукла, эгер деклар-декларти клел дев цаладикили ца мяглна иргъахъули биалли: *ава-раагар, къацлдури, хлябкланли, глурдус, Глялимяхляммад, Мяхлячкъала, Гляякъакъа, авмузан* ва ц.

Учидяхъ дугъби дефисличил лукла, эгер илди:

1) ца дев тикрарбиубли детаурли диалли: *ца-ца, хляб-хляб, уди-уди, урга-урга* ва ц.

2) ца ургабла лугли иргъахъути дугъби: *верхлел-гехлел, хлябал-авал, авал-шел* ва ц.

3) ранганала уми: *шала-шиниша, цляб-хъанцла, мургъи-бухъутла* ва ц.

4) антонимтазирад детаурти учидяхъ дугъби: *уриши-рурси, неш-дудеш, къацл-шин, берк-берж*. Иша кадурхар синонимтазирад детаурти дугъбира: *заб-марка, мер-муса, мискин-някъир* ва ц.

5) чула ца бутла яра клелра бутлала сегъуналра мяглна агарти дугъби: *хляпур-чяпур, хляз-хлуз, чяй-мяй, унра-хунра*.

6) Клиэсил бутла ишди дугъбала ца биалли: -сера, -секлал, -чуйна, -гъабли: *гъачамра-сера, шали-гъабли, шин-секлал*.

Чумал дев цаладикили детаурти ва ца суайс жаваб лугути дугъбала делхъхледелхъути цалабикунас **цаладяхъ дугъби** биклар.

Белклизир цаладяхъ дугъби декларли лукла. Предложениелизир ца членни дирар ва чуни ца суайс жаваб луга. Масала: *хъунул адам, хъяб някъ, газа някъ, хала дудеш, гъала хлеб*. Дила хала дудеш учительли узули калунси сай.

1. Чеббирклуси диктант. Учидяхъ ва цаладяхъ дугъби деклар-декларли делклес.

Мер-муса, къацлурц, ишбархли, цакесек, гъала хлеб, ахъ-ахъси, хала неш, гъанклириклес, гъайэс, пикри-пикриухъес, газа някъ, гуржи хъара, гъуя-вяв, гъунара-

гардеш, далайэс, гъар чинабалра, кас-касли, хъалибарг, хала тлул, бек1 кьяш, х1ябк1ап1и, хъунул адам, Х1ябдяргъи.

2. Ишди цаладяхъ дугъбачил дугъбала цалабикуни делк1ес.

Хъяб някъ, Убях1 Мулебк1и, шуцланну шура, к1идаршлим ца, хъунул адам, урга тлул, бай дуги.

3. Цаладяхъ дугъби ва дугъбала цалабикуни дек1ар-дек1арли делк1ес.

Хала неш, хъунул адам, гъар адам, дурх1нала неш, даршлим шел, жявли алзес, х1якала вег1, узичил варх.

4. Творческий диктант. Удир гибти учидяхъ дугъ-би дархъли делк1еная.

Ц1яба(х1унт1ена), шел(урегал), Хасав(юрт), Къая(Гент), х1яб(музан), к1и(дарш), някъ(някъли), замана(замана), урга(ургади), иш(барх1и), мер(муса), пир(хик1), ахъ(ахъли), гуж(зулму), гъай(эс), Уллу(г1яя), х1яб(к1ап1и), гили(къабта), Къизил(юрт), мургъи(ранг), шала(бухъут1а), ц1яб(хъанц1а).

5. Предложениебазирти учидяхъ дугъби къелаили дек1ардарая.

Х1ябал сяг1ятли шаладиркур. Ишбарх1и Асх1ябли сунела назмурти дуч1а. Илини бек1 гъак1бариб, ута касиб, улкъайличи гъамбариб. Нуни хъуц1руми гъунч1дарра. Ца камтипра сунезир гъабзадеш, адамдеш ва дарган ях1 лерси уршили рурсилис вайбаркъ х1ебиру. П1ергъити бурх1назир нушала халал юртлизир дахъал

гъай-мез детаур. Шакрах1едикили нушани ца г1ях1си
гъуни ахъира. Г1урдус нушаб сагати жузи луга.

**6. Назмулизирти учидяхъ дугъби сели аргъахъ-
илил бурая.**

Дам-дядла т1амалиуб
Дигулри урчи бяркъес,
Т1уй лишан барибх1ели,
Ил къяцалангбилзахъес.

Нуни саб Г1яламла чар
Хут1личил сабатурси
Ну сайра инсантачи
Зак-зубри гъамдарибси.

(М. Х1ямидов)

**7. Удир гибти дугъби скобкаби агарли, г1яг1ниси
тях1ярли делк1еная.**

Лут1и (къяш), гъар (замана), алгъай(някъ), Чебях1
(Мулебк1и), хала (дудеш), газа (някъ), гуржи (хъара),
бузули (бирар), уч1ули (вирус), рак1или (сари), клел
(байхъала), вец1ну (к1ира), вай (замана), хъар (ши), хъар
(хъали), шибшиб (хъара), Чях1ила (къада), гъар (чина-
балра), сай (г1ях1улали), гъала (х1еб).

**8. Пикридарес 5 предложение, учибяхъ дев
дак1ахъи;, 5 предложение цаладяхъ дугъбачил. Предло-**

жениебазир илди дугъбани сегъуна суайс жаваб лугулил, чебаахъес.

9. Ии́ди ца́рка глаголтазира́д учи́дяхъ глаго́лти да́рес.

дуэс-

биуб-

барес-

иклес-

биэс-

иб-

бикиб-

батур-

бизур-

бушиб-

биклес-

дыхъес-

асиб-

ЛЕКСИКА.

ДЕВЛА ГЪАРСИ ВА ЧЕХИБСИ МЯГІНА

Дугъби чумал мягіналис дузахъути анці́букъуни дарган мезлизир гъаман къаршиди́ркур. Илдигъунти дугъбала ца *бекІси* мягіна бирар, гІурилти *чехибти*.

Девла бекІси мягіналис *гъарси мягіна* биклар. Масала, *бекІ* ибси девла гъарси мягіна адамла яра мицірагла бекІличил бархбасунси саби, гІурилти

мѣгнѣби бѣалли чѣхѣбси мѣгнѣлизир пѣйдаладарѣбти сарѣ. Масала: хабарла бѣк1, дѣбурла бѣк1, шагъарла бѣк1, бѣк1 тухтур, ва ц.

Дѣвла чѣхѣбси мѣгнѣ дахъалгъунти анц1букъуназиб гъамадли бѣлгѣбарес бирар. Масала: мургъила т1улека ва мургъила някъби. Цѣйбси мѣсаллизибси мургъила ибси дѣв гъарси мѣгнѣлизѣб бѣъни ашкарли саби, к1иѣбил мѣсаллизибси бѣалли чѣхѣбси мѣгнѣлизѣб бѣънира гъамадли иргъули саби, сенѣх1енну мургъилизирад дарѣбти някъби дирѣти ах1ен. Мургъила някъби ибси саби гъар сек1а устадеш лерти, мургъилизи духъѣсти сек1ал дарес балѣти някъбас.

1.Ишди дѣгъби гъарси ва чѣхѣбси мѣгнѣлизир дак1ахъили предложѣнѣеби пѣкридарѣя.

Лут1и, урк1и, бѣк1, къѣш.

2.Дѣгъби гъарси ва чѣхѣбси мѣгнѣлизир дак1ахъили вѣц1ал мѣсал пѣкридарѣя ва дѣлк1ѣнѣя.

ОМОНИМТИ

Т1амралашал цагъунти, мѣгнѣлалашал дѣклартѣ дѣгъбас омонимти бѣклар. Масала: Унрубала хъѣша унзализи къут1ук1улри. Узини т1имкълизѣ хъѣша буциб. **Омоним** ибси дѣв грѣцияла мѣзла *homos* "цагъуна" ва *опута* "у" ибти дѣгъбазибад бѣтаурсѣ саби.

Омонимти художѣственнѣй произвѣдениѣбазир, публицистикализир мѣгнѣ ц1акъбирѣти дѣгъби къѣйдали имц1али дузахъули дирар. Масала, поѣзиялизѣб:

Гъак1барѣб Саламли къѣкъ,

ГІябуйчибад тѣкбухъун,
Мар анкІила чумал къякъ
Саламла къякъли дѣчун.

(Р.Р)

Омонимти дирар ца гъайла бутІала декІар-декІарти формабани ва декІар-декІарти гъайла бутІани аргъахъибти. Масала: *Студентли дарс бала* (глагол). *Хала дудешли мазала бала дѣлгІун* (сущ.). *Дудеш жагІял вакІес асубирар. Белики, илра нушачил вакІес.*

1. Ишди предложениебазир омонимти даргая.

ЖумягІ унраличирси исбагъи сари. ЖумягІ ургабли нушала бегІти базарличи башар. БиштІатас урхъу дигахъу. Нешли урши шилизи урхъу. Нуни хъучир лугни далцІунра. ИшбархІи алапа лугни наб гъанхІебикиб. Дудешли сай шагъарлизи вакІнила мурад нушази бурибхІели нуша тамашадиубра. Дила рурсила урши Мурад дебали серхурси гІулухъа сай.

2. Удир гибти дугъби омонимтили диахъубли предложениеби пикридарая.

Къякъ, байрам, бамкъур, дикъур, ула, къяна.

3. Омонимти пайдаладирули 10 предложение делкІеная.

СИНОНИМТИ

Мягїнализир цагъунти яра гъамти дугъбас синонимти биклар. Масала: *хІурмат*, *кьимат*, *хатир*; *мякълаб*, *янашаб*, *шулгІиб*, *гъамихІиб*.

Поэтунани, писательтани, гъайла устнани мезлизир синонимти имцІали дузахъу.

Синонимти дахъал диъни – мез давлачерти диъни-ла лишан саби. Синонимтани ца суайс жаваб луга, предложениела ца членни дирар.

Дарган мезлизир синонимти алклан чумал тяхІярли: лугъатуназирад литературный мезлизи дугъби дашули, мезлизир сагати дугъби алклули, цархІилти мезаназирад гІерисули. Масала: *неш*, *аба*; *гъалмагъ*, *юлдаш*; *разидеш*, *шаддеш*, *хІулкІудеш*.

Мезлизиб синонимтала халаси къадри лебси саби. Илдани мез гъатІира зайдикІули, саркъибтили дета-рахъули сари.

1. Чум-чум синоним пикридарес вирара ишиди дугъбас?

давла,...

шанг,...

зубарти,...

абхъес,...

чарх,...

жагаси,...

мякълав,...

дяв,...

гъалабла,...

дуглі, ...
хъярхъли, ...
цайли, ...
разидеш, ...
урчи, ...

2. Ишди синонимти чидил гъайла бутлали аргъ-ахъилил бурая.

Биса, нургъби; хлулклули, харили, разили, шадли; хлериклес, вякылзес; аргъес, бакъес; вяв, члар; ахлерси, дигуси, глязизси; рухъна, хуху; урчи, тази, ябу, бидав, газа; нехлякъ, дуглі, глябас, глядада, хлязлис, ити, иткъи; исбагъи, къуймур, глянтлика; гъими, загъру; гъабза, игит, нарт.

3. Клунтлрала мерла мягІна хлясибли далдиркути синонимти кадалтули чеббелкІеная.

Хадижат тамашариубли суратличи ... (вякъризурлири, хлерриклулри). ГляхІмадла дудеш шилизивра урибси ... (гъабза, игит) сайри. Нуни ишбархІи ца хабар ... (аргъира, бакъира). Глебшила къанси дуги зак ... (зубарта, урма) пІяцІкабарилри. Дявтала дусмазиб гъарил нушала ургъан душмайчи ... (гъимили, загърули) вицІилри. Нешла хлулбазир ... (биса, нургъби) лерри. Дила узи ГІямар ... (цІакъси, чІумаси) дурхІя сай.

4. Ишди прилагательноебала синонимтала къяй даимбарая.

хъярхъси, ...

бишт1аси, ...

ц1акъси, ...

ах1ерси,...

кег1ебси,...

аваданси,...

разиси,...

АНТОНИМТИ

Къаршити мяг1нубала дег1ти дугъбас антонимти биқ1ар. Масала: *уди – чеди, гъачам – гъаман, савли – барх1ехъ, ишбарх1и – жаг1ял* ва ц.

Илди ца гъайла бут1али аргъахъили дирар ва чуни ца суайс жаваб луга.

Цацадех1ти антонимти инкарла приставкабачил алк1ан: *бирид – мабирид, аркъяс – х1якъяс, исид – х1ейсид* ва ц.

1.Ишди глаголтачи антонимти делк1еная.

къяп1барес-

бицес-

ак1ес-

кайхъес-

вашес-

гъайик1ес-

бац1биэс-

ванабиэс-

ацлес-

2. Удир гибти дугъбачи антонимти делкленая.
К1инайс илдачил дугъбала цалабикуни пикридарая.

шаладеш-

мурхъси-

ухъна-

чеди-

вялхъя-

лаг-

дуги-

вай-

цалихъ-

муза-

душман-

багур-

ит-

даг-

3. Буралабазир антонимти даргая.

Муримайруд – къяриури, къут1къумайруд – туиру-
ри.

Шин удидях1 дуц1дик1ар, адам – чедивях1.

Чеди тудяхъялли, супел бялсули – уди тудяхъялли,
муц1ур бялсули.

Вайсила хіял хіебагъурсили, гіяхісила кьадри хіебала.

Хя абизурихіи, беці кабирар.

Дуцірумлі – дурчу, янили – дуга.

Дуцірум бекіла мехіе хіеруркъусила, яни шанг хіеруркъяр.

ГІЕРАСИБТИ ДУГЪБИ

Дарган мезла дугъбала хазна цалабиркули саби деклар-декларти журала дугъбазибад. Дугъбала хазна аклубси саби мез, бархіиличир бархіи давлачер-диклули, сагати дугъбани чедирціули, цархіилти мезаназирад дугъби гіерисули, гьаладяхі дашухіели.

Дарган мезла дугъбала халасигъуна кьукъя дугъбазибад цалабикибси аслу-минала, сабира жьавхіейчибадала лебси, даршдусмала духъяндешлизиб гьалагбиклули, ункъбиклули нушачи сабаибси.

Дугъбала хазна даим барскабиклули, давльчеб-биклули, чебирціуси саби.

Дарган мезлизи жьавхіейчирадала деклар-декларти мезаназирад дугъби дашули калунти сари.

Чиди-биалра мезлизирад дарган мезлизи даклибти дугъбас гіерасибти дугъби биклар.

Дарган мезли гіярабла, туркла, иранна ва урусла мезаназирад гіяхіцад дугъби гіерасибти сари.

Дарган мезлизи гіярабла дугъби дашескадииб Дагъистайзиб бусурман дин тінтібирниличил дарх, иранна дугъби – вачар-чакар дузахъниличил дарх, туркла мезанала (или ибхіели иргъуси саби имціаливан

къумукъла, азербайджанна мез), биалли илди мез даргантала унраличир диъни сабабли. Цадех1 мезлизирад царх1илти мезлизи сагати дугъби дашути сагати сек1ултачил, сагати анц1букъуначил, дунъяличир кадиркути дарсдешуначил дарх.

Дарган мезличичун хаста, илди мезлизир ак1убти дугъбас аслу-минала дугъби бик1ар. Илдази кадурхар; Масала: неш, шин, къац1, х1ерк1, галга ва царх1илтира дугъби.

Г1ярабла дугъби дашескадиб Дагъистайзиб ислам т1инт1бирниличил дарх (бусурман, ахират, мавлид), жамиг1ятла г1ямруличил дархдасунти (инсан, х1укумат, низам, зулму, халкъ ва ц.), белч1удиличил дархдасунти (имтих1ян, муг1яллим, х1ярп, жуз, г1ялим ва ц.), сек1ултала уми (г1ярза, ханжал, аширани, к1ялг1я ва ц.).

Г1ярабла дугъбала лишанти сари девла ахирлизиб - **ат** лебни, х1ячилизир **х1я, г1я** бирк1анти диъни. Масала: шагъи, дарай, зарбаб, т1ас, шавала, чирагъ, жайран, булбул, туп, тур, байрахъ, базриган, г1яббаси ва ц.

Туркла дугъби дек1ардарес вирап чузир имц1али **къ, гъ** т1амри диънили ва **п1, т1, к1, ч1, ц1, къ** т1амри агнили. Масала: къабакъ, къаз, агълав, къазан, къапу, къалайчи, къую, азбар, юргъан, юрт, къиргъу, къазакъ, бугъа, каян, г1яя ва ц.

Октябръла революциялис г1ергъи дарган мезлизи хаслира имц1али дашескадиб урус мезла дугъбира. Илди гъаннара дашули сари. Масала: газета, студент, учитель, стол, кино, автобус, машина, космос, компьютер, электроника, спорт, телефон, театр, ручка, чайник, шкаф ва ц.

Урус мезлизирад глерасибти дугъби, барсдеш агарли, сари урус мезлизир лерси тях1ярли лук1ути сари. Масала: *костюм, грамматика, дежурный, класс* ва ц.

1. Деклардарибти дугъби чидил мезлизирад сарил белгидарая.

Надир ух1навхъунх1ели хъулиб **ихтилат** бемжурлири.

Г1ямархъала Разият дебали **сахават** адам сари. Хала нешли гъаргалар **сири** гардбирулри. Даг университетла студентуни **машгурси г1ялимличил** тянишбиуб. Адамла **къисмат** илала **г1ямруличи** мешуси бирар. Шила **жамиг1ят** гумаилаб учибикилри. Дурх1ни х1язлизи ахъилри. Журналлизибси сагаси **назму** нуну урк1иличиб багъурра.

2. Ишди дугъби пайдаладирули, предложениеби пикридарая. Илди дугъби чидил мезлизирадтил белгидарая.

Манкъуш, агълав, къараул, къалайчи, юргъан, урдек, къиргъу, каяян, чяли, явлукъ.

3. Выборочный х1янчи. Г1ярабла, туркла, иранна мезлизирад глерасибти дугъби деклар-декларли делк1еная.

Гулменди, жаваб, къаз, душман, шагъар, къала, къапу, масхара, дунъя, мисал, х1ярп, бугъа, чирагъ, напакъа, табтар, илхъи, ранг, яшав, дарай, хабар, чакма, мурад, амма, чит, къабакъ, исиут, х1лукумат, нур, бялихъ,

азир, жан, сяг1ят, г1яббаси, азбар, замана, халкъ, чятир, юрт, юлдаш.

4. Урус мезлизирад г1ерасибти 10 дев делк1еная, илдачил дугъбала цалабикуни пикридарая.

5. Ишди предложениебазир урус мезлизирад г1ерасибти дугъби чедоахъая.

Ишдус нушала шилизиб сагаси школа т1ашбатур. Дила юлдаш Г1ялихан университетла студент сай. Шагъарлизир дахъал паркани, скверти ва музейти лер. Ражаб агроном сай, илала рузи Рисалат биалли учительница сари. Ишбарх1и собраниеличив декан гъай-ухъун. Илини отличноли буч1уги студентуни шабагъат-лабариб.

6. Назмуртазир г1ерасибти дугъби къелаили дек1ардарая.

Заклира ванзалира

Дарсур урк1би дурулри,

Адамра т1абиг1ятра

Ца ухъала калхъулри.

Музейлизиб леб къаркъа,

Инса къел сар иличир.

Диубли сар имц1али

Вец1ал азир дусличир.

Нуни немец чеибси
Х1ябц1али дус гялаври.
Нушала районнизи
Илди ясирли килри.

Гъанбиркур, базар сабри,
Лебил шанти ишабри.
Душмайчи буц1ар гъими
Гъариллизиб рурхъулри.
(М. Х1ямидов)

САНИГ1ЯТЛА ДУГЪБИ

Чиди-биалра саниг1ятла адамтани дузахъути, ил саниг1ятличи хаста дугъбас *саниг1ятла дугъби* бик1ар. Ила кадурхар къисла устала, къаркъала устала, палтарла устала, мегъла устала ва царх1илти саниг1ятуначи хаста дугъби.

1. Выборочный х1янчи. Гъарил саниг1ятличи хаста дугъби дек1ар-дек1арли делк1еная.

Т1имкъ, мегълуки, корректор, къякъ, келпатан, рас, рецепт, патирантяш, исла, дару, къац1дурц, шрифт, ампула, пушни, г1ямзикабурцан, х1ябмузан буреба, къарх1ла, г1яблукъ, шят1ахъи, чячма, полоса, чахъма, къуцур, анестезия, хъяйхъи, операция, чяли.

2. ГІяяркьянала ва мегъла устала санигІятличи хасті дугъбачил шушел пердложение пикридарая ва делкІеная.

3. Палтарла устала ва кысла устала санигІятличи хасті дугъбачил ав-авал дугъбала цала-бикуні пикридарая ва делкІеная.

ЛИТЕРАТУРНЫЙ МЕЗ ВА ЛУГЪАТЛА ДУГЪБИ

Газетабазир, учебникуназир, художественная литературализир, театрлизир, радиолизир дузахъути, мезла устнани лугІяндарили, хасті нормаби кадизахъурти, нисамличи душибти мез – *литературный мез сари*.

Илди лебил даргантас гІячихъти, илдани далути мез сари.

Литературный мез лебил даргантани дузахъес гІягІнити, ирнила ва лукІнила кыйдурти, нормаби лерти мез сари.

Даргала литературный мезлис хъулчилис касибси саби ахъушала лугъат, саби лебтанілра аргъес гъамадси.

Дарган мезла лерилра дугъби литературный мезлизи кадерхурли ахІен. Илди шимазир, махъурбазир адamtани дузахъути, чула мер-мусаличицун хасті дугъби сари. Илдас *лугъатла дугъби бикІар*.

Масала: хайдакыла лугъат: *мейдан (адам)*, муирала лугъат: *цІулхІа (къацІ)*, цІудхъурла лугъат *духъи (гидгари)*, гІярбукІла лугъат: *тІулутІ (къацІ)* ва ц.

Дарган мезла лугъатуни дебали дахъал сари. Илда-
ла лугъи верхъи аичира-сера абиркули саби.

**1. Ишди предложение базир деклардарибти лугъ-
атла дугъби литературный мезла дугъбачил дарсда-
рая.**

Рурсили сагаси ккуртти чегъур. Хала нешли Му-
рад цлугъла асахъес вархъиб. Ишдус нушала хъучир
дахъал елъби дакъиб. Убай нешли Гъахъмадлис лугъси
тлугътл дебали биштласи сабри. Узини тлмкълизи
ккуртта буциб. Нешли базарличибад муул асиб. Ириъ
дебали бухрумси яни сабри.

**2. Литературный мезла 10 дев хлушала шила
лугъатла дугъбачил дарсдарая. Илдачил дугъбала ца-
лабикуни пикридарая.**

**3. Назмулизир деклардарибти литературный мез-
ла дугъби лугъатла дугъбачил дарсдарая.**

Цала къяшми дирхули

Сари велкъи чягъирли.

Цала къяшми дулкъули

Сари дардла декъешли. (М. Хъямидов)

ФРАЗЕОЛОГИЗМАБИ

Фразеологизмаби дугъбала делхъхъеделхъути
цахънабикуни сари. Илдани секъулти, лишанти, баркъ-
удлуми чедиахъу. Фразеологизмабани гъай жагадиру,
зайдикъахъу. Масала: *Тентла дукайзи хлебиру. Хъули*

къяп1барайчи. Синкачил хъярба укес. Мух1ли бурдибси ва ц.

Делхъх1еделхъути дугъбала цалабикуни предложениела ца членни дирар, чули ца суайс жаваб луга. Масала: Нушала унра Х1ямид усилава вацаван (секъяйда?) х1ерирули сай.

Дарган мезла фразеологизмаби- ургар къаршидиркули сари синонимтили ва антонимтили диубтира.

Фразеологизмаби алк1ули дирар адамла куц-т1аби г1ятличил, динничил, яшавличил, бек1ахъудиличил, урк1ила х1яланачил дархдаси.

Цацах1ели дарган мезла фразеологизмабала мяг1на чузи кадерхурти дугъбалайчил цугбиркулира цугх1ебиркулира бирар.

1. Ишди фразеологизмабала т1инт1си мяг1на чебаахъес.

Синкачил хъярба укес. Лезмилизиб лига агарси. Мух1ли буцес. Бек1али хъумартурси. Усилаб вацалаван. Миъличиб дягалаван. Х1ули къяп1барайчи. Гидгарличир гъез луг1ян.

2. Удир гибти фразеологизмабачил предложениеби пикридарая.

Къяцаван айзур. Канили бек1 булъуси. Урк1илизи ат1еси. Лих1би г1янц1дариб. Усилаб вацаван. Къаклаб лезми беръуб. Гъай бедиб. Вях1ла сипат буун.

3. Ишди фразеологизмабала гъариллис ца-ца девла синоним, г1ур антоним пикридарая ва делк1еная.

Кайзурси гъабза - ...
 Лезмилизиб лига агарси - ...
 Бец1 мурулла дуги -...
 Камалул Баширгъуна - ...
 Бец1ли абикъурти -...
 Гъез калъуси -...
 Гидгарличир гъез луг1ян -...
 Х1ули лип1ла манзиллис -...
 Урхъни гъяраили -...
 Урхъулаб бялихъван -...

4. Адамла куц-бек1личил, чархла бирк1антачил дархдасунти 10 фразеологизмаби делк1ес.

**5. Ишди предложениебазир фразеологизмаби дар-
гая. Суал кабатирая. Предложениела чиди членни диуб-
лил, белгидарая.**

Душмайчи г1ясиси Жабраиловла урк1и гъимили
 биц1иб. Рабият бархъси урк1ила рег1 директор сари.
 Мегъла урибси уста Г1ях1мад вац1или арякъун. Залум-
 хайзибад сек1ал сасес х1ейрар - дебали уцибси сай.
 Х1улаймат вачуртала адам сари. Гъай-г1яйиб гъай! Ити-
 ни нуша миц1ир-миц1ирли кадушира.

МОРФОЛОГИЯ

Мезличила гъайбик1уси, гъайла бут1ни ва илдала
 лишанти дуч1уси г1илмула разделлис *морфология* бик1ар.

Дарган мезлизир 10 гъайла бут1а лерти сари. Илди дурт1ули сари клел кьукьяличи: *бек1ти* ва кьуллукъла.

Бек1ти гъайла бут1ни сари: существительное, прилагательное, числительное, местоимение, глагол, наречие.

Кьуллукъла гъайла бут1ни сари: союз, послелог, кесек. Хасси тях1арла гъайла бут1а саби междометие.

1. Текстлизирти лерилра гъайла бут1ни деклар-декларли делк1еная.

Илх1елицун сабри нуни ванзализибадси вацала т1ярхъиличи пикри бях1чаибси. Сяг1ятличивра имц1али узули, муруй клат1аличил гаражла бух1нала убилчебариб. Вацала т1ярхъи биалли гаражла г1елабси анхълизиб даимбиублири. Гъайла къант1а, х1ябал метрличибра бухъянси татаул анхълизибра буркъес чебуркъуб. Ца мерличир клел т1улека даргира, царх1ил мерличиб кулеха сабри, г1инцла галгала удила буркъибх1ели, урц1ли дурадикиб. Лерилра мургъи даргира.

2. Урдатурти х1урпри кадалтули чеббелк1еная.

Тамашала ши са...и Ахтила, тамашала адапти са...и ахтилантира. Шила халкъ...и даршдусмала историяли...и пахрубирули са...и, чула шилизибадти машгурти адамтала уми мях1ка...ли дих1ули са...и. Илдигъунти адам...и биалли Ахтилизиб бахъал ак1уб. Ле...илра улкализиб машгурбиубти ахтиланти булан камли ах1ен.

3. Кьуллукъла ва бек1лидиубти гъайла бут1ни деклар-декларли черделк1еная.

Нуша авалра хъяша, нешла гъунарагарт, амма члумаси яхла, сабурла ва бузерила някъбачи хъардикира. Нешли нуша адикъес, къяшмачи кадизахъес, глямрулизи ганз кацлахъес багъандан дарибти хлянчира чедаибти къияндешунира хлисаблизи касалли, гъарилли-деклар гъандуцес хлейрар или гъанбиркур. Ил цяб шалалис арилзи ва къанни бархлехъ карилхьи. Хъумартес хледирехле нушани я нешла шаласи сипат, я илала хлер.

4. Лерилра гъайла бутлени пайдаладирули, хлела гляхлси юлдашличила хабар белклен.

Кумекла дугъби: малхлямли, паргъатли, ункъли, жагаси, духуси, цлакъси, кеглебси, уркли гъаргси.

СУЩЕСТВИТЕЛЬНОЕ

Сунени секлал иргъахъуси, чи? се? ибти суалтала цалис жаваб лугуси гъайла бутлалис *существительное* биклар.

Чула мяглна хлясибли дарган мезла существительноеби дуртлар клел жураличи: *хасти ва тлнтлти*.

Хасти существительноеби сари лерилра адамтала, шимала-шагъуртала, мер-мусала, газетаби-журналтала, жузала, улкнала, хлурклбала, дубуртала уми. Масала: *Дербент, Терек, Кавказ, Россия, Сайгид, Роза* ва ц.

Белкллизир хасти существительноеби халаси хлярпличил луклуги сари. Газетабала, журналтала, жузала, колхозунала ва илдигъунти цархилтала уми кавычкабази дурцути сари.

Тлнтлти существительноеби биалли, лерилра илди биштласи хлярпличил луклуги сари.

Дарган мезла лерилра существителноеби чули иргъ-ахъуси мяг1на х1ясибли х1ябал жинсличи дурт1ути сари: *мурул жинс, хъунул жинс, ургабил жинс*.

Дарган мезлизиб существителноела жинс белгиби-руси саби сунела мяг1нализибад. Лерилра мурул адамтачи чедетиути существителноеби мурул жинсла сари: дудеш, узи, урши, узикъар, Мурад, мурул. Илдала дурарад чузир мурул жинсла г1яламат в лебти цацадех1 дугъбира: *вях1, варг, вай*.

Лерилра хъунул адамтачи чедетиути существителноеби хъунул жинсла сари: *хъунул, неш, рузи, рурси, Зум-руд*. Хъунул жинсла сари чузиб хъунул жинсла г1яламат р лебти чархла бирк1антала умира: *рях1, рай, рарг* ва ц.

Дарган мезлизир к1елра жинслис дузахъути дугъбира лерти сари. Илди сари: *унра, мискин, директор, хъубзара, судья, тухтур, уста, председатель* ва ц.

Мурул ва хъунул жинсла ах1енти лерил уми ва чузир урга жинсла г1яламат б лебти дугъби: къял, бай, барг, вац1а, арцан, к1ап1и ва ц.

Дахъалгъунти существителноеби *къадар* х1ясибли дарсдик1ар. Масала: *юрт – юртани, жуз-жузи, рузи – руз-би* ва ц.

Существителноела дахълихъуни детарути сари форма бирути суффиксунала кумекличил.

Дарган мезла существителноеби *падежуни* х1ясиблира дарсдик1ар. Дарган мезлизир дузахъути падежуни сари 11. Илди к1ел кьукъяличи дурт1ули сари: 7 падеж обцийти, 4 падеж мерла.

У.п. *чи? се?* адам, х1ерк1

А.п. *чили? сели?* адамли, х1ерк1ли

Х.п. *чила? села?* адамла, х1ерк1ла

Л.п. *чис? селис?* адамлис, х1ерк1лис

Б.п. *чичил? селичил?* адамличил, х1ерк1личил

Гъ.п. *чичила? селичила?* адамличила, х1ерк1личила

С.п. *чичибли? селичибли?* адамличибли, х1ерк1личибли

Гъ.п. *чичи? селичи?* адамличи, х1ерк1личи

Б.п. *чичибях1? селичибях1?* адамличибях1, х1ерк1личибях1

П.п. *чичиб? селичиб?* адамличиб, х1ерк1личиб

Д.п. *чичибад? селичибад?* адамличибад, х1ерк1личибад

Существительное ла *х1ябал* склонение лер: *цаибил*, *к1иибил*, *х1ябъибил*.

Цаибил склонениела сари чула актив падежла ахир – ни биубти существительноеби: *узини*, *Мусани* ва ц.

К1иибил склонениела сари чула Актив падежла ахир – й биубти существительноеби, *дармай*, *душмай*, *Х1ясай* ва ц.

Х1ябъибил склонениела сари чула Актив падежла ахир – ли биубти существительноеби, *нешли*, *бец1ли* ва ц.

1. Удир гибти дугъбазирад существительноеби ца къяйлизи глаголти ва прилагательноеби царх1ил къяйлизир делк1еная.

Дукелц1и, дукарик1ес, х1ядурдеш, х1ядурси, х1ядуриэс, ц1акъси, ц1акъиэс, ц1акъдеш, бабзси, бабзбиэс, бабза, ахъси, ахъдеш, ахъбиуб, шаласи, шала, шаладеш, шалабиэс.

2. Ишди предложениебазир дек1ардарибти дугъби чиди гъайла бут1ни сарил белгидарая.

Х1уни набзи ири илгъуна гъай. Дудешли ири бигъун. Дурх1нани хъучир лугни луц1улри. Наб ил сек1ал лугни гъанх1ебикиб. Бук1унани мазала бала дялг1ун. Уршини дарс бала. Мурадли сунела вишт1аси узи тукейзи урхъу. Урхъу хъамхъали биц1илри.

3. Существительноеби дахълихълизир делк1еная.

Бек1, хъали, адам, хъяб, х1укму, къянкъ, къяш, къада, хъя, арц, гами, улкъай, баз, к1уц1ул, хъунул, сурат, авлахъ, жаваб, далай, вава, х1ева, хъар, буруш, хъул, гъуни, ванза, умхъу, урк1и, варгъи, гумул, къял, к1ап1и, къукъа, дус, къяли, бару, къапу, х1ерк1, абз, къап, вац1а, дубура, зубари.

***Цалихъла формабачил дугъбала цалабикуни пикридарая, дахълихъла формабачил -предложениеби.**

4. Удир гибти существительноеби надежунардарая. Надежунала ахирти дек1ардарая.

Т1ул, гамуш, х1яйван, узи, унра.

5. Хасты ва т1инт1ти существительноеби дек1ардали чедаяхъя.

Хъар Мях1яргибадти далайчиби Рукъият, Муъминат, Мисай, Майсарат, Хамис, Басират, Сарижат ва бахъал царх1илти Асх1ябг1ялини далуйтачи бурсибарибти саби. Асх1ябг1ялила марти гъалмагъунили детаурли сари музы-

кала г1яг1ниахълуми – динда, жикъи, дам, дяд, шяллит1.
Хьар Мях1яргила шими гьалар Бурдекила шила админист-
рациялизи кадурхутири.

6. Ургар датурти сушествительноеби кадалтули чеббелк1еня.

Къурбанг1яли паргъатси, малх1ямти х1ял-
т1абиг1ятла, мискинси бек1ахъудила ...вири. Илис
...дебали дигахъу, илдас сайра. Илала азбарлаб чакар хъяр-
бала...леб, сабира гьар ...бухъуси. Чакар хъярла
...х1ебагъурси шилизив я вишт1аси я халаси аги, ч1янк1ли
...ах1енси. Илизира ...багъахъес дигулри, амма ...духили
вякьунх1ели, къабулх1еришагу или ташмишикл1улри.

**7. Ишди дугъби х1ябал къукъяличи дут1ая (м.ж.,
хъ.ж., у.ж.) ва гъарилличил дугъбала цалабикуни пикри-
даря.**

Сяг1ят, рузикъар, ула, вац1а, узи, шагъ, къаркъа, къа-
булдан, неш, дурх1я, издаги, къаркъала, дабри, Сакинат,
вах1, шала, рай.

ПРИЛАГАТЕЛЬНОЕ

Сунени сек1а лишан чебиахъуси ва сегъуна? чиди?
ибти суалтала цалис жаваб лугуси гъайла бут1алис прила-
гательное или бик1ар. Масала: *шаласи, мурхъси, гъарахъси.*

Дарган мезла прилагательноебала чучи хасти морфо-
логиялашалти лишантира лерти сари. Цацадех1 чузиб
жинсла г1яламат лебти прилагательноеби жинс х1ясибли
дарсдик1ар: *валк1а, ралк1а, балк1а*. Прилагательноеби
дарсдик1ар къадар х1ясибли ва сушествительноеличил
дарх х1едак1или сарицун дузахъух1ели падежун

х1ясибли: *халаси-халати, жагаси-жагати; халасила, халасилис* ва ц.

Прилагателноела сунечи хасти суффиксунира лерти сари: *-си, -а, -л, -ил, -ан, (-ен, -ян), -кан* ва ц. Масала: *жагаси, ц1уба, пагъмукар, царх1ил*.

Предложениелизиб прилагателное имц1аливан определениели биубли башар. Хасти анц1букъуназиб прилагателное предложениела царх1ил членнира (подлежащее-ли, объект-ли, дополнениели, сказуемое-ли бут1али) биубли башар.

Сунела мяг1на х1ясибли прилагателноеби чумал журала дирар: *качествола, отношениила* ва ц.

Качествола прилагателноебани сек1а качество, ранг, бишт1адеш, халадеш чедиахъу: *ч1умаси, ахъси, дек1си, халаси, ц1удара* ва ц.

Отношенииела прилагателноебани селичил-биалра бархбас лебнила лишан чебиахъу: *губдалан к1ана, хъярбу-кан дис, сирх1ян къял, к1арахъан рурси*.

1. Предложениебазир дек1ардарибти существительноебачи далдиркути прилагателноеби кадатирая.

.... замана х1едикиб. Г1янруч1ла замана баили бурги, ...ч1ябарличив велх1унра. Т1абиг1ятла жагаси мерличиб саби нушала ..., амма ... ши. ...аргъ биубх1ели, школала гъалабси майдайчиб дурх1нала т1амри къайх1едиркур. Кабинетлизи ...г1ямрула хъунул адам арац1иб. Илди цадех1 ...къапула бух1на абац1иб. ...дуги сабри.

2. Прилагателноеби-антонимти чедаахъая.

Буг1ярси барх1и сабри. Берх1ила дуц1арти нурли ванза ванабарилри. Махъла ахъти галгуби кег1ерли кидизурлири. Х1ерк1ла дублабад бех1бихъили г1яшти кьадубала вац1а сабри. Цакъси дяг1ли галгуби ванзаличи г1яшдиахъублири. Рухънани сунела назикси ва

ц1акъагарси някъ гълабуцилри. Жагъси рурси хъули арац1иб. Рухъна хъунул гъаргала къасиличи кариилри. Му-сахъайла михъирлаб урк1и гъалакли т1имхъбик1улри. Аз-барла ветаибх1ели, ухънани ганз багълали кайц1есях1иб.

3. Назмуртазир прилагательноеби чедаяхъая.

Дец1ра дардра дурт1уси
Г1яламла ургав ахъси,
Шадлихъличив шаласи
Илра сай бег1ла вархъси.

*** ***

Х1ела ахъси даража
Дила г1яшси даража,
Г1ямру цадарах1елли,
Ца бетарар даража.
(Ш. Мях1яммадов)

4. Ишди таманти прилагательноебазирад таман-х1енти прилагательноеби дарая. Илдачил дугъбала цалабикуни пикридарая.

Глибрат: ц1удара-ц1удар, ц1удар х1улби.
ахъси-
шаласи-
хъанц1а-
мурхъси-
ц1уба-
буг1ярси-
ванаси-
ч1умаси-
гъамси-
къакъаси-

5. Прилагательноеби надежунардарая.

Х1унт1ена, халаси, мулебк1ан.

6. Качестволa вa отношениелa прилагателноеби пайдаладирули (Агъ, дила дунъя) бик1уси бишт1аси сочинение белк1еная.

7. Ишди прилагателноебачи мяг1на х1ясибли дал-диркути существителноеби делк1еная .

Марси, берубси, духуси, дурхъаси, ах1ерси, бяг1уси, ванаси, кьанси, разиси, буц1арси.

8. Предложениебазирти прилагателноебала суф-фиксуни кадатирая.

Сунела у ахъили дугъаизурсилис илини мурталра шала..., рази... дях1 кадурцу. Малх1ям...гъайличил гъай-рик1уси хъунул адам сари ил. Бахчализир лерри мури... пастанти, хала...къабакъуни ва царх1илти бахчала ц1едеш. Илаб илгъуна бишт1а... сек1ал баргес х1ейрар. Наб тама-шадилзулри рурсила духъян... жага... чурми. Хала дудешла хала...т1улбани чугурла ч1ярт1...гими мях1камли кьимдирулри.

ЧИСЛИТЕЛЬНОЕ

Сунени сек1ултала кьадар яра илдала гъаб-г1ергъидеш чебиахъуси гъайла бут1алис **числительное** бик1ар. Масала: *шел, даршал азир, ав-авал, цаибил.*

Числительноели чум? чум-чум? чумъибил? ибти суал-тала цалис жаваб луга.

Сунени баянбируси дев агарли бак1ибх1ели, числительное кьадар ва падежуни х1ясибли барсбик1ар. Имц1атигъунти числительноеби жинс ва кьадар х1ясибли дарсх1едик1ар.

Числительноеби мяг1на х1ясибли х1ябал журала ди-рар: кьадарла, гъаб-г1ергъидешла ва дурт1у.

Къадар числительноебани секлултала къадар чеби-ахъу: *шуцлали, азир, вецлну шура* ва ц.

Гъаб-глергъидешла числительноебани секлултала гъаб-глергъидеш чебиахъу: *цаибил, клшибил, шуибил, верхлэсил*.

Дуртлу числительноебани чум-чум? ибси суайс жаваб луга: *ца-ца, хляб-хляб* ва ц.

Чула цалабик хлясибли числительноеби царкаби, учидяхъуни ва цаладыхъуни дирар.

Царка числительноеби ца девлизирад цаладикибти сари: ца, азир, даршал.

Учидяхъ числительноеби сари чузир клел яра имцлати хлячи лерти: шударш (шу+дарш), хлябцлали (хляб+цлали) ва ц.

Цалабахъ числительное чумал царка яра учидяхъ числительноебазибад бетарули саби: *вецлну шура, даршлим вецлал, даршлим вецлну урегра* ва ц.

1. Царка, учидяхъ ва цаладыхъ числительноеби деклар-декларти къаянази делкленая.

Шел, верхлцлали, вецлну шура, азир, ца, гьал, хлябцланну хлябра, даршал, шуцлали, клидарш, урчлемцлали, клел, вецлал, гехлцланну шура, даршлим вецлал, верхлдарш, урег-ибил, авцлали, кліклел.

2. Ишди къадар числительноебазирад гъаб-глергъидешла формаби дарили хлулпрачил делкленая.

33, 405, 5, 15, 1065, 23, 180, 133, 1300, 5001, 1111, 9999, 1985, 43, 777.

**** Ик1ди числительноеби пайдаладалири предложе-ниеби пикридарая.**

3. Ишди къадар числительноеби пайдаладирули, предложениеби делкленая.

1980, 22, 410, 55, 15, 165, 77, 175, 1240, 5001, 299, 66, 5555, 8, 1034, 365.

4. ДуртIу числительноеби пайдаладирули дугьбала цалабикуни делкIеная.

КIикIел, ав-авал, вецI-вечIал, вецIну шура-шура, шу-шел, ца-ца, гьагьал.

5. ЧеббелкIеная, цифраби хIурпрачил лукIули. Ур-датурти ахиртира делкIеная.

Поезд 48 вагой... цалабикибсири. 265 жуз... дарх библиотекализи 70 сурат... кадухиб. Этажеркаличир 48 автор...жуз лерри. Школала 15 ученик... савгьатуни дедиб. 125 километр... гьарахъли саби нушачибад тахшагьар. Нушала шилизир 300 хъали лер. Дила халаси рузи 15 дус риубли сари. 1 хьунул адам... гумайлар хъярби дутIиб.

6. Числительноеби пайдаладирули «Нушала хъали-барг» бикIуси сочинение белкIеная.

МЕСТОИМЕНИЕ

Местоимение секIал, илала лишан яра лугIи гьанхIебушили, илдала мерлаб бузахъуси гьайла бутIа саби. Масала: *Хамис нушала унра сари. Ил гIяхIси адам сари.* (Ишаб ил ибси местоимение Хамис ибси существительноела мерлаб бакIили саби).

Предложениелизиб местоимение подлежащееели, объектIи, дополнениели сказуемоела бутIали, биубли башар.

Сунела мягIна хIясибли местоимениеби чумал жураличи дуртIар: бяхIла: *ну, хIу*; ишарала: *ит, итди, ил, их, икI*; суалла: *чум? чи? се?*; белгидешла: *гьарил, пулан, лебил*; белгиагрила: *чумра, чирил, серил*; отрицаниеела: *цалра, чилра*.

Цацадех1 местоимениеби жинс ва къадар х1ясибли дарсдик1ули сари: *сай, сари, саби; чумбех1, чумдех1, чи-саял, чи-сарил* ва ц.

Существительноела мерлаб бак1ибх1ели, лерилра-сера местоимениеби падежуни х1ясиблира дарсбик1ар.

1. Местоимениеби жураби х1ясибли къукънаддари-ли делк1еная.

Ну, дила, ил, ит, вег1ла, чилра, чирил, х1у, нушала, чи сайрил, се-биалра, чи-дигара, гъарил, ишди, х1ела, сунени, чи-саял, чилра, чи-биалра, гъарил, чумил, пулан, чиларил, набчиб, баягъи, ихдачибад.

2. Местоимениеби тугъаили дек1ардарая.

Салиматли сунечила хабар даимбариб. Илала дях1 хумарлири. Дила урк1ила х1ялани дарсдик1улри. Ну селичиларил пикрилизи ахъилри. Ил шайчиб буг1ярли саби. Г1иса сунела къисматличи сай тамашаиублири. Сенрил гъаввак1ира ну юлдашличи. Илдала къяшмауб дях1и къяржбик1улри. Вахъх1и вашули ил ца пулан шилизи ваиб. Наб х1у чини-биалра вачавархахъили дигули ах1енра. Сай школализи живарни илини гъанна сабри багъурси.

3. Скобкализирти местоимениеби г1яг1ниси тях1ярли кадалтули, предложениеби черделк1еная.

Рурси вякъризурли х1еррик1улри (ил) сагаси х1еваличи. Ил чеваргъибх1ели, (сай) мякълаб бахъал адамти чебаиб. Хъунул адамти вякъбизурли х1ербик1улри (ил). Урши уруз-х1яц1ли (ну) гъамиуб ва (сай) детауртачила хабар буриб. Мурад (х1у) лявкъян. Ил (ну) халаси рузи сари.

4. Ишди местоимениеби падежунардарая.

Пулан, сай, ну, чилра.

5. Местоимениеби пайдаладирули «Дила ши» бик1уси сочинение белк1еная.

ГЛАГОЛ

Сек1а баркьуди яра иличибси х1ял иргъахъуси гъай-ла бут1алис глагол бик1ар.

Дарган мезла глаголла белгиагар форма лебси саби. Ил формала суффикс – ес саби: асес, барес, беркес.

Сунела цалабик х1ясибли глагол бирар царка, учибяхъ ва цалабяхъ. Царка: ак1ес, багъес, бут1ес ва ц. Учибяхъ: пикриухъес, тикрарбарес. Цалабяхъ: уч1ули сай, вак1или ах1ен ва ц.

Учидяхъ глаголти лук1ути сари дарх ва дефисличил (эгер ца х1ячи тикрарбирули биалли яра цаличи ца къаршити мяг1нубала дег1ти дугъби диалли). Цаладяхъ глаголти дек1арли лук1а.

Чула мяг1на х1ясибли ва предложениезиб бируси х1янчи х1ясибли глаголти к1ел журала сари: чердурхути ва черх1едурхути.

Чebbурхуси глаголли предложениелизиб подлежащее актив падежлизиб, объект уйхъу падежлизиб т1алаббиру. Масала: Узини (подл. А.п.) кагъар (объект У.п.) белк1ун.

Чebх1ебурхуси глаголли подлежащее уйхъу падежлизиб т1алаббиру ва объект т1алабх1ебиру. Масала: *Дудеш чарухъун.*

Чebbурхуси глаголличи суффикс -ахъ имц1абаралли ил глагол чebbируси бетарар. Масала: ба-

рахъиб, асахъиб, беркахъун, белкѡхъун, вакѡхъиб, айзахъур ва ц.

Глаголла дирар таманси ва таманакѡленси жураби. Таманси журали бухъанхѡбитѡнси, ахир лебси баркъуди иргъахъу. Масала: *беркун, белкѡун* ва ц. Таманакѡленси жураля глаголли тикрарбикѡуси, ахирличи хѡбекибси баркъуди иргъахъу. Масала: *букаси, лукѡси, бирулра*.

1. Удир гибти глаголти секъайда детаурлил, бурая.

Барсбарес, таманбарес, пикриухъес, давлачевиэс, да-
лайикѡес, тикрарбарес, цѡкъбиэс, дукелцѡидухъес, тѡхѡ-
тѡхѡикѡес, вет-садухъес.

2. Назмулизирти глаголтала жураби белгидарая.

Савли сагали делчѡун

Саламли сунна дурсри.

Кумекбариб нешлисра,

Умударахъес хъулри.

Лебилра юдашуни,

Вявикѡули бучили,

Аркъян школализи,

Рузила някъ буцили.

**3. Пикридарая 10 царка глагол. Гѡур илдачил 10
учидяхъ глагол делкѡеная ва гъарилличил ца-ца предло-
жение пикридарая.**

Гѡибрат: барес – хѡбарес. Къиян-жапализи ви-
кибхѡели, хѡбарес гѡгѡниси саби.

4. Царка, учидяхъ ва цаладяхъ глаголти деклар- декларли делкленая.

Иргъули ахлен, дуравхъун, кавлад, хъумкартес, бура, чедаиб, ахъдуциб, тлимхъбухъун, ваклили сай, ванцлхлевхъун, шиплвярглиб, аклуб, гъайиб, аклес, ватаби, рухларухъун, висули ахленри, къячбикиб, исули сари, вавъиб, айзур, витиб, живариб, лерси сари, айкъур, аркъули лебри.

5. Текстлизирти глаголтала уди тугъаая, ва илди сегъунти журала сарил белгидарая.

Гъачам илини унра шила хленкълизибад къял биглун. Дахъал авара хледарили, ил дугели белгъун. Кабц мурала глебализи диглянбариб. Диъби, халати булхъран тлалхляна дицлили, илдала чеди декъ чекъур. Сунени сегъуналра хъулки-шилтахъ хлебарибсин, гумайла кайиб. Сунела хабурти даимдариб. Аллагъли иш шаласи дунъяличи хъурабарибти адамти цагъунти ахлен.

ГЛАГОЛЛА НАКЛОНЕНИЕБИ

Дарган мезла глаголла урегал наклонение лер: хабарла, шартла, следствиела, дигнила, амрула, суалла.

Хабар наклонениели биубси, бирули лебси, глур бируси анцлбукъ чебиахъу. Масала: *Дила узи университетли-
зив учлули сай.*

Хабар наклонениела формали убла, гъаннала, глурла замана чедиахъу.

Шарт1 наклонениели царх1ил анц1букълис саби шарт1ли бируси баркъуди иргъахъу. Масала: *X1у x1ядурли x1ейадли, ну x1ечи x1якъяс.*

Шарт1 агни багъандан бетх1еурси анц1букъ чебиахъу следствиела наклонениели: *X1уни арц гибси виадри, нуни жуз асиши.*

Сегъуна-биалра баркъуди кабикили дигни иргъахъуси глаголла формалис **дигнила** наклонение или бик1ар.

Масала: *X1у x1улк1ули чарухъ!*

Дигнила наклонениела къант1си (ак1, вак1, чарухъ) ва таманси (*ак1аби, ватаби, чарухъаби*) формаби лер.

Амрула наклонениели тиладибарни, амрубарни, хъарбарни иргъахъу. Масала: *Биха наб ца кесек къац1ла. X1ера, г1яра буцай!*

Суалла наклонениели хъарбаъни иргъахъу. Масала: *Дурх1ни чарбухъуну?*

1. Урдатурти x1урпри кадалтули, предложениеби черделк1еная.

Урши къабул...киб. Талхъай нукерти т1алаббар...б, гъуйчиб гушх1еби...хъес бизити хурегунира касахъили, уршилизи сунела лебдеш ч...баахъес хъ...рбариб. Чумал барх1и илди баш.... Чедаиб х1яйвантала х1ункъри, мазала дурзамти, урчала илхъни, ризкъили дег1унти хъуми, аваданти дубурти ва хамти вац1урби. Уршила диги хамси вац1аличи а...уб. Талхъа нукерти урк1...ухъун уршила гъайличи, амма илизи селра х1...иб. Талхъан уршилис разили гъуни...аиб.

2. Ишди глагол тала хабар наклонениела формабазираад амру наклонениела формаби дарая.

Вак1иб, асиб, улхъули сай, висиииб, чевверхур, кац1иб, узулри, валкъаур, дуг1каиб, ратрухъун.

- Ик1ди глагол тачил дугъбала цалабикуни дарая.

3. Ишди суффиксуначил -а, -ая, -ен, -еная, -и, -ирая глаголла х1яб-х1ябал форма пикридарая.

4. Предложение базирти глаголти шарт1 наклонениела формабачи шурдатурли, предложениела мяг1на барсбарая.

Г1ибрат: Узи вак1иб. – Узи вак1алли, нуша дарх шадир аркъех1е.

Дуг1ла бят1 юглизи арцес къанбиуб. - ...

Илини закиб ч1ака чебаиб. - ...

Ил суайс чилилра жаваб чарх1ебатур. - ...

Унрани чеблалис сасибти арц чардариб. - ...

Лих1и изули саби. - ...

5. Шарт1 наклонениела глаголти пайдаладалили, х1ушала хъуланачила бишт1аси хабар белк1еная.

6. Дигнила наклонениела глаголти имц1адалили, предложениеби тамандарая.

X1y арали... Сай набчи ... X1ушала вишт1аси ...
Ишдус ванати х1еб ... Кулпет цабалги ... Дурх1я духу-
сили ... Рурси жагасили ... Гъункъяс гъунби ...

**7. Ишди глаголтазирад следствиела наклонениела
формаби дарая.**

Асиб, игъуб, сархиб, кайкиб, диг1янбариб, ахъиб, че-
кац1иб, батбухъун, дугъайзур, ламбик1улри, рирхаурра,
дурцу, буч1улри, хъумх1ертур, пархдухъун, хъяч1аиб,
дуц1бухъун, далайиб.

**8. Удир гибти глаголтачил дугъбала цалабикуни
пикридарая.**

Белч1иши, айзиши, кадихъиши, сасиши, далайиши,
улхъиши.

9. Суал наклонениела формаби чедаахъая.

Нуни х1ела къял биг1ниличила чили буриба ?

Ит набчи сен гъимук1ибси?

Гъаннара х1ебалулрив илис се бетаурсил?

Или сабх1ели илдас г1яскар се бирусири?

Се бетаура гъат1и?

Се анц1букъа иличибси, бурес х1ейруду?

X1y мурт ак1убсилив?

Чина къалабалири х1у?

Чи вак1иба? Се буриба? X1y ишав х1ериулрив?

**10. Глаголла лерил наклонениебала формаби пайда-
ладирули, бишт1аси хабар белк1еная «Дила г1ямру»
бик1уси.**

**11. Ишди глаголтала таманси журала формабази-
рад таманак1енти журала формаби дарая.**

Ахъбуцес, батлес, бергес, беглес, бучес, игъес, бяхъес, басес, бацес, беркес, атлес, берчес, бемгес, бамкъес.

12. Пикридарая х1ябал предложение глаголла таманси журала фомаличил, х1ябал – таманах1енси журала формаличил.

13. Чердурхути глаголтачилти предложениеби ца къяйлизир, черх1едурхути – царх1ил къяйлизир делк1еная.

Дудешли т1имкъ кадихъиб. Ишбарх1и дила рузини концертличиб далай белч1ун. Жаврият дебали зяг1ипли сари. Мурадли Рисалатличил делхъ дариб.

Ургубалар маза г1яйдик1ули сари. Синка хъярба букули саби. Гумайлар дурути хабуртачи лех1яхъилри Ражабра. Арсланра Ризванра дукарк1ули саби.

14. Ииди глаголтазирад глаголла чеббигури формаби дарая, г1ур илдачил предложениеби делк1еная.

Г1ибрат: асес – асахъес. Нешли рурсилизи къац1 асахъес хъярбариб.

бирзес-

кайхъес-

белгъес-

белхъес-

баргес-

усес-
белк1ес-
бяркъес-
бялчес-
убасес-

15. Гъар журала глаголти пайдаладирули, «Дила ши г1ебшилизиб» бик1уси сочинение белк1еная.

16. Назмулизир глаголти дек1ардарая.

Гъари, урши, биха някъ,
Кабихъа дудешлайчи.
Х1ечи се х1ерлил бурис,
Х1ейаслира ну палчи.
Х1ерик1улла уршила
Бахъ бишт1аси някъличи,
Азир пикри ляркбули
Сар дила урк1иличи.
(М. Х1ямидов).

ПРИЧАСТИЕ

Сунезир глаголла ва прилагателноела лишанти лерси глаголла формалис *причастие* бик1ар. Масала: *вак1ибси, барибси, белк1унси* ва ц.

Причастиели прилагателноели къяйда секла лишан иргъахъу ва сегъуна? чиди? ибти суалтас жаваб луга.

Цархлил шайчибад причастиели глаголли къяйда баркъуди, илала замана, жура чедиахъу ва жинс, къадар, чеббурхни, чебхлебурхни, иргъахъу.

1. Ишди буралабазир причастиеби деклардарая.

Лебилра дунъяла мас бедалра, арбякъунси замана чархлебирар.

Аркъуси арукъяхъес вати. Хъулкила хъунулра риглунси рирар.

Вамсурси гъункъяс булбулла далуйти ахленну глѣглнити, хъуравиеси хъали саби. Жявли абилзуси гурдала гули лугляна бирар. Къияндешлуми чехледуркъибси адам адам ветхлерар. Пешкешбарибси урчила цулбачи хлермайлуд. Бурибси хъумкарту, белклунси кавлан.

2. Текстлизирти причастиеби деклардарая, чиди надежлизир сарил, белгидарая.

Къабкъин-Къурбай гумаилар дурути хабуртачи бегл гъалав лехлахъибсилис, иличив хлялалси ва малхлямси адам иш дубурла биштласи ши умцлаллира варгес хлейрар или гъанбиркулри. Хляйван-къача дилглуси ил сайри. Сунени диглунти урхила хляйван-къача ва глѣрглѣ-дагъа сунес хлялалти сари или гъанбиркусири. Юх, хлятта урхила глѣрглѣла гидгарилра биглес асухлебирни, биглунси мучила къякъра балли беркес хлярамси биъни илини балуси ахленри.

**3. Ии́ди глаголтазира́д причастие́би дара́я, илда-
чил ду́гьбала ца́лабикунѝ делкѝ́еная.**

Глибрат: барес – барибси, барибси дяхѝи.

бушкес –

биршес –

аргъес –

руржес –

бебкѝес –

бузахъес –

белкѝес –

дертес –

аргъес –

акѝес –

белчѝес –

асес –

касес –

кайхъес –

**4. Уди́р ги́бти причастие́би пайдалади́рули 10
предложе́ние делкѝ́еная.**

Вакѝибси, уржибси, вебшибси, бикибси, балгунси,
бирцибси, сархибси, бурибси, белгъунси, балкѝунси.

ДЕЕПРИЧАСТИЕ

Сунезир глаголлара наречиелара лишанти лерси глаголла формалис **деепричастие** биклар. Масала: *барили, вашули, игъубли, ваклибхлели, ваклибихлиб* ва ц.

Деепричастие бетаруси саби, глаголличи деклар-декларти суффиксуни чедатурли -ли, (-ули), -ла, -кад, -айчи, (-ейчи, -уйчи) ва ц.

Деепричастие глагол кьяйда жинс, кьадар хлясибли барсбиклар, глагол кьяйда тамансили яра таманхленсили, чеббурхусили чебхлебурхусили бирар, замана иргъахъу.

Деепричастие наречиеван предложениелизиб агикьяйдали бирар ва иличи наречиела суалра кабатес бирар.

1. Деепричастиеби мер надежуназир надежунар-дарая.

Вашуйхли, вашна.

2. Буралабазир деепричастиеби даргая.

Веглиси хлебарили, урхлиси закон барес хлейрар. Вайсила хлял хлебагъалли, гляхлсила хлял хлебала. Хлебиркули бикалли, хяли лигара шила дура арху. Урхли бурибхлели, хлед хлейгибизеси гъай хлунира урхлиси мабурид.

3. Ишди глаголтазирад деепричастиеби дарая.

айзур –

ахъиб –

беркун -

бариб –
х1ейгес –
уч1ес –
улхъес –
лушес –
сархес –

**•Деепричастиебачилти ца-ца предложениера
пикридарая.**

4. Деепричастиебазир суффиксуни чедаахъая.

Вак1ибмад, вашуйх1и, укук1и, мурдайили,
уч1если, ац1ибих1и, аряк1унмад, вак1ибк1и, саибмад,
укъайчи.

5. Назмулизир деепричастиеби даргая.

-Муха-муха, Мухамед, -
Хала неш сар рургъули,
-Рухъна-рухъна, лех1ахъи,
Мухамед сай усули.

ГЛАГОЛ СУЩЕСТВИТЕЛЬНОЕ (МАСДАР)

Глаголла аслуличи *-ни* суффикс имц1абарили бе-
таурси глаголла формалис *глагол существительное*
бик1ар: *балц1ни, балг1ни, белк1ни, асни, белч1ни* ва ц. Гла-
гол существительноели глаголли к1яйда барк1уди иргъ-
ахъу, жинс х1ясибли барсбик1ар, таманси ва тама-

нах1енси журала бирар, чеббурхусили ва чебх1ебурхусили бирар. Существительное къяйда паде-
жунарбирар, существительноела суал кабатес виар.
Масала: Нуни шибарх1и кагъар бак1ни багъурра. (се?).

1. Буралабазир глагол существительноеби чед- ахъая.

Вебк1ни гъалаб саби, адамла у убях1бикниличиб.

Вяг1далис къянавиъни – вег1ла багъа буъни саби.

Дуравях1ли дуц1ик1ни – вег1ла къяшмас балагъ саби.

Урх1личив чевугъни – вег1личив чевугънигъуна саби.

Мискиннис кумекбарни маккализид х1яж барнили-
чибра гъалаб саби.

Сецадх1и кигъа х1ербарадра, илала ахир ца саби:
дислиу бикни.

Гъай бурни г1ях1си саби, гъат1ира г1ях1си саби
лех1кахъес бални.

2. Скобкабазир чед-ахъибти глаголтазирад гла- гол существительноеби дарая.

1).Урк1ухъунси Г1ямарли (лех1кахъес) г1ях1си
биъни аргъиб. 2).Къянала хабуртас ахир (кабихъес)
г1ях1сири. 3).Х1ялиматли къял (биг1ес) багъур.
4).Хъулки илцад жявли (дак1увиэс) тамашалари.

5).Сунела х1янчи (къабулбарес) балулри Ших-
сяг1идли. 6).Къасиличирти т1алх1яна диъба (диц1ес)
г1яхихълири.

3. Глагол съществителноеби дак1ахъили, 7 предложение пикридарая ва делк1еная.

4. Ишди аслужазирад суффиксунала кумекличил глагол съществителноеби дарая ва делк1еная.

Белч1..., бак..., ас..., делк1..., бег1..., балг..., багъ..., демд..., леб..., лук1..., луг..., берк..., берж..., калъ..., кал..., кайхъ..., умц..., умц1..., верг..., рарг..., тикрарбар..., дуц1ик1..., кайс..., балт1....

6. Вец1ал глаголла инфинитивла формализирад причастие- деепричастие – масдар дарес.

*** Гъар формала к1ик1ел девличил дугъбала цалабикуни пикридарес ва делк1ес.**

НАРЕЧИЕ

Сунени баркъудила мер, замана, аги-къяйда, къадар, сабаб, мурад, куц, даража чебиахъуси гъайла бут1алис **наречие** бик1ар. Илини *мурт? сен-сен? сен? секъяйда? сецад? чина? чинаб? чинабад?* Ибти суалтала цалис жаваб луга. Масала: *савли, жаг1ял, ишбарх1и, къанни, ишаб, ик1абад* ва ц. Чузиб жинсла г1яламат лебти наречиеби жинс ва къар х1ясибли дарсдик1ар: *вахъх1и, рахъх1и, бахъх1и, дахъх1и*. Мер чебиахъути наречиеби мер падежуназир дарсдик1ар: Гъ.п. *иша*, П.п. *ишаб*, Б.п. *ишабях*, Д.п. *ишабад*.

Предложениелизиб наречие имц1аливан аги-къяйдали бирар: Неш савли жявли арилзан.

Чула мяг1на х1ясибли наречиеби чумал журала дитар: *Баркъудила куц чебиахъути* ва чуни *сен-сен?*

секъйда? ибти суалтас жавабти лугути. Масала: ахъли, мурхъли, дуцли, багълали, умули ва ц.

Мерла наречиеби, чунира чина?чинаб?чинабад? ибти суалтас жавабти лугути: *ита, иха, икIабад, гъа-рахълибад, гъамли* ва ц.

Заманала наречиеби, чунира мурт? *сецадхIи?* ибти суалтас жавабти лугути. Масала: *савли, жагIял, ишхIели, ишдус, даг, жявли, бархIехъ* ва ц.

Сабабла наречиеби ва чуни *се сабабли? се багъан-дан?* ибти суалтас жаваб лугути. Масала: *БугIярли хъуливад дуравхъес агара.*

Мурадла наречиеби чунира се мурадли? се къасли? ибти суалтас жаваб лугути. Масала: *дугIли, кеплис, хIязлис.*

Белгиагрила наречиеби: муртрил, сенрил, сецадхIирил, чумрил.

Белгидешла наречиеби: чина-дигара, се тяхIярли-биалра, мурт-биалра вац.

Къадарла наречиеби: даршна, кIина, авна, азирна, лебгIеб, дебали.

Дарган мезла наречиеби детарар имцIаливан суффиксунала кумекличил (-ли, -на, -ни, -къи, хIи, -ра ва ц.), кIел аслу цаладикили: ишбархIи, цакесек, илкъйда.

1. Текстлизирти наречиеби тугъаили декIардарая.

Дугели паргъатли халкъ бусухIели къачагъунани шиличи чябхъин бариб. Акай хIилхIи верциб. Гъар секIал дуб-дубли далкадиркулри. Ахирра къачагъуни бурцули бехIбихъиб. Акай вархъли Ибрагъимличи

ац1иб. Цацах1ели ил къяркъли гъайик1и. Халкъла давла
мах1камли бих1яхъес къайгънавиркъи.

2. Ишди наречиеби чула жураби х1ясибли къукъ- наддарая.

Савли, дях1-дых1ли, ишаб, удибад, къанни,
х1язлис, масхаралис, жявли, ишбарх1и, шалали, гъа-
рахъли, пашманни, жаг1ял, дуки, гъалаб, дугели, буркъ-
унза, барх1ехъ, даг, нях1якъ, ириъ, г1яяр, аваданни,
ункъли, дебали, кункли, мурхъли, ишбарх1и, цакесек.

3. Буралабазирти наречиеби даргая, чула жураби белгидарая.

Мурталра берх1и х1ебирар. Яни дях1ц1или
х1еделкъунти, х1еб маркалира х1елукъан. Гъар замана
х1ебирар эмх1ес бец1 цугбиркуси. Дугели берки калун-
си дахнили мез дала. Ишбарх1и мах1камбарибси,
жаг1ял багалабирар. Х1ялалли узуси – паргъатли усар.
Къалабали дихъибти дигай жявли детихъур. Гъала-гъала
духувии, г1ур хъайчикайи.

4. Удир гибти наречиебала суффиксуни чедаахъ- ая.

Камли, г1язизли, чумилра, г1урх1ейс, гъарх1ели,
ик1аб, х1йна, вец1на, итмадан, кеплис, ванали, даршна,
чуйнара, гъамли, пашманни, къанни, гъайбатли, ункъли,
гъалакли, разили, хъулкнад, удиб, сахъли, хаслира, хап-
ли, аваданни, марли, итх1ейс, хъусли.

5. Ишди дугъбазирад наречиеби дарая.

Иш, барх1и; г1ур, дус; гъала, гъала; уди, чеди; гъар, замана; иш, дуги; лаг, кат; бух1на, дура; г1ела, гъала; ур-га, ургади; уди, уди.

*** Наречиебачил дугъбала цалабикуни пикридарая ва делк1еная.**

6. Назмулизир наречиеби даргая.

Къалабали сай гъарил
Нешличи хъябруцикес,
Талих1черти бурх1нала
Къисмат гъаман калахъес.

**** *****

Вавала шулг1иб шадли
Белч1ун ц1уэрли далай.
Г1ямру жагали дирар
Вавнадяхъялли дигай.

(А.Х1япизова)

7. Наречиебас антонимти делк1еная.

Глибрат: жагали – ц1ахли

умули –

мурхъли –

ахъли –

пашманни –

шадли –
уди –
г1ела –
савли –
ишбарх1и –
гъалакли –
шалали –
гъамли –
г1ях1ли –
дуц1ли –

***7. Пикридарая ва делк1еная 5 предложение мер-
ла наречиеби дак1ахъили, 5 предложение заманала
наречие дак1ахъили.***

ПОСЛЕЛОГ

Суненицун суайс жаваб гес х1ебируси, сабицун предложениела членни биэс х1ебируси, сунес гъалаб чиди-биалра падежлизиб дев т1алаббируси къуллукъла гъайла бут1алис **послелог** бик1ар. Масала: Школала (X.п) гъалаб бахъал адамти учибикилри. Послелогуни к1ел журала дирар: чула лексический мяг1на лебти ва сари дек1арли лук1ути: *урга, бух1на, гъалаб, дураб*; чула лексический мяг1на агарти ва ил багъандан сари царх1илти дугъбачил дарх лук1ути: *-шал, -г1ебли, -сун, -къадин* (нуг1евли, сунеласун ва ц.).

1. Ишди предложениебазир послелогуни тугъаили деклардарая.

Клубла гъала бахъал адамти учибиклири. Къанби-убли баклибти унзала глелаб тлашлири. Шамильли су-нес глергъи дуцлриклахъули риштласи рузи Издаг рам-сахъур. Дила мякъла тлашризи. Камси заманала рухлар Равгъаният ралкъаур. Ну багъандан хлекладли, дудеш багъандан вакли. Клепра узила хъулри ургаб мижит саб-ри.

2. Удир гибти дугъби гъачам послелогуни гъачам наречиеби диахъубли предложениеби пикридарая ва делкленая.

Бухлна, гъала, глергъи, глела, урга, чеди, уди.

3. Послелогуни даклахъили, верхлел предложение пикридарая.

СОЮЗ

Дугъби яра предложениеби цализи ца дигъес бу-захъуси къуллукъла гъайла бутлалис **союз** биклар. Ма-сала: *ва, амма, я, яра* ва ц. Мялна хлясибли союзуни клел журала дирар: цаладирхъути ва чедедлугути.

Цаладирхъути союзуни чуни бируси хлянци хлясибли хлябал гъатли къукъяличи дуртлар: *цахлнадирхъути, къаршидурцути ва деклардирути*.

Цахлнадирхъути союзуни сари *ва*.

Къаршидурцути союзуни сари: *-ну, -гу, амма, ва-амма*.

Деклардирути союзуни сари: *я, яра, я-я*.

Цаладирхъути союзуни дузахъу цаличи ца хъарх¹ехъибти предложениеби яра ца журала членти цализи ца дилгъес. Масала: *шин ва къац¹, уч¹ес ва лук¹ес. Неи лерри, амма дудеш аги.*

Чеделлугути союзуни чебедниличилти учидяхъ предложениебазир дашар. Илди сари: *сенк¹ун, сеннах¹енну, хъалли, нагагъ, х¹ятта* ва ц. Масала: *Нуни дарман бержира, сенк¹ун дила цула изулри.*

1. Ишди союзуни дак¹ахъили, предложениеби делк¹еная.

амма, -ну, -гу, эгер, нагагъ, х¹ятта, сенадли, хъалли, я, яра.

2. Ишди буралабазир союзуни дек¹ардарая.

Уршилис хъунуйчила пикримайк¹удну, рурсилис муруйчила пикриик¹ен. Дахъал гъай дируси ах¹енну г¹ях¹си хъунул, г¹ях¹си беркала бируси сари. Эмх¹ела лезми к¹ант¹иси бирар, амма занзбани бугар. Дурх¹я варкъибсила ах¹енну, айкъурсила сай. Я сунни х¹ебирули, я бируси х¹евалтули.

3. Точкабала мерла урдатурти союзуни кадалтули, предложениеби черделк¹еная.

Бурили ... иргъули ах¹ен илини.

Х¹ушани нуша дик¹уси барая, ... нуша х¹ушачил ардукаба.

Жита..., хя..., дагъа... хухула хъалчи адац¹иб.

Бизбизи ... шантала рурсби вацлализибях1 бат-
бихьиб.

Х1ези нуни жуз лугас, ... ил х1уни белч1ен.

Нешли дарман бержиб, ... илала цулала изала
ц1акьбик1улри.

4. Назмуртазир союзуни даргая.

Гъанна агу ил дила

Я янашав, я шулг1ив,

Амма гъаннара левал

Ил шантала урк1базив.

(А-М. Г1ялиев)

Дунъяличив бег1ла давлачев нура –

Дила давла я арц я мургъи ах1ен.

Лебх1ели гъар мерлаб наб гъалмагъуни,

Арцра мургъира наб г1яг1нити ах1ен!

(М. Х1ямидов)

КЕСЕК

Кесек предложениелис яра предложениела членнис
чеимц1аси мяг1на бедлугуси кьуллукъла гъайла бут1а
саби. Масала: гъеч, юх, -в, г1е, агъа, кьалли, булан, сен-
нира, гъат1и, ван, ч1янк1ли. *Х1уни балуси нушазира бу-
ра, гъат1и. Ч1янк1ли нуцун сарри собраниеличи
рак1ибси.*

Кесекуни дирар девла мяг1на ц1акъбирути, суалла, марбирути, инкарла, къадагъабирути, тилади иргъахъути, вявла, цугбурцнила, белгиагрила, цаургабла къадар иргъахъути ва ц.

Цадех1 кесекуни лук1а дарх (-к1ун, -цун, -гу), царх1илти дефисличил (-сера, -мага, дек1ар, -дигара), х1ябэсти дек1арли (къалли, къадин).

1. Удир гибти кесекуни дак1ахъили дугъби делк1еная, г1ур илди дугъбачил гъала-гъала дугъбала цалабикуни, к1инайс предложениеби пикридарая.

Тяп, -дек1арли, къадин, булан, бахъ.

2. Назмуртазир кесекуни даргая ва тугъаили дек1ардарая.

Нушала чат1ни – дурх1ни

Сен саби дубуртазиб,

Бахъ гъаман чебиути

Сабира муэртазиб?

Тяп дяхъиван челукъар

Набзир халкъла г1узрурти...

Урк1и х1улк1ули бирар

Шадбиалли адамти.

(Н.Г1ямаров)

-Х1ебиалли, набзи ганз

Кац1ахъес ватабагу,

Гъуник1унал ихъуси

Х1уни ах1и, нунигу.

(М. Х1ямидов)

3. Ииши предложениеби, далдиркути кесекунира кадалтули, черделк1еная.

...., ну иличи вак1ибси виасри, анц1букъ дек1арси бири.

Х1у вархъли ах1енри гъайик1уси, амма х1у вик1уси биаб... .

Къурбайс ... жан харждарес х1ядурлири Равзат.
.... дудешван улхъули сай. Илди ... к1елра барх сабри.

.... дудеш шагъарлизивад чарухъес ишбарх1и.

**** Г1яг1нити дугъби: белики, гъайгъай, -к1ун, къалли, гъат1и, къадин, тят.***

4. Пикридарая ва делк1еная 3 предложение дарх лук1ути кесекуначил, 3 предложение дефисличил лук1ути кесекуначил, 3 предложение дек1арли лук1и кесекуначил.

МЕЖДОМЕТИЕ

Урк1ила х1ялани (къабулдеш, разидеш, пашман-деш, тамашаиъни, урк1ухъни, ташмишик1ни, баркалла,

салам, гьимидухъни, изиаъни) иргъахъути дугъбас **междометиеби** биклар. Междометиела я грамматический, я секлар чебиахъуси мяглна агара.

Масала: *х1айт! агъ, вях1, гъай, эй, гъуя, ай-йй-йй, вай, х1я-х1я, гъа, гъу – гъари, баркалла, салам.*

1. Ишди предложениебазир междометиеби тугъаили деклардарая. Идала жураби белгидарая.

Гъай аман, ваклар вакарлири хлушала дудеш. Ту, хлечи ляглат бакла вайгъабза. Эллей, изули леб калли дила цула. Эй, адам, г1ях1си адам, х1янчи х1ялалси адам! Вях1, сейк1усири гъари х1у!? Агъа, гъанна уцири х1у нуни! Агъ, вай Къапи, жан Къапи. Агъ, вай х1ела мурад баъ!

2. Назмуртазир междометиеби даргая.

Агъ, х1ела хъали мадуъ,

Хлуалра сен бисуда,

Ил х1ела жагал хъали

Душманта буи калла?

Эй, адам, уктемли икъмаикъид х1ябри,

Нушачила хлуни хъуммартид жявли.

Хлечирра хледуар г1ямрула савли –

Мурт-биалра хлура арцури авли.

(Н. Г1ямаров)

-Эй, аркъяни, хлечил барх

Арбуха дила дардра.

-Чина архусив? Дунъя

Ца сабгу х1едра набра.

(М. Х1ямидов)

•Гъандикахъая х1ушани далуги назмурти, чузирра междометиеби лерти.

3. Ишди междометиебачил предложениеби пикридарая.

Гъуя-гъарай, гъей, агъ, х1я-х1я-х1я, ва, вари, агъа.

4. Междометиеби пайдаладирули «Агъ, дила дунъя» бик1уси сочинение-миниатюра белк1еная.

СИНТАКСИС

Синтаксис – грамматикала бут1а саби, суненира дугъбала цалабикуни, предложениеби, илдала мяг1на, каргъни, бархбас, жураби ва чуну бузахъуси х1янчи руркъуси.

Дарган мезла синтаксисла сунечи хастира лишанти лерти сари.

Дугъбала цалабик

Грамматикалашал ва мяг1налашал дархдасунти, к1ел яра имц1ати девлис дугъбала цалабик бик1ар. Масала: шаласи хъали, бизиси гъанк1, ахъли дукарк1ес, кабинетли-зи ац1ес,цаибил дарс, дях1иван ц1уба, шагъарличчи гъамли ва ц.

Дугъбала цалабиклизир дирар к1ел бут1а: бек1ли биуб-си бут1а, сабира бек1 девли аргъахъибси, ва чебедибси бут1а, сабира чебедиб девли аргъахъибси. Чебедиб бут1а чумал девли аргъахъилира бирар. Масала: *къаркъала уста, къаркъала устала хъали, г1ях1си далай, г1ях1си далайла уста ва ц.* Дугъбала цалабик бузахъуси саби гъайик1усила буруси дурусбарес, г1ячихъдеш имц1абарес ва кагахъес багъандан.

Бек1 девличибад чебедиб девличи суал кабатес вир-ниличибли балуси саби дугъби **мяг1налашал дархдасни**. Масала: багълали вашес (секъяйда?); **Грамматикалашал дархдасни** балуси саби бек1 дев чебедиб девличил дек1ар-дек1арти категориябазиб (жинслизиб, къадарлизиб, бях1лизиб, падежлизиб) балбикнила кумекличил. Масала: *ришт1аси рузи (хъ.ж.), бишт1ати рузби(дахълихъ), рузи-чил вак1ес(Барх..н.) ва ц.*

Дугъбала цалабикли сек1улти, илдала лишанти, баркъ-удлуми чедиахъу. Сари каргъни ва чузи кадурхути дугъба-ла бархбас х1ясибли дугъбала цалабикунни чумал журала дирар. Дарган мезлизир имц1али къаршидиркули ди-рар бек1 дев существительноели диубти (*жагаси рурси, даргала жамиг1ят*), прилагательноели диубти (*варъаван муриси, агъуван къут1къуси*), глаголли диубти (*дурх1нази аргъахъес, нешличил рак1ес*), наречиели диубти (*дебали мурхъли, хъучи гъамли*).

Х1янчи 1. Ишти дугъбачил дугъбала цалабикунни пикридарая, г1ур илдачил предложениеби делк1еная.

Бухъяндеш, х1урмат, саниг1ят, варгес, ак1уб, сахаватси, хъуц1ари, гамуш, савли, дусми, урк1ец1и, жагъси, адам-деш, гъамли, сархиб, кайсули сай, вирули ах1ен, азгъин, тиладибарес, пикри-пикриухъун, гъарзали, вавни.

***Х1янчи 2. Гьар схема х1ясибли х1яб-х1яб дугьба-
ла цалабикуни делк1еная.***

Сущ.+прил.:

Сущ.+сущ.:

Сущ.+глагол.:

Сущ.+глагол.форма:

Нар.+глагол.:

Нар.+нар.:

Глагол+глагол.:

***Х1янчи 3. Ишди дугьбала цалабикуназир бек1 дев
ва чебедиб дев чедаахъая.***

Вархъли гъайиклес, урк1илизи атлес, тупани иртес, ши-
лизи гечбиэс, нешла сурат, бизиси беркала, жагъси урши,
х1унт1ена х1ева, жагъдешла т1амри, сагати урунжуни,
верх1рангли ухес, къалабали вяшиклес,ухъначил кайэс,
шадибгъуни барес, з1яг1ипли калун, бугаси тур, зурх1ябла
ранг, верстла т1ал, гъалмагъличил вашес, х1янчи бирес,
изуси цула, ц1яб дуги,гъарахъси юрт, савлила шала, урхъ-
ула бялихъ, талих1чевси адам, укес кайэс, уч1ес укьес,
к1инали хъярхъли, дебали жагали, шагъарличи гъамси,
къарван шиниша.

***Х1янчи 4. Ишди дугьбала цалабикуначил пред-
ложениеби пикридарес.***

Хъанц1а зак, хъярхъти заб, къалабати шин, урхъула ру-
гер, гъалабла замана, уктемси ганз, чеббик1ибси жуз,
мирхъи дусаунх1ели, янила дуги, дигиличил х1ериклес,
гъайла уста, жагали белк1ун, ишт1ях1личил улхъес, жявли
кайхъес.

Дугьби сари-ургар дархдалснила жураби

Дарган мезла дугьбала цалабиклизирти дугьби сари-ургар дархдалсути сари х1ябал тях1ярли: **балбикниличил, бузахъниличил ва бархбикниличил.**

Балбикни саби дугьбала цалабиклизи кадурхути дугьби сари-ургар яра жинслизир, яра къадарлизир, яра бях1лизир далдикили диалли. Масала: *рухъна хъунул*(ишаб бек1 дев чебедиб девличил жинслизиб ва луг1илизиб балбикили саби, хъ.ж.), *бишт1ати дурх1ни*.(ишаб бек1 дев чебедиб девличил къадарлизиб балбикили саби, дахълихълизиб).

Дарган мезлизиб балбикни имц1али бузуси жура саби.

Бузахъни саби, эгер бек1 девли чебедиб дев чидил-биалра падежлизиб т1алаббарили биалли. Масала: *рузичил вак1ес* (чичил? Б.п.), *нешла к1ана* (чила? Х.п.), *Самадличибях1 кабухъун* (чичибях1? Б.п.), *столличиб калун* (селичиб? П.п.).

Бархбикни или бик1ар, эгер бек1 девра чебедиб девра сари-ургар мяг1наласалцун дархдаси диалли. Масала: *ахъли гъайик1ес, жагали улхъес, лебг1еб ч1умали, дебали дигахъес, асес дигулра, барх1ехъ чарухъун, савли айзур ва ц..*

Х1янчи 1. Дугьбала цалабикунала бархбасла жура белгибарес.

Урк1ила дигиличил, ванзала цлакь, урчилис деза, Батирайла наслу, муриси дев, вялхъя урши, къанни чарухъес, жагали улхъес, анц1къилизи викес, савлила зубари, талих1ла пай, анк1ила къякъ, къац1ла къидикъари, набчибях1 дуц1бухъес, уталичиб батес, урхъу бамкъур, ц1удара къяна, рурсила далай, куц1ила вац1а, жявли айзес, хала дудешличи кагъар.

Х1янчи 2. Ишди предложенибазир балбикнила гъуйчил дархдасунти дугъбала цалабикуни деклардарая.

Сакинат г1ях1си адам риъниличила хабар шилизиб т1инт1биублири. Изуси урк1и багълабиахъес къасли Х1ябиб цабагъали дармунта ужулри. Буц1арси гъавала хъип1дешли узес гъамадли ах1енри. Цулала изала чейхъуси ах1ен. Шинна умудешли урхъула лут1и чебиулри. Нушаб гъуни шалабирули бацла шала абалкири. Дила шиалав халаси анхъ саби. Ахъти лусенти нушала шилис къараултиван т1ашли сари. Тупала х1ярх1уби чейгути мерачир хяса ахъдирулри. Ришт1аси рузи Кабират сунела дурсрази ахъилри.

Х1янчи 3. Удир гибти бузахънила гъуйчил дархдасунти дугъбала цалабикуначил предложениеби пикридарая.

Урк1илизи буцес, хала дудешличила хабар, нешла лайла, узичил дуравхъес, дигайлис багъишлабарес, г1ях1яйзи бурибх1ели, хъучибях1 кабухъун, иличиб калун, хъулибад дурабухъун.

Х1янчи 4. Бархбикнила гъуйчил дархдасунти вец1ал дугъбала цалабик пикридарес ва илдачил предложениеби делк1ес.

Х1янчи 5. Пикридарес ва делк1ес дугъбала цалабикуни: шел балбикниличил, шел бузахъниличил, шел бархбикниличил.

Царка предложение

Таманси пикри иргъахъуси, интонацияла ва граммати-
калалаш балкъаурси, ца девлис яра чумал девла цалабик-

лис **предложение биклар**. Масала: *Ишбархли рурсби разили хъули чарбухъун. Шаладикиб.*

Ца дев яра чумал девла цалабик предложениели диэс хледирар. Эгер грамматикалашал ва интонациялашал хас-си тяхлярли далкъаурли хледиалли. Масала: *Жагъси рурсили* ибси дугъбала цалабик предложениелизи халбарес асухлебидар, сенахленну ил интонациялашал глягниси тяхлярли балкъаурли ахлен ва илини таманси пикри иргъахъули ахлен, амма *Жагъси рурси* ибси биалли предложение саби, илини таманси пикри иргъахъули саби, сенкун интонациялашал балкъаурли саби.

Предложениелизи каберхурси, хъархлерагарси мягна лебси девли чиди-биалра ца суайс жаваб луга. Илди предложениела членнира дидар.

Амма предложениелизи кабурхуси гъарилра девла саби бегиси мягна хлебидар. Илдигъунти дугъбачи суал кабатесра хлейрар, илди предложениела членнира диэс хледирар. Илди сари къуллукъла дугъби: союз, кесек, послелог (*ва, амма, -гу, -ра, яра, я*).

Сунела мягна ва интонация хлясибли дарган мезла царка предложение шел журала бируси саби: **хабарла, амрула, дигнила, вявла ва суалла**.

Хабар предложение

Сегъуна-биалра баркъуди-анцлбукъличила буруси предложениелис **хабар предложение** биклар. Масала: *Хала ду-деш Хлябибуллагъ тахшагъарлизивад чарухъун. Нушала унра Асад дабрумала гляхлси уста сай..*

Хабар предложение цаургабла ахъдешла тламаличил бучла. Хабар предложениелизисаи сказуемое хабар наклонениела глаголли аргъахъили бирар.

Амру предложение

Амрубарни, тилади, хъарбаркъ, т1алаб иргъахъуси предложениелис **амру предложение** биклар. Масала: *Жуз белч1ен. Кайи ита. Асагу набра къац1.*

Цацах1ели сунезиб къадагъа лебси амру предложениера бирар. Илх1ели глаголличи инкарла(отрицаниела) приставка **ма-, мя-** имц1абирар. Масала: *Гъанна мабуч1ад х1уни хабар. Жаг1ял шадив мякъяд.*

Дигнила предложение

Се-биалра биубли, кабикили дигни иргъахъу **дигнила предложениели**. Ил предложениелизибси сказуемое глаголла дигнила наклонениела формали аргъахъили бирар. Масала: *Х1у арами ват! Арабираб г1ях1гъубзни!*

Вявла предложение

Разидешличил, дец1личил ахъли ируси, урк1ила х1ялани иргъахъуси предложениелис **вявла предложение** биклар. Вявла предложениела ахирлизи вявла ишара кабалта. Масала: *Агъ, х1ела хъали мадуь! Вях1!*

Вявла предложениелизиб ишдигъунти междометиеби дузахъу: агъ, вях1, ай, вай, вари-вари.

Суалла предложение

Сунезиб суал бух1набуцибси предложениелис **суалла предложение** или биклар. Масала: *Х1у ишбарх1и вак1ури? Бец1 чебаури?* Белк1лизиб суалла предложениела ахирлизи суалла ишара кабалта.

Суалла предложение бетаахъес виарар суалла кесекуначирли: (-у, -в, -а, -ра) яра интонацияличил. Масала: *Неш рак1ибу? Къял лебрира? Г1ях1ли лябкъулив?*

Х1янчи №1. Текстлизирти предложениебала жураби белгидарая.

К1инайс илди кьакъалаб хабарагарли къаршибикиб. Хабарагарли сабрира? Ил - чичирил х1ерли, Загърат биалли чинарил аркбули. Агъ, илди тамашала т1имир-химир! Чинар делч1унти, вара, илди шиш-кьишла сих1ру? Чарухъ-унх1ели, набчи вак1и. Гъанна бурес асух1ебирулив? Илгъуна хабар бусяг1ят бурес х1ейрар. Рурсила мякълар дивайчи кариили урх1ла хъунул адам чераиб. Илала чедила куцбек1лира ил паргъатти х1ял-т1абиг1ятла рег1 риъниличила бурулри. Камси замана дикибх1ели, Загърат аризур. Мекъ талих1ла биаб!

Х1янчи № 2. Ишди дугъбачил дек1ар-дек1арти журала предложениеби пикридарая ва делк1еная.

Вак1, черрерхи, ралликъяна, маслиг1ят, вях1, бетааб, арабираб, узи-урши, бура, мякъяд, чи сайри?, хабар, леву?, шагъар, масхарачи.

Х1янчи №3. Назмулизир суалла предложениеби даргая.

Сен бисуси х1яна х1урхъ?
Балк1деш делхълизибх1елив?
Давла имц1абик1уцад,
Баракат камбик1улив?
Сен бисуси, къаркъала
Урк1и кант1ибак1или,
Гъайбухъес дигусиван,
Хумарли х1ербик1ули?

(А.Г1ябдурашидова)

Х1янчи № 4. Вяв предложениеби дек1ардарая.

Дузабла букибси тйя урчилаван
Дялхъя кьяшми х1ела дамсурлив, дудеш?!

Къарчигъаван кункли т1ях1ухъи дайла,
Гъарзабара, гъари, мява байрамла!
(А.Х1япизова)

**Х1янчи № 5. Пикридарес ва делк1ес шел дигни-
ла, шел амрула предложение.**

Царка предложениела цалабик

Царка предложениела цалабик предложениела члентала луг1илизибад, илдала даражализибад, чуни бируси х1янчилизибад дигахъу. Предложениелизи кадерхурти, чули ца белгиси суайс жаваб лугути дугъбас **предложе-
ниела членти бек1ар.**

Предложениела членти к1ел къукъяличи дурт1ар: бек1 членти ва к1иибил даражала членти. Бек1ти сари: *подле-
жащее, сказуемое, объект*. К1иибил даражала сари: *до-
полнение, определение, аги-къяйда*.

Предложениела бек1 членти

Подлежащее

Подлежащее предложениела бек1 член саби, предложе-
ниелизиб бируси баркъуди яра х1ял сунечи хасбируси.
Подлежащеели **чи?се?чили?сели?** ибти суалтала цалис
жаваб луга. Масала: *Г1ялибег (чи?) хъуливад дуравхъун.*
Машина (се?) батбихъиб. Нешли (чили?) къац1 берц1иб.
Ц1едешли (сели?) ч1ап биц1илри.

Чебиуливан, дарган мезла подлежащее имц1аливан уй-
хъу падежлизибра актив падежлизибра башар. Эгер ска-
зуемое дигес ибси глаголли аргъахъили биалли, дарган
мезла подлежащее лугу падежлизибра башар ва **чис? се-
лис?** ибти суалтала цалис жаваб луга. Масала: *Наб (чис?)*
дила неш дебали дигахъис.

Подлежащее аргъахъили бирар деклар-декларти гъайла бутнани: существительноели: (*Рузи имтихлянтачи хлядурриклури*); прилагательноели: (*Хлунтленаби ца шайчибри*); местоимениели: (*Иш дила саби*); числительноели: (*Шел дураиб*); причастиели: (*Ваклибси нушачира хлеризур*); масдарли: (*Ваклни гляхлси саби*).

Х1янчи №1. Текстлизир подлежащееби къелаили деклардарая.

Жабрагиловра Имиовра землянкализе бухнабухъун. Илаб ванали саби. Глямзилаб глянжила печь тлякьбиклули саби. Печъла мякълаб къасиличиб лимбиклули чирагъ леб. Белчи шятра, къадала клелра убяхлбухъун ва махъила дублабси глинзи гъамбиуб. Гъазали биркъули клилинра ругер икъули саби. Гъмиргъуна чляртла чи някъван бабз-ли саби. Теллис удыхъибти члалхъни далкли къямкадизур-ли сари. Дугила-дуги гъазали биркъули, илди дебали бам-сур. Барг ахъили связистуни дурабухъун диркъаличи.

Х1янчи № 2. Буралабазир подлежащееби даргая. Сели аргъахъилил бурая.

Гушсили муэрлизиб къацл чебиу. Варъализибра мурчлали камхлебирар. Виштласила хлули лукъуси ахлен. Къацл адамлис глергъи хлебашар. Нусилизибра мялякъ камхлебирар. Варъализи зе кахлелкъа. Камсицад къацл би-зили бирар. Бацлси мухли члямхлебиклар. Беглунси ир-шид. Ванзали сай адам валхуси. Узуси виргхлерглур. Укъуцад глянжи имцладиклар. Дугели арц дедлугути ахлен. Заблис глергъи варгъи чехлелгъа. Шишимтани уркли бицлахъу. Бухъна ваца тлимкълизе хлебиркур. Кецлали бецл хлебурцу.

Х1янчи № 3. Пикридарес 9 предложение: 3 пред-ложение, чузибси подлежащее У.п. баклибти, 3

предложение, чузиса подлежащее А.п.бак1ибти, 3 предложение, чузиса подлежащее Л.п. бак1ахъили.

Х1янчи № 4. Ишди дугъби подлежащеебили ди-ахъубли, предложениеби пикридарая.

Урчи, тукенчи, муракъянаби, ну, рурси, г1ях1ял, гурда, анхъ, шанти.

Х1янчи № 5. Назмулизир подлежащееби даргая. Чиди падежлизир дак1илил бурая.

Лерси сари гъарилла
Сай варкъибси г1язиз неш,
Сунес савгъатбариса
Иш дунъяла шаладеш.

Дунъя, даим х1ечила
Илкъяйда рулгулра ну:
Аргъагу дила балга,
Г1янц1ли х1ебиадли х1у!

Объект

Баркъуди сунечи чеббурхуси сек1ал чебиахъуси ва **чи?се?** ибти У.п. суалтас жаваб лугуси предложениела бек1 членнис **объект** или бик1ар.

Масала: Рурсили (се?) *далай* белч1ун. Нуни *юлдаш* (чи?) *разиварира*.

Объект аргъахъили бирар ч1янк1ли уйхъу падежла формализибси существительноели яра илала мерлаб бузуси царх1ил девли.

Объект сказуемоеличил жинслизиб ва луг1илизиб балбиркур. Масала: Нуни *узи варгира*. *Мажидли дурх1ни кабукиб*.

Объект биэс бирар сказуемое чеббурхуси глаголли аргъ-ахъибси ва подлежащее Актив яра (цацах1ели хаста анц1букъуназиб) Лугу падежла формали аргъахъибси предложениелизиб. Масала: Нуни (А.п.) *гъанк1 ахъира. Наб (Л.п.) ит дигахъис.*

Х1янчи № 1. Буралабазир объектуни даргая ва къелаая.

Г1ярг1яли муэрлизибра анк1ила къякъ чебиу. Гъарил адамли чугур бяхъес х1ебала. Устадешли бек1 х1ейзахъу. Урехили изала хъумартахъу.

Гъимили варг игу. Гъямбик1уси хяли зарал х1ебиру. Эмх1ели занзби ах1и х1едуга. Ца унци дук1 х1ебиху. Бархъдешли балк1деш х1ебалта. Чайли чарх батбулхъахъа. Ц1акъдешли низам-дазу х1едала. Кец1али бец1 х1ебурцу. Жакъали гежба х1ебиркъу. Ч1акани т1ент1 х1ебурцу. Ниъ дигусили къял т1алаббириу. Бец1ли маза ах1едилкъа. Канили бек1 булъа. Держли къяшми керису. Держли къаркъара кепбириу.

Х1янчи №2. Иинди предложениебазир объект сели аргъахъилил бурая.

Юсупли плащ чеббатур ва унзала г1елабси г1ябуйчи чехъиб. Мисайни палтар ибуси машина диг1янбариб. Илини буребализи гъимир бетак1иб. Сапиятли бусяг1ят се-биалра х1ядурбириу. Умалатли почтальонна някъ ц1ац1абариб. Сакинатли хурег столлича кабихъиб. Зазани Насибас далайрик1ни къадагъабариб. Хивли т1ама булъахъу. Зайнабли ишбарх1и хъулир детаурти гъандикахъиб. Гъанна нуни наб дигуси бирулра. Насибани багълали урчи гъайбариб.

Х1янчи №3. Удир гибти дугъби объектли диахъ-убли, предложениеби пикридарая.

Вавнала хала, ганз, урк1ец1и, хала неш, далайчи, пагъли-
ванти, сабур, балуй някъ, т1ал, гуми, адам, бек1, ула, хив.

**Х1янчи №4. Ишди дугъби, ца предложениелизир
подлежащеели диахъубли, царх1ил предложениели-
зир объектли диахъубли, предложениеби пиридарая.**

Къалам, савгъат, машина, ши, хъубзара, анц1къи, сапун,
сирмуг.

Сказуемое

Дарган мезла сказуемое предложениела бек1 член саби,
суненира подлежащеелизибад кабиркуси баркъуди яра
х1ял чебиахъуси. Сказуемоели жаваб луга **Се бирули?**
Сек1ал сегъуна саби? Се бетаурли? ва ц. суалтала цалис.
Масала: *К1ялг1яла гъалаб халаси **шара лебри**. Рурси да-
лайрик1ули сари. Неш хъулирад **дурарухъун**. Дила узи
учитель сай.*

Саби бетаъни х1ясибли дарган мезла сказуемое бирар
царка ва цалабяхъ.

Царка сказуемое аргъахъили бирар ца девли: гла-
голли яра царх1ил гъайла бут1али. Масала: *Лямц1ли
лебил алавла **шалабариб**. Х1у арали **ват**. Ну мурхъли
пикриухъунра. **Хлеб садаиб**. Ну студентра.*

**Х1янчи 1. Текстлизир сказуемоеби даргили кье-
лаая.**

Асиятла отпуск саби. Илала дурабадра, нуни белк1и леб
к1ел артистлис хасбарибси музыкала пьеса. Асият сунела
хъуллис г1еларадкаркикили сари. Нуни ил адам гъачамалра
чераибси ах1ен. Х1у вагъес къиянси адам сайри. Илкъяйда
алли, бархъси бирар. Х1ед нуни ца гъат1и диг1яндеш гъар-
гбирулра. Гъанбикесли саби, ил илаб бек1лил х1ебургар
или. Ну столла г1ела кайили, алавчар х1еризурра. Дила
пикруми илини мардариб.

Х1янчи №2. Точкабала мерла царка сказуемое имц1абирули предложениеби делк1еная.

1) Вац1ализи аркъуси гъуни 2) Жаг1ял савли жявли нуша

3) Ургуба вава-къарли 4) Машина дубуртазибях1

5) Урк1илизи ца г1яжаибти пикруми 6) Уста Мях1яммадла х1янчи

7) Дила шан г1ях1гъабзачила хабар газетализи ... 8) Багъадур дуц1рум хала нешличи шадив 9) Дила бек1ализи иличила дахъал пикруми... . 10) Зубалжат нушани базарличир 11) Дудешра нура Хала вац1акад.... 12) Наб рурсила далай 13) Илис дубуртазиб....

Х1янчи №3. Ишди царка сказуемоебачил предложениеби пикридарая.

Беркун, урк1аиб, делхъдариб, кабухъун, урдубяхъиб, вирхаур, анц1букъун, дикъур, кумекбариб, ц1яббиуб, бем-жахъур.

Х1янчи №4. Царка сказуемоебачил урегал предложение пикридарес ва делк1ес.

Х1янчи № 5. Сказуемоеби сели аргъахъилил бурая.

Мунги Г1ях1мадла сатирический далуйти имц1ливан авал тугълизирад сари цаладикибти. Илди назмурти сура-тунази халдарес вирар. Г1ядат саблин, Г1ярбук1ла шили-зир далайчибала абзани дурадурк1ули дири. Гъарил адам илди абзаназир бут1акъяндеш дарес бажардииркуси ах1енри. Мунги Г1ях1мадли суратдирути образунира бел-гити адамтачи

ах1и, бахъличи хасти сарлин пикридарес чебиркур.

Поэтли даргантала х1ябкубла жура т1инт1ли пайдалаби-рули сай.

Цалабахъ сказуемое

К1ел яра чумал девли аргъахъибси сказуемоелис **цалабахъ сказуемое** бик1ар. Цалабахъ сказуемое х1ябал жура-ла бируси саби: глаголличилси, училилси ва наречие-личилси.

Илала ца бут1али бек1 мяг1на бух1набурцу, итил бут1али (кумекла глаголли) – грамматикаласи. Масала: Нушала унра **агроном сай**. Гъанна Пат1иматли царх1ил г1ямал **баргес асубирар**.

Училилси цалабахъ сказуемое

Училилси цалабахъ сказуемое саби, эгер сунела бек1 мяг1на бух1набуцибси бут1а существительноели, прилага-тельноели, числительноели, местоимениели аргъахъили биалли. Масала: Вак1ибси дила **дудеш сайри**. (существительное). Сагаси машина **шиниша саби**. (прилагательное). Иш жуз **дила саби**. (местоимение). Плашти урибази-вад Макъсуд **к1иэсил сай**. (числительное).

Глаголличилси цалабахъ сказуемое

Глаголличилси цалабахъ сказуемоела к1елра бут1а глаголли аргъахъили дирар. Бек1 мяг1на бух1набуцибси гъалабси бут1а глаголла формабани (причастие, дееприча-стие, масдар, инфинитив) дирар. К1иибил бут1ара саби глаголли бирар. Масала: Шагъдат **рузес х1ерирар**. Г1ялихан **лявкъуси сай**. Дила бек1либуцисгъуна мурад **узни саби**. Маллубни **булгес бех1бихъиб**. Илх1ели ну **усули вирус**.

Наречиеличилси цалабахъ сказуемое

Наречиеличилси цалабахъ сказуемое саби сунела бек1 мяг1на бух1набуцибси дев наречиели аргъахъили би-

алли. Масала. *Итала аги ункъли саби. Хъулиб ванали ахIен.*

ХIянчи №1. Ишди предложениебазир цаладяхъ сказуемоеби деклардарая. Илдала жура белгибарая.

Нушала унра АсхIяб савли жявли дуравхъун. Ишдус-ла дуцIрум дегъти сари. Шагъарлизив ветахъибси адам варгес къиянни бирар. Рисалат шила тухтур сари. Учительли ил дарс нушази аргъахъибси саби. Адамти шадли булхъулри. Дила узи гъачамлис виштIаси сай. СягIидатла Амирличи гъимидухъун. Салиматла дудешла узи директор сай. Лейла курслизир бегIлара жагаси сари. Дилара ил бетахъибси къани баргес иштIахъун. Шамхал хIябэсил дерхIличив сай. Заур Заирала узи сай. ИшбархIи дучибти хъярби наб сари. Солдатли ВатIайс мардешла хъя бедес гIягIнили саби.

ХIянчи №2. Буралабазирти глаголичилти, уличилти, наречиличилти цаладяхъ сказуемоеби лерти предложениеби деклар-декларли делкIеная.

Абдал виъниличиб, къиркъир виъни къулайси саби. Абдалла хIулби къакъла гIелар дирар. ВегIла къияйчил барибси хIялалси бирар. ЯхI багъалис бирцули хIебирар. ХIялалси адам талихIчевси вирар. Бугагарсила къимат имцIали бирар. Ца някъли хъатбяхъес хIейрар. Маза дихIяхъес бецI кабалтуси хIебирар. БихIяхъес бедибси дурхъаси бирар. Духусилис ца уркъубяхъра баибси саби. Варъа багъандан къакра мурили бирар. ГъанкI адамлис дарман саби. Усусилис дуги къантIа бирар. Бамбализир цIа дигIяндарес хIейрар. СанигIят лайбакIес хIейрар.

ХIянчи № 3. Ишди цаладяхъ сказуемоебачил предложениеби пикридарая ва делкIеная.

Белкес хлейрар, улхъули сай, рузули ахлен, декан сай, духуси сари, дила сай, бусули бирар, гъарахъли вируд, вархъси сай, пагъмукар сай, багъес вирар.

Х1янчи №4.

Предложениебазирти бек1 мяг1на бух1набуцибти бут1ни кадалтули, предложениеби черделк1еная. Илди сели аргъахъилил бурая.

Ил адам вирхх1еэси буркъя ... саби. Амма дила гъайличичисалра вирхаэс ...ахлен. Г1ямрулизиб гъар журала т1абиг1ятла адамти ... саби. Г1янруч1ла замана машина баргес... ахленри. Ил макъалализив гапварибси жагъси ... сайри. Галгаличи мешуси бирар г1инцра или бик1ни ... саби. Х1ечи шанти ... саби. Ил г1яшси вабза селалра авара ... сайри. Бук1ундешла г1ямрули иличи халаси асар барили биъни ... саби. Шагъарлизир сарли х1уни шилизирти сагадешлумачила ... ахленри. Цацабех1ти итаб бузра бузули саби, ... саби.

Х1янчи №5. Ишди дугъби пайдаладирули цаладяхъ сказуемоеби дарая.

Ахъли, г1якълучерли, директор, цаэсил, нушаб, г1ях1ли, бярг1ибси, ветаэс, гъамли, рак1ни, малх1ямли, студентка, урч1емъибил, лебилра.

Х1янчи № 6. Цаладяхъ сказуемоеби сели аргъахъилил белгибарая.

Ханбика шагъарлизир тухтур сари. Дила ралликъяна Анжелала дудеш Ражаб лебил улкалис машгъурси мушлукъя сай. Хала дудешли бурибси бархъси саби. Даргала далайчи Умайра жагали далайрик1ар. Иличи х1у гыммарурк1уд, илини буруси бархъдеш саби. Нушала унра Салих1ят совхозла агрономли рузули сари. Бика гъанна школала дирек-

тор ахлен. Къурбанхъала мехъла сях1бат хъаршаб бем-
журли саби.

Бигъни

Цалабяхъ сказуемоела ца бут1а саби **бигъни**, суненира грамматикалашалси мяг1на бух1набуцибси. Илини сказуемое подлежащееличил бях1лизиб, жинслизиб, къадарлизиб бархбалсахъа. Бигънили диубли дашар имц1аливан кумекла глаголти *сай, сари, саби, ахлен*. Цацах1ели предложениелизиб бигънила х1янчи бузахъу ишди глаголтанира: *биру, леб, бик1ар, вак1ес, калун, бетаур, биалли, бирар ва ц.* Масала: *Нушала хъулри сагати сари. Дила юлдаш г1ях1си сай. Ил ишав узули калун.*

Подлежащеелара сказуемоелара урга тире кабалтни

Цацах1ели орфографияла къяйдуртала т1алабуни х1ясибли подлежащеелара сказуемоелара урга тире кабалта. Ил бигъни урга батнила лишан саби. Тире кабалтуси саби цалабяхъ сказуемоела бек1 мяг1на бух1набуцибси бут1алара подлежащеелара урга. Масала: *Дурх1ни хъулиб саби, бег1ти – хъучиб. Наб Раисат бик1ар, х1ед – Маржанат..*

Х1янчи № 1. Г1яг1нити ишараби кадалтули предложениеби черделк1еная.

Х1у хужаим, ну х1янчизар.

Уршби булхъули саби, рурсби далайбик1ули.

Айзанат халалгъуна, Рисалат ришт1алгъуна.

Сиядат рурсиличил калун, Анвар уршиличил.

Жунаб вац1ала ц1едеш сари, къурч1би анхъла.

Х1янчи № 2. Буралабазиб тире кабатырая.

Дила талих1 далуйтазиб, х1ела балгназиб. Чис алжана, чис жагъаннаб. Лезмилизив аллагъ,къакъла г1елаб балагъ. Бек1 халал, г1якълу бишт1ал. Хабар халаси, хайри камси.

Чесириб таманбара, гъай гириб бартаахъа. Гъайикласли лезми изули саби, х1ейкласли урк1и. Мух1ли х1ела, хунк1 урх1ла. Х1ейгул вак1ибу бушкала, дигул вак1ибу шанг. Агарав ях1бара, лебу мях1камбара. Давлали урк1и уктем-биру, х1улби сукъур диру, бекк1 абдал биру. Урх1ла мех1ур дукелц1и, вег1ла мех1ур бек1лис балагъ. Беркунси вег1ла, г1елаб калунси урх1ла. Цабех1лис мех1, цабех1лис сях1. Цабех1ти бузули, царх1илти бусули. Урши х1ед, рурси урх1лис.

Х1янчи № 3. Чеббелк1еная. Бурая сен ииши предложениебазир тире кабатурсил.

Эмх1ес –дярхъ, рурсбас-хъали. Хъулки –цали бариб, туснакъ –царх1ил вариб. Чебаалли – х1ярам, х1ебаалли-х1ялал. Дурав –берх1игъуна, хъулив –гъагулгъуна. Лезми –лявла, урк1и –дявла. Урк1и –мургъила, някъби –арцла. Га –дигуб, мегъ –заядариб. Бек1 –буйрукъбик1ар, някъби –дузар. Сабурла вег1ла умхъу –мургъила, гъалаксила –сигла. Дях1 –урузк1ули, къакъ –урухк1ули. Дяг1ли –забдиху, масхуртани –къалмакъар. Даршух1ели –берх1иван, акибх1ели –гъагулван.

Х1янчи № 4. Пикридарес ва делк1ес 7 предложение, чузиб бигъни ургаб батурти.

Предложениела к1иибил даражала членти

Определение

Определение предложениела к1иибил даражала член саби, суненира сек1а лишан чебиахъуси ва ииши суалтала цалис жаваб лугуси: **Сегъуна? Чиди? Села? Чила? Се-**

цад? ва ц.Определениели предложениела царх1ил член баянбиру, сабира существительноели яра царх1ил гъайла бут1али аргъахъибси. Определение сунени баянбируси девлис гъалаб башар. Масала: *Рурсби жагати палтарли бег1барилри. Янила замана сабри. Г1яли цаибил класслив уч1ули сай.*

Определениели диубли имц1аливан дашар прилагательноеби ва причастиеби. Масала: *Ит рулхъуси рурси Асх1ябла сари. Дила унрала бишт1ати дурх1ни саби.*

Мяг1на х1ясибли определениееби дирар далдикибти ва далх1едикибти.

Сунени баянбируси девличил балбикнила гъуйчил бархбасунси определениелис **балбикибси** определение бик1ар. Балбикибси определение иргъахъу жинс ва къадар х1ясибли барсбик1уси прилагательноели, числительноели, причастиели. Масала: *Буч1антас сагати жузи дут1иб. Берц1ибси къац1 биха наб. Майсарат шуэсил курслизир сари.*

Бузахънила яра бархбикнила гъуйчил сунени баянбируси девличил бархбасунси **определениелис балх1ебикибси** или бик1ар. Масала: *Самур г1якълукар дурх1я сай. Г1ямултар адамти ишабра леб. Савли наб дила унра к1арахъан Сиядат къарширикиб.*

Приложение хасси журала определениее саби. Бек1либиубси илала хасдеш сунени баянбируси девлис г1ергъи башни ва ил баянбирни саби. Приложениеби дущахъули дирар имц1али поэзиялизир. Приложениби баяндиру местоимениели, существительноели. Белк1лизиб приложение тиреличил яра к1елра шайчибад запятаябачил дек1арбиру. Масала: *Марипат – дила рузи- журналистка сари. Ну, Салих1ов Салих1, ак1убсира 1980 ибил дуслизив. Х1у, х1урматла ухъна, иша кайи.*

Х1янчи № 1. Пикридарес ва делк1ес: 3 предложение балбикибси определениеличил, 3 предложение балх1ебикибси определениеличил, 3 предложение приложениеличил.

Х1янчи №2. Текстлизир определениееби даргая ва къелаили дек1ардарая.

Шуайнани сунела дурх1ни чуйнара шилизи бархьибтири. Ханумли шишим гъанси халаси гъигъ абатур. Хапли г1елабад чехибси дядла т1амали ил урк1аиб. Иш яргалисра илгъуна сабри бетаурси. Илала узи биалли халаси заводла директор сайри. Шагъарла адамтира илис г1яжаиббилзулри. Испаниятли абзур дуги х1ули къяп1х1ебариб. Муруй дати имц1ати гъай ибси пикриличил някъ гъак1бариб. Сунечирти гъарзаси берх1е х1евара баягъи ил рангла к1анара илис бег1лара дигути палтарри. Дек1си гъигъра абатурли ил аризур.

Х1янчи № 3. Назмулизир определениееби даргая.

Дубурлантала ургаб
Ак1алри бугаси жал-
Арзес жапаси, цала
Х1едаахъили ажал.

Бег1тала гъалав г1яшси
Ил ургар адам ахъси,
Духуси ва жагаси
Ва г1якълукар пасих1си.

Х1янчи № 4. Предложениебазирти определениеебани се баянбирулил бурая.

Халаси къац1 беркунси гушх1ейрар. Кайсуси сек1ал ках1еберхес агара. Шери редибси рурси бицибси хъугъуна сари. Биц1ибси кисаличиб умуси урк1и гъалаб саби.

Г1ях1си гъайли шанда барура ибхъахъу. Малх1ямси девли шурмира гъят1иу. Сукъурлис жагаси хъунул се рируси? Неш агарси дурх1а х1ейрар.

Х1янчи №5. Далдикибти определениебачилти 10 предложение пикридарес ва делк1ес.

Х1янчи №6. Приложениеби дак1ахъили 10 предложение делк1ес.

Х1янчи № 7. Предложениебазир приложениеби деклардарая.

Ит, машгъурси поэт, дила шан сай. Марат, дила халал узи, университетла студент сай.

Мирзаев Мирза, шила багъа, гъанна шагъарлизи уршили-чи гечирули сай. Г1ях1мадхан Абу-Бакар, г1ярбук1ан поэт, лебил дунъяличив машгъуриуб. Хала дудеш Х1ябибуллагъ, улкала игит, Москвализивад чарухъун. Маннаба, пагъмучерси уста, малх1ямси хъунул адам сари. Ну, Г1ямарла урши, 1980 ибил дуслизив ак1убсира.

Дополнение

Дополнение — ург1ерти падежунала цализиб бак1или, илдала суалтас жаваб лугуси к1иибил даражала член саби. Дополнениели имц1али сказуемое баянбиру. Дополнение предложениелизиб кабиркуси баркъудиличил бархбаси бирар. *Масала: Нешли уршилис (чис?) сагаси жуз асиб. Серминазличи (чичи?) гъимук1ес асух1ебирар.*

Синка набчибях1 (чичибях1?) сабухъун.

Ург1ебси падежлизиб бак1ибси дев дополнениели бируси саби, эгер илини падежла суайс жаваб лугули биалли.

Дополнение деклар-декларти гъайла бут1нани аргъахъили бирар. Имц1аливан аргъахъили бирар существительноели ва местоимениели.

**Х1янчи № 1. Ишди предложениебазир дополне-
ниеби дек1ардарая.**

Зулмирала хабарли ну тамашариахъубра. Изайс дарман г1ях1ти дирар. Варачан шиличибях1 кабухъири. Х1унт1ена т1акъализи ранг-рангла къаламти кадихъилри. Х1ела урк1илизи къизбик1уси сек1айчила набзи бура. Са-гаси темаличила нуни ишбарх1и саби багъурси. Назму урк1иличиб бяркъес г1яг1ниси саби. Студентуни вечерли-чи х1ядурбик1улри. Паризат дудешличил шагъарлизи ракиб. Дурсрачила рурсбани бурибси илис г1ях1х1лебизур. Ришт1аси рурсили нешлис вавнала хала гъабуциб. Каримла далай сунес багъишлабарибси биъни-личи Шарипат къанни сарри шакрикибси.

**Х1янчи № 2. Буралабазирти дополнениеби сели
аргъахъилил бурая.**

К1ел къяш лерли хъалли, цагъак1ли галгаличи ац1ес х1ейрар. Гъанк1 адамлис дарман саби. Газа някълизи къац1икес х1ейрар. Ца бек1лис к1ел някъ дузар. Ц1ализавад урухк1уси гавлизивад убшар. Урухк1усила бек1личир хяли ц1а чедиу. Г1ярг1яли муэрлизиб анк1ила къякъ чебиу. Бец1лис эмх1елара диъ бизибилзан. Ч1ич1айс бебк1ес гъанбикалли, гъунила дубла кабилхъан. Тент1личиб нясси сек1ал лебси ах1ен. Миликъ деклизиб ах1и х1ебуар. Дармайс хялара диъ бука.

**Х1янчи № 3. Ишди дугъби дополнениеби диахъ-
убли предложениеби пикридарая ва делк1еная.**

Урчилис, нешличивях1, столличи, галгаличиб, юлдаш-личила, машиналичил, унрубази.

**Х1янчи № 4. Гъарил дополнениеличи суал каба-
тирая. Чидил надежлизиб бак1илил бурая.**

Узила х1ерли Написат урк1аиб. Лех1х1ехъиб иличи Мансур. Сунечила вайси хабар т1инт1биъниличи

Шуг1яйнат шакрикиб. Заманала хъярхъдешли дусми арку-
ли сари.

Гумайла кайибси ухъна сунела г1ямуричила пикри-
ик1улри. Рурсилис ахъли далай белч1ес дигулри. Гьалмагъ
рурсиличил Насиба клублизи арац1иб. Собраниеличиб
бахъал адапти гъайбухъун. Самур машиналичивад
кац1или шилизивях1 ватихъиб. Хала дудешли вишт1аси
Х1ямидлизи чула шиличила хабар буриб. Бек1личи
к1анара бигъи Аминат къалабали ратрихъилри.

Х1янчи № 5. Назмулизир дополнениеби даргая.

Леб дила бишт1ал шила
Шулг1иб урунж бишт1аси,
Гъункъябасра шантасра
Даим саби г1яг1ниси.
Х1еб дуц1арти дак1алли,
Сунела шин дирг1уси,
Буг1яр яни бак1алли,
Шин ванара дируси.

(А-М. Г1ялиев).

**Х1янчи № 6. Дополнениеби сели аргъахъилил
белгидарая, чучи суал кабатирая, уди къелаая.**

Илзамана висивиибси уршила т1ама чехиб. Илала гъай-
лис г1ергъи лех1деш чебихъун. Гьалаксаурли бузуси дила
урк1ила т1имхъла т1ама дикъулри. Дила гъунира илгъуна
саби. Хаслира варскайрули вири ил держла бержибх1ели.
Урх1мешуах1енси т1абиг1ят багъандан дила зилантасра
х1ейгахъаси. Ишгъуна талих1ла бут1а биур или
гъанх1ебикиб наб г1ямурилиб. Улкъайла къасиличир сар-
ри илала белк1анира.

Аги-къяйда

Аги-къяйда к1иибил даражала член саби, суне-
нира баркъуди мурт, чинаб ва секъяйда кабиркулил че-
биахъуси. Илини мурт? чина? сецад? секъяйда? сен?

сен-сен? чинабад? се къасли? се сабабли? се мурадли?
ибти суалтала цалис жаваб луга. Масала: Дудеш **савли**
жявли айзур. Айзанат **къанни** чаррухъун. Даг ну **уни-**
верситетлизи вякъунра. Ит нуни **гъачам** чеира.

Аги-къяйда иргъахъу имцаливан наречиели, дееприча-
стиели, цацах¹ели дек¹ар-дек¹арти (мерла ва сабабла) па-
дежуназир дак¹ибти существителноебани.

Аги-къяйдала жураби

Чула мяг¹на х¹ясибли аги-къяйдаби чумал журала ди-
рар:

Баркъудила куц-х¹ял, даража чебиахъути. Ил-
дигъунти аги-къяйдабани баркъуди кабиркути тях¹яр-
къяйда иргъахъу ва *се тях¹ярли? сен-сен? секъяйда?*
ибти суалтас жаваб луга. Масала: Рустам **хъярхъли**
гумила итил дубла дурайкиб. Ляркъуси нешличи
ришт¹аси рурси **разили** х¹еррик¹улри.

Мерла аги-къяйдали баркъуди кабиркуси мер че-
биахъу ва *чина? чинад? чинабях¹?* ибти суалтас жаваб
луга. Масала: Узи **шилизив** узули сай. Ил **илав**
х¹ерирули сай. Дурх¹ни **ишабях¹** дуц¹ли саби.

Заманала аги-къяйдали баркъудила замана чеби-
ахъу. Илдани мурт? *сецадх¹и?* ибти суалтала цалис
жаваб луга. Масала: **Дугели** нушачи г¹ях¹ял вак¹иб.
Ишдус нуша экскурсияличи аркъех¹е. Ну **гъар барх¹и**
дурсрачи рашус.

Заманала аги-къяйдаби иргъахъу заманала наречиебани,
замана иргъахъути деепричастиебани, существителное-
бани.

Сабабла аги-къяйдали предложениелизиб кабир-
куси баркъуди се сабабли кабиркулил чебиахъу ва *се*
багъандан? се сабабли? сен? ибти суалтас жаваб луга.
Сабабла аги-къяйда сабабла наречиели, деепричастиели
иргъахъу. Масала: **Набчибли** х¹лушабра г¹ях¹деш биуб.

Ил изули агърик1улри. Х1у багъандан нуша ишар калунра..

Мурадла аги-къяйдали баркъуди се мурадли, се къасли кабикибал иргъахъу. Илини *се мурадли? се къасли? сен?* ибти суалтала цалис жаваб луга. Мурадла аги-къяйда инфинитивлира иргъахъу, лугу падежлира иргъахъу. **Масала:** *Х1уша х1язлис даклибтира. Дар-майс хяла диъра бука. Ну узес аркъусира.*

Х1янчи №1. Ишди буралабазир аги-къяйдаби дарага ва сели аргъахъилил бурая.

Гъала-гъала духувии, г1ур хъайчикайи. Гъачам х1янчи бара, г1ур бамсри ахъа. Дурав бурсивиубсилис, дураб дигахъу. Дугели урцул кавдути ах1ен. Х1еб – вавни, г1ебшни – ц1едеш. Савли жявли айзурсилис Аллагълира кумекбир-ру. Г1янруч1 вачар г1ях1си бирар. Ишбарх1и лугуси жибх1я гъалаб бирар, жаг1ял лугуси г1ярг1яличибра. Жявли айзурсилис жявли кайхъес дигухъу. Жаг1яйс балтуси къац1 бирар. Г1янруч1 даибтигъунти шинкъби х1едирар. Ишбарх1и къуруш гъалаб бирар, жаг1ял дирути вец1ал къурушличирра. Барх1ехъ х1яйванра хъули башар. Г1ур я бец1 биэс, я хя биэс. Хъурали вашадли, къанни вет-иуд. Бег1ла гъалабси гъай къанни хъумурту. Жаг1ял бир-уси гидгарлис ишбарх1и леб х1ебик1ар. Гъачам арадеш бетакъалли, ил баргес къиянни бирар.

Х1янчи № 2. Назмулизирти аги-къяйдабала жу-ра белгибарая.

Урк1илар азадли тимхъкадик1ути
Далуйта гъалавах1 ну урцахъулра.
Илдала ц1акъличил, юлдашуначил
Г1ямрула гъалабиз кункли ихъулра.
Баласра, гъамадли ах1ен ишбарх1и,
Жаг1ял наб гъат1ира къиянни бирар.
Сен биалра, шанти, гъар байрамличил,

Бамсри хъумартурли урклі гынцлбиклар.

(Р. Гіяшурбеков)

**ХІянчи № 3. Преложениебазир баркъудила куц,
даража чебихъути аги-къяйдабала уди къелаая.**

Къалабали лявкъуси Мурад ургар или, неш гъаргала гъарракліб. Дубуртазир хъярхъли глебшни седиур. Бархъси гъуни нушани гъамадли ахъира. Ахъли вявиклули, Рабазан дуцліри. Наб дила неш дебали дигахъис. Ишбархлі Райзанат лерглер къугъали регліриублири. Гіяш-гіяшли далуйта ручлулри Насиба. Зайнаб дигіянали Хіусейчи хлерриклулри. Кариаба хумарли кариилри. Ишбархлі Асхлябли дурсри чекайзурли дучлулри. Гіярбукла шилизи хлери глергъи зумали дирихъ чебашулри. Шанти пашманни гумайла кабиилри. Курлаб мурхъли ва цлябли биъни, Къасумли жявлил балусири.

**ХІянчи № 4. Ишди аги-къяйдаби найдаладирули,
предложениеби делкленая.**

Багълали, сяйли, тирхъли, шалали, гъарахъли, серхурли, ахъли, бухъанни.

**ХІянчи № 5. Мерла аги-къяйдаби даклахъили, 10
предложение пикридарая.**

**ХІянчи № 6. Предложениебазирти аги-
къяйдабала жураби белгидарая.**

Ну паргъатли ратурли глергъи , лебтачилра къабулліра. Хіябилра гядабли леб къалли! Урклігъаргли гъайрикладли хлед гляхлси бирар. Гъанна ил хабар сагадан шилизиб тлінтлібиублири. Ахирра багъла-багълали илди гъуйчи дурабухъун. Итбархлі хіянчилавад дудеш къанни чарухъун. Дуцлі хъайглі вакліли уршили тап касиб. Иличил ну ишбархлі сарри тянишриубси. Савли шала шикъдухъунмад адапти дурабухъес хлядурлири. Гъанна илис кумекбарес ца хлуницун вируд. Ил шайчи ритлакліб

ва уктемли каризур. Сунени рах-магли бурибси насих1ят уршини чекайсулри.

**Х1янчи № 7. Заманала аги-къяйдабачил пикри-
дарая 10 девла цалабик, к1инайс илдачил предложе-
ниеби делк1еная.**

**Х1янчи № 8. Иинди предложениебазир
дек1ардарибти аги-къяйдабала жура белгибарая.**

Г1ялибегла гъай багъандан ну дарсличи къаниубра. Ит
разириубли рулхъесрииб. Г1ясириубли унрани уршилис
бяхъиб. Зяг1ипли хъунуй беркеси барес х1ериуб. Мили-
гиубли хала дудешли гажин шинна бержиб. Шарипатла
гъай-мезличибли нуну бируси батурра. Хъулри нушани
мукърас х1ядурдарибти сари. Х1у урк1иличивли сайра
ну ишцад аварализи викибси. Уршби масхаралис
бирх1улри. Х1уша нех1екъ дак1илрая.

**Х1янчи № 9. Пикридарес ва делк1ес: 2 предло-
жение баркъудила куц чебиахъути, 2 предложение
мерла, 2 предложение заманала, 2 предложение са-
бабла, 2 предложение мурадла аги-къяйдаби
дак1ахъили.**

Т1инт1си ва т1инт1си ах1енси предложение

Предложениела гармматический хъулчи алк1ахъуси саби
предложениела бек1 члентани. Ца предложениела бирар
ца грамматический хъулчи. Т1инт1си ах1енси предложе-
ниелизир предложениела к1ел член (подлежащеера, ска-
зуемоера) яра предложениела х1ябал член (подлежащеера,
сказуемоера, объектра) дирар.

Саби бек1 члентазибадцун цалабикибси царка предложе-
ниелис **т1инт1си ах1енси предложение** бик1ар. Масала:
Дурх1я висули сай. Яни сабаиб. Учительли дарс буриб.

Сунезир бек1 члентала дурадад к1иибил даражала член-
тира лерси предложениелис **т1инт1си предложение**

биклар. Масала: Виштілси дурхля дуціли глинзи шичи ваклиб. Ахъси музаличиб тлашси Мусала къуш гъарахълибад чебиулри. Нушала ши урхъначибад гъарахъси саби. Ишдусла яни буглярси саби.

ХІянчи № 1. Ишди тлінтІти ахленти предложениебазирад тлінтІти предложениеби дарая ва делкІеная.

Шаладикиб. Дудеш айзур. Гляхлял ваклиб. Къача бебшиб. Хяли гъямъиб. Глебшни. Хлеб даклиб. Буклунни маза чардариб.

ХІянчи № 2. Ишди дугьбала цалабикуназирад тлінтІти предложениеби дарес.

Шиниша къар, ванаси къацІ, ахъси гуми, гъарахъси вацІа, губдалан клана, ахлерси неш, сагаси начи, уталичи кайэс, дарс белчІес, къалабали вакІес.

ХІянчи № 3. ТлінтІти царка предложениеби тлінтІти ахлентачи шурдалтули белкІеная.

Далайчини жагаси далай белчІун. ХІяйванти къар-шин дерхъибси мерличир ахлі тлашхІедилзан. Ишди цІедеш нушала мер-мусаличирцун сари дашути. ЖагІял нуша лерилра вацІализи аркъутира. Муталипла сай вегІси машина леб. Илала някълизиб хІунтІена чІянкІилизи бигъунси бергараг лебри. Жамилатли гъачамалра илцад дахъал вавни чедаибти ахлентри. Хала дудешла анхълизир гъар жура ла цІедеш лер. Илбархлі Сапият дунъяличир бегІгьалар аклубсин каризур. Халкъла хабуртазир гьаларла гІямру чедиахъули сари. Даг илди кІелра барх урхъначи бякъунтири.

ХІянчи № 4. Ишди дугьбачил гъала-гъала тлінтІти ахленти, клінайс тлінтІти предложениеби пикридарая ва делкІеная.

ГІяббаси, гулменди, гІяхлял, дайдуги, шагъар, шинкъанкула, гІиниз, арши, белкІес, дуцІухъес, батес.

Подлежащеела бег1, подлежащееагар ва белгиагар подлежащеела бег1 предложение

Подлежащеела бег1 предложение саби сунезиб гъанбушили подлежащее лебси яра, ил гъанх1ебушибкьи, белгили иргъуси предложение. Масала: *Дила неш х1янчиларад чарриуб.*

Подлежащее гъанх1ебушибкьи иргъули бирар, я гъа-лабси предложениелизибад, я аги-къяйдализибад яра ска-зуемоела формализибад. Масала: *Урши мурт чарухъуна? – Дуги чарухъун.* (ишаб урши ибси подлежащее гъалабси предложениелизибад иргъни багъандан, к1иибил предло-жениелизиб гъанбушили ах1ен). –*Неш, раши иша.* ибси предложениелизиб х1у ибси подлежащее гъанбушили ах1ен. Амма сказуемоела формали иргъахъули саби. *Рак1или лер!* (Ишаб рурсиличи х1ерти бег1тани рурси иб-си подлежащее аги-къяйдализибад иргъули саби.

Подлежащееагар предложение или бик1ар я гъанбушили, я гъанх1ебушибкьи иргъуси, подлежащее агарси предложениелис.

Масала: *Дураб ванали саби. Дубуртачиб дях1или ургъули саби.*

Белгиагар подлежащеела бег1 предложение или бик1ар сунела подлежащее таманни белгили ах1енси предложениелис: *Нушаб савгъатуни гиб* (чили гилил бел-гили ах1ен). *Ишбарх1и сагаси дарс кабихъиб.*

Х1янчи № 1. Подлежащеела якъиндеш х1ясибли предложениебала жура белгибарая.

Мурт вак1ири? –Даг вак1ира. Дураб буг1ярли саби. Ц1ябдаили сари. Ишдус буц1арли саби. Улкъайлизи кьут1дяхъиб. Хурег сабаилив?- Сабаили саби. Вамсуррив? – Вамсурра. Ца солдатла г1яскар х1ебирар.

Урклиагариубли сай. Лебталалра хъулрази телефонти ка-
дихъиб. Лебтасалра хъарбаркъуни гиб. Х1яниубли сай.

**Х1янчи № 2. Пикридарес ва делк1ес 2 подлежа-
щеагрти, 2 белгиагар подлежащеела дег1ти, 2
подлежащеела дег1ти предложениеби.**

**Х1янчи № 3. Белгиагар подлежащеела дег1ти
предложениеби дек1ардарая.**

Вак1ира шагъарлизи кац1ес ганз г1илмулизи. Студенту-
ни практикаличи аркули саби. Шаддешлис кайирая
бишт1ал шила шантиван. Къанти х1ебла дях1иван, бура,
къабулх1ейрурав? Вари хъуммартидра рак1ес ну гъунив-
ватес. Къанти г1ебшнила аргъван чериудгу хумарли.

**Объектла бег1, объектагар ва белгиагар объектла
бег1 предложениеби**

Объектла бег1 предложение саби, сунезиб
гъанбушили объект лебси, яра гъанх1ебушибкъи, ил
иргъуси предложение. *Масала: Кумсиятли х1ези сагаси
хабар бурибу? –Буриб.* (Ишаб к1иибил предложение-
лизи гъанх1ебушибкъи, цаибиб предложениелизибад
объект лебни иргъули саби).

Объектла бег1 предложениела сказуемое мурталра
чеббурхуси глаголли иргъахъу, подлежащее –актив яра
лугу падежли.

Объектагар предложение саби, сунезиб каргъни
х1ясибли объект бизс г1яг1нисикъира, ил агарси предло-
жение. *Масала: Илли хужаимлизи ч1умали бурили сай.*
Нуни илкъяйда х1еира.

Белгиагар объектла бег1 предложение саби сунезиб
объект таманни якъинни ах1енси предложение. *Масала:*
Х1ези нуни чедиахъис (се сарил чедиахъути якъинни
ах1ен). Бирис х1ед нуни (се сабил бируси балахъули
ах1ен). Мисалтани чебиахъули саби, объект агарсира бел-

гигагар обьектла бегіра предложениеби цализирад ца деклардирес гьамадли хіебиъни.

ХІянчи № 1. Обьектагартти ва обьект белгили ахІенти предложениеби даргая.

Илдани унрубачи букьес пикрибариб. Тукейзирад исути сари. Нуни тІамала хІергъира. Иличила итини бурули сай. Абушалли, бирар кабашан. Бедибси бирар сайсуси. Итини дугели вайтІа чебиу. Вари, хІуни чІумали бура. Илизи хІуни лявличил аргъахъа.

ХІянчи № 2. Пикридарес белгиагар обьектла дегІти 10 предложение.

Уахъ предложение

Ца подлежащеелизибадцун цалабикибси предложениелис **уахъ предложение** или бикІар. Уахъ предложение имцІали къаршибиркур художественная литературализиб, фольклорлизиб.

Уахъ предложение ца девли яра дугъбала цалабикли аргъахъили бирар. Масала: *ДягІ. Лусен. Адамти. Ахъти дубурти.*

Уахъ предложениебази халдиру жузала, журналтала, газетабала, тукентала, кинобала уми. Масала: *«Лачин». «Замана». Ресторан «Лезгинка».*

ХІянчи № 1. Уахъ предложениеби декІарли делкІеная.

Савли. ХІеб. Ишдусла хІеб ванати сари. Дила итичи уркІецІидухъун. Гъагул. Салам! Адамти учибикиб. Кахси лехІдеш чебихъун. Верстла тІал. Жуз «Сагаси урунж». Журнал «ЗурхІяб». ДурхІни шадли чарбухъун. ВацІа. Халаси кІухличил варачан кабухъири. Дунъя. Ши. Илдала хъулирад разити тІамрала бикъулри. Дудеш хъули

вак1иб. Мазала дурзам. Поэма «Хъаникъада». Мякълаб
Г1яякъакъа. Удибван Сергокъала.

Х1янчи № 2.

Пикридарая 20 уахъ предложение ва делк1еная.

Х1янчи № 3.

Назмулизир уахъ предложениеби даргая.

Г1ебшни. Хъяни. Гъанбикиб

Ит къяркъси барх1и!

Дец1, луг1месван ц1ап1акун,

Хъасван деръуб х1и.

(Р. Бях1ямадов)

Ца, к1ел ва х1ябал составла предложениеби

Ца составла предложение саби сунезиб цацун бек1
член лебси царка предложение. Илгъуна предложенилизир
ца яра чумал к1иибил даражала членра диэс асубирар. Масала: *Шаладикиб. Багълали ц1ябдирулри. Арцан. Къанни шаладиркулри.*

К1ел составла предложение саби сунела грамматический хъулчи к1ел бек1 членничи белшунси царка предложение. Масала: *Дудеи вак1иб. Х1еб садаиб.*

К1ел составла предложениелизиб объект бируси ах1ен.

Х1ябал составла предложение саби сунела грамматический хъулчи х1ябал бек1 членничи белшунси царка предложение. Х1ябал составла предложениелизиб подлежащеелара сказуемоеелара дурабад объекта бируси саби. Масала: *Дурх1яли чат1а буциб. Узини мукъара бахун. Наб дила Ват1ан дигахъис.*

Х1янчи № 1. Гъар предложениела хъулчи баргая.

Мансурли селра х1еиб. Ну марли вик1усира. Насибат карииб. Къукъубачи някъби кадихъа. Черрерхи. Нуни жаг1ял

собрание дурабуркѝс. Ил масъала арзе гѝягѝнили саби. Илини хабар буриб. Дила ши гъарахъли саби. Дудеш хѝянчила аркъян. Агъ, разидеш! Дила узикъар духуси сай. Рурсилис неш гъанрикиб. Къули чардиуб. Къукъубикѝули саби. Урзули саби.

Хѝянчи № 2. Пикридарая ва деклар-декларли делкѝеная 5 ца составла, 5 клел составла, 5 хѝябал составла предложениеби.

Таманси ва таманахѝенси предложение.

Сунела мягѝна аргъес багъандан, диэс гѝягѝнити лерилра членти гъандушибси предложениелис **таманси предложение** или биклар. Масала: Цаибил курсла студентуни аудиториялизи учибикилри. Нушала Гѝялибейли жасали динда бяхъес бала.

Сунела мягѝна аргъес багаъандан, сунезиб биэс гѝягѝниси чиди-биалра предложениела член гъанхѝебушибси, амма ил член гъамадли иргъуси предложениелис **таманахѝенси предложение** биклар. Масала: Вакѝили сейрусив? Делхъли булхъули бархѝи беркѝиб.

Таманахѝенти предложениеби имѝцаливан адамтала гъайлизир, диалоглизир, фольклорлизир къаршидиркур. Масала:

-Ва, чяка, чяка, чина аркъяда?

-Мучилизи.

-Се барес?

-Мучи хес.

-Мучи се дирути?

-Дурхѝни дахес.

Хѝянчи № 1. Пикридарес 5 таманти, 5 таманахѝенти предложение ва делкѝес.

Хѝянчи № 2. Таманти ва таманахѝенти предложениеби деклар-декларли делкѝеная.

Улкѡайларад тѡама-гѡама чедихулри. Кѡулала хѡенкѡ хѡучи гѡайбикѡулри. Урга-ургади бамсрира ихѡули башулри. Илини жаваб чархѡебатур. Гѡашурани далайрикѡес бала. Гѡанна нушачи чи-дигара вакѡес вирар. Рурсини нешлизи сунела уркѡиличирти дуриб. Гѡахѡмадла Разиятли уркѡилизи атѡеси гѡай буру. Багѡатирла Гѡаилибег Граждан дургѡбала игит сай. Хѡуни белѡлунсив итичила? Вайси хабарла аргѡира. Нуни дила гѡамрулизиб хѡумхѡертис итхѡели кабикибси анѡѡбукѡ. Ухѡнани гѡайса касиб ва багѡлали ватихѡиб. Уздиятла уркѡилизи деклар-декларти пикруми кѡиздикѡулри. Салимат итхѡели бегѡ гѡалар нушачи ракѡиб.

Хѡянчи № 3. Назмулизир таманахѡенти предложениеби даргая.

Чераѡс гѡалар хѡя бирисра.

Мурити гѡайли кепкарирахѡисра.

Чераибхѡели лерил хѡумуртисра.

Сагадан хѡези масхурти дурисра!

(Х. Юсупов.)

Хѡянчи № 4. Диалоглизир таманти ва таманахѡенти предложениеби деклардарая.

-Ва, Гиди, биштѡал Гиди?

-Сен бисусири Гиди?

-Сукѡур Патѡимани наб

Кѡакѡлизи кѡаркѡа игѡуб.

-Сен игѡубара, Гиди?

-Мучилизи баили.

-Сен баибсири, Гиди?

-Бахѡ гушкабиубхѡели.

-Хѡули букѡядри, Гиди

-Абала хѡали ѡѡябли.

-Чирагѡ алкадри, Гиди?

-Някѡби ѡѡали игули.

- Шин чертIадлири, Гиди.
- Шин унциани держили.
- Унци-декIар чинара?
- БуцIа кадушили сар.

Предложениела ца журала членти.

Ца суайс жаваб лугути, предложениелизир ца членни диубти дугъбас **ца журала членти** или бикIар.

Масала: **Шира, шантира, хъалибаргра** датурли *архIяличи дуравхъунра. Гурда халаси ахIен, амма гIямултар саби.* Ца журала членти предложениела духIнар цаладыхънила гъуйчил дархдалсан: союзунала кумекличил ва союзуни агарли. Ца журала члентачил цаладирхъути кIел союз диубхIели, илдала урга запятая кабалтуси ахIен. Масала: **Нешра дудешра** къанни *чарбухъун. Делхъли булхъули саби ГIяйшат ва ГIяхIмад.* Ца журала членти цаладирхъути союзуни хIябал журала дирар: цахIнадирхъути, къаршидурцути ва декIардирути. *ИшбархIи нуни чехIебаира я неш, я дудеш, я узи. Мурад хъули ацIиб, амма кахIейиб.*

ЦацахIели ца журала членти жура-журала гъайла бутIнанира иргъахъу. Масала: **Сайгидра, хIура, Розара** нушачи *дарх дакIирая. Студентуни ункъли ва гъираличил бучIули саби.*

Сари **-я - я, я - яра, -ра - ра** союзуначил дигъунти ца журала членти запятаяличил декIардирути сари, кIиличир имцIали диубхIели. Масала: **Асиятра, Аминатра, Альбинара** балликъянаби саби. **Я хъулив, я университетлив, я библиотекализив** *Муса варгес хIейубра.*

Амма, -ну, -гу ибти союзуначил дигъунти ца журала членти цализирад ца запятаяличил декIардиру. Масала: **Ну хIечи вакIура, амма хIу хъулив хIергири.**

Союзуни агарли, интонацияличил дигъунти ца журала членти запятаяличил деклардиру. *Масала: Кякянти, хъярби, глинцби, курега анхъла цледеш сари.*

Дурхлни булхъули, далайбиклули, хлязтабиркъули хлеркабирули саби.

**Х1янчи № 1. Текстлизир ца журала членти дар-
гая ва г1яг1нити ишарабачил деклардарая. Чула уди
къелаая.**

Узира нура Полканра шагъарла анхъкад къунздухъунра. Уршира рурсира вацализиб чеббалкли саби. Дагъистай-зиб дарганти кларахъанти къумукъланти булугуни лезгиби нугъайланти урусуну цабалги хлеркабирули саби. Батирай г1ях1ладли ваши сирх1язи хайдакълизи муйрази. Ц1уба х1унтлена духъутла ва хъанц1а вавнала хала жагали бирар ца журала вавналайчиб. Бег1лара малх1ямси дигичерси паргъатси урк1ец1ичерси неш дила сари. Я урк1ец1и я рях1му я ях1 агарси адам сайри Сурхай.

Хала нешли къанилар дих1улри бухъутла, х1унтлена, шиниша, манава арх1яла ч1янк1и.

**Х1янчи № 2. Ишди дугъби ца журала членти ди-
ахъубли предложениеби пикридарая ва делк1еная.**

Бишт1ати, халати; гъарахъси, бухъянси, ахирагарси; Халисат, Умайзат ва Гулжанат; Я буг1ярдеш, я дях1и, я бурям; махъ, бириз, жар, п1ялп1ялаг; мазала дурзамти, къулала х1ункъри, урчала илхъни;

**Х1янчи № 3. Ца журала членти деклардарая.
Предложениела чиди членни диублил белгидарая.**

Ухъна Къадира рухъна Райх1янатра галгала дях1ц1илиу кабиилри. Кец1ара, къачара, мукъарара барх1ехъ хъули чардиуб. Дигалли хлевни, дигалли ч1янк1и цаван дахъал сари губдалунтла базарличир. Рулхъули, х1язтариркъули сари сунела начиличил ришт1аси Саният. Нура, х1ура, ит-

ра аркъех1е бялихъуна дурцес. Букули, бужули, булхъули кали саби илди. Ручка, жуз, къалам, линейка ва тетрадь нешли сагали асиб. Цлуба, хъанцла ва гъурша рангли дакилри больницала луцри. Нушала хъучиб, хъалчиб, азбарлаб ва анхълаб дях1и лебалри.

**Х1янчи № 4. Пикридарая ва делкленая ца жура-
ла члентачил 10 предложение, сарира союзуначил
дигъунти.**

**Обобщающий дугъби ва илдачил багълабирнила
ишараби**

Обобщающий дев или бик1ар ца журала члентала т1инт1си мяг1на бух1набуцибси девлис. Ца журала члента жаваб лугуси суайс жаваб луга обобщающий девлира. Илди предложениела чиди членни диубли диалра, обобщающий девра илдигъуна предложениела членни бирар. Масала: *Гимназиялизир кадирхъули сари дек1ар-дек1арти дурсри:* географияла, историяла, экономикала, обществознаниела ва ц. *Хала дудеш Х1ябибулагъла анхълизир духъулри гъар жура* *ц1едеш:* кьурч1и, бяг1ли, курега, гимиргъи ва г1инцби.

Обобщающий дугъби дигалли ца журала члентас гъалар, дигалли илдас г1ергъи дашар. Эгер обобщающий дев ца журала члентас гъалаб бак1или биалли, илис г1ергъи к1ел точка кадалта: **Студентуни:** *Асх1яб, Рашид, Арслан ва Салим – факультетла отличникуни саби.*

Эгер обобщающий дев ца журала члентас г1ергъи бак1или биалли, илис гъала тире кабалта: *Мурул, дурх1ни ва рухъна неш – лебилра илди Умагъанила хъарихъ саби.*

Эгер обобщающий дев гъалаб, ца журала членти г1ергъи дпк1ибх1ели, предложение даимбирули биалли, обобщающий девлис г1ергъи к1ел точка, ца журала члентас г1ергъи тире кадалта: **Бюрола членти:** *Бях1яммад,*

Султан, Анвар – къабулли ахленри директорла хIукмуличи.

ХIянчи № 1. Пикридарес 6 предложение обобщающий дев гъалаб бакIахъили ва делкIес.

ХIянчи № 2. Пикридарес 6 предложение обобщающий дев ца журала члентас гIергъи бакIахъили ва делкIес.

ХIянчи № 3. Ишди дугъби обобщающийтили диахъубли предложениеби делкIес: хъубзури; галгуби; хIяйванти; шими; гъар секIал; адамти;

ХIянчи № 4. Багълабирнила ишараби кадалтули, чеббелкIеная.

ХIуркIби Самур, Сулакъ, Терек Каспи урхъулизи кадурхар. ЧIянкIли нушачи ГIяличи Мухтарличи ва набчи рири разили Асият Каримовна. БиштIати рурсби Жаврият РайхIянат Султанат Салимат жагали булхъулри. Илди хIябал сабри директор секретарь ва бухгалтер. Шими шагъурти дерхъибти унхъри лерилра илди гъанна гIелар калун. Лагъара дагъара хIункъара бетаурсилис дебали разилири.

Дугъабиз

Адам чичи яра селичи дугъаилзулил чебиахъуси девлис яра дугъбала цалабиклис **дугъабиз бикIар. Масала: Рашидат, раши нушачи. ХIу мурт чарухъадив, СягIид?**

Дугъабиз бирар предложениела бехIбихъудлизиб, ургаб ва ахирлизиб. Предложениелизиб ил запятаяличил декIарбиру. Эгер дугъабиз предложениела бехIбихъудлизиб бакIили биалли, илис гIергъи запятая кабалта: **Дудеш, кайи чяйла бержес. Райсат, раши, гъари, дарс бурес** (цацахIели, хасси цIакъличил ирули биалли, запятаяла мерла вявла ишара кабалта: **Аминат! Къалабали дурарухъен!**)

Эгер дугъабиз предложениела ургаб баклили биалли, ил клелра шайчибад запятаябачил декларбиру: *Къанни ваклиригу, Муслим, хлу ишбархли дурсрачи.*

Эгер дугъабиз предложениела ахирлизиб баклили биалли, илис гъалаб запятая кабалта: *Уркли гъаргли гъайриклен хлу набзи, Рисалат. Арали калабая хлуша, дила дурхлини.*

Х1янчи № 1. Чеббелкленая, багылабирнила ишараби кадалтули.

Мирза къалабали ваши хъайгли. Хлечи хлерли рахъхли калунрагу ну Райзанат. Сен илгъуна барибсив хлуни, Зугъра? Хлела урклила мурад бааб Хадижат. Марият багылалли ручлен. Айзи Арсен шаладикилину. Сен хумарли, сен цябти ва Хунзахла жагылти. Гьидатлан игит Хучбар мехъ саби ваши кайи. Уркли изули или, хлу цунни камарируд Хамисаба. Эгъей жагылти садаиб нуша дахъхли хлerti бурхлини. Мяхимуд гъавваклигу гъаргала. Дила ахлерси неш саламриклули сари хлечи хлела риштласи рурси Калимат. Ишбархли нуша гляхладли ляркъехле хлушачи Камила.

Х1янчи № 2. Пикридарес 10 предложение, чузирра дугъабизуни даклахъили.

Х1янчи № 3. Ишди дугъби дугъабизунили диахъубли предложениеби пикридарес ва делклес.

Майсарат; Хала дудеш; ахлерси узи; Мяхляммад; глязизси неш; ва лагъа; дила дигуси.

Х1янчи № 4. Назмуртазир дугъабизуни даргая ва къелаили деклардарая.

Баркалла хлед, ахлерси,
Хлу илгъуна лернилис,
Ванзаван цлумбиклуси

Урк1и паргъатбирнилис.

(М. Мут1алимов)

Пахрух1ебарес х1ейрус,

Дила урши, ил х1ечи.

Х1у ак1убти барх1и-дус

Делк1ира урк1иличи.

(Х. Юсупов)

**Х1янчи № 5. Предложениебазир урдатурти
дугъабизуни кадалтули, х1янчи чеббелк1еная.**

Жаг1ял автобусличи кьанмайруд,....

...., кариин набчил.

.... , белк1ен набчи кагъар.

Дила г1ямрулизиб бег1лара дурхъаси барх1и саби ил,

Сен рисусири, ... , се бетаурли?

Сегъуна аргъ биэсара жаг1ял, ...

Х1у вак1нила мурад бура, ... , гъанна набзи.

...., къалабали хъули чаррухъен.

Руслан ... Х1у арали ватаби!

Урга дугъби ва урга предложениеби.

Предложениела членни сари х1едиубти, амма буруси-
личи гъайик1усила пикри чебиахъути дугъбас яра дугъбала
цалабикунас **урга дугъби или бик1ар.**

Масала: **Белики**, дила унра жаг1ял чаррухъес.

Цаибилгъуна, х1у вик1уси бархъли ах1ен.

Урга дугъбани иргъахъу: пикрумала гъаб-г1ергъидеш,
гъайик1усила бирхауди, ташмишдеш лебал агарал,
урк1ила х1ялани, бурусиличила пикри чила сабил, буру-
силичи лех1ирхъусила пикри бях1ичаъни. Масала: **Мар-
лирагу**, тамашала сек1ал саби ил. **Масала**, х1ела мерличив
ну илкъайда гъайик1ласи. **Адамти бик1уливан**, цла ага-
рих1ир, гав х1едирар.

Урга дугъбалагъуна х1янчи бузахъу урга предложение-
ниебанира. Масала: *Х1ела хъали мадуъ, барагу х1ези иб-
си.*

Урга дугъби ва урга предложениеби белк1лизир запя-
таябачил дек1ардиру, ирнилизир биалли интонацияличил.

***Х1янчи № 1. Ишди дугъби урга дугъби диахъубли
предложениеби пикридарая ва делк1еная.***

Марлира, бик1уливан, бурни х1ясибли, белики, цаи-
билгъуна, к1иибилгъуна, гъайгъай.

***Х1янчи № 2. Багълабирнила ишараби кадалтули
чеббелк1еная.***

Черрехи ишбарх1и х1ечи раклес х1ериубра. Та-
лих1лисван савли берх1и гъаббак1иб. Марлира х1ушала
шанти масхарачиби саби. Гъайгъай илкъяйда х1ериэс хала-
ти харжани г1яг1нити сари. Ашкарлирагу ишбарх1и
буц1арли саби. Белики х1ушачи вак1ибси тухтур виэс.
Игъбарлисван нуша илдас гъаладикира. Х1ечи г1ях1 бак1
кумекбарагу наб. Дила пикрили Заурли шула кымат кай-
су. Гъайла къант1а ну вик1уси барадли хатлах1еркуд.
Х1ебиалли неш хъайг1и рак1ибмадан ну х1ушачи ляркъяс.

***Х1янчи № 3. Пикридарес 5 предложение урга
дугъбачил, 5 предложение урга предложениебачил.***

***Х1янчи № 4. Урга дугъби ва урга предложениеби
къелаили дек1ардарая.***

Х1ечи г1ях1 бак1, х1ед дигуси бара. Бик1уливан, бархъ-
силы балк1си х1ебалта. Марлира, ит дуги къапулизи
къутлик1уси х1у уилригу. Дила пикри х1ясибли, Мурсал
жаг1ял чарулхъан. Гъайла къант1а, варх1и укъядли ила
ветиуд. Рахли, Раисат г1ела рит1ик1ес карииб. Х1ези нуни
бурасли, ца тамашала хабар саби ил. Гъайгъай, неш мур-

талра рархъли рирар. Хлебиалли, ну валкӀли викӀлулра, хӀу биалли - вархъли. Цаибилгъуна, ну хӀечи саламрикӀлулра. КӀибибилгъуна, сена хӀела аги? Бархъли бурасли, даг нуша хӀечила гъайдикӀлули калунра.

Предложениела хасдарибти членти

МягӀналасал ва интонацияласал декӀардухъахъи ирути предложениела члентас **хасдарибти членти** или бикӀар.

Хасдарибтили дирар: определениеби, приложениеби, аги-къяйдаби. Хасдарибти членти белкӀлизир запятаяличил, цацахӀели тиреличил декӀардиру.

Хасдарибти определениеби

Хасдарибти определениеби белкӀлизир запятаяличил, ирнилизир тӀамаличил декӀардиру: 1). Местоимениеличил бакӀибси тӀинтӀси определение: *Гъар даим разиси, ил даг хумарлири.*

2). Баянбируси девлис гӀергъи бакӀибси определение: *БучӀанти –ургаб духутира леб, гӀяхӀти кьиматуни кайсути.*

3). Сунени баянбируси девлис гӀергъи бакӀибси причастиеела авидли биубси определение: *ХӀева, даг нуни чегъурси, нешли базарличибад асибси сабри.*

4). **Сайра, сарра, сарира, сабра, сабира, илра, илдира** ибти дугъбачил бехӀбирхъуси, сунени баянбируси девлис гӀергъи бакӀибси определение: *Нуни итизи хъарбаибси ца суал сабри, илра сунени балуси.*

ХӀянци № 1. Хасдарибти определениеби чедатахъес

ХӀела зиланти, някълизи ярагъ касили, душмайчил бургъули саби. Бахъал саби нушала шилизиб хӀелагъунти рурсби, шагъарлизиб бучӀлути. Урхъназиб

бири ца бялихъ, сабира мургъила. Кабурхулри белчлудила дус, сабира верхлел дусван бухъян-битлунси. Дила нешла узи, халалгъуна, верхлцлали дус виубли сай. Хлера, ахирра баклиб Хаджатличи ил бархли, сунечира сари рахъхли хлерси. Бусули саби Каспи, миъли каплкабуцибси. Ит адам, савли нушани чеибси, дила дудешла юлдаш уили сай.
Кадухиб узини жузи, сарира сагали дурадухъунти.

ХІянчи № 2. Пикридарес 8 предложение хасдарибти определениееби даклахъили.

Хасдарибти приложениеби

Хасдарибтили дирар приложениеби:

- 1). Тлнтлти яра хастн существительноебачил даклибти существительноебани иргъахъути: *Собраниеличив гъай-ухъун Къасум Салихович, колхозла директор.*
- 2). Местоимение баянбирули, даклибти определениееби: *ХІу, дила дудеш, гъачам сайри набчи гъавваклибси.*
- 3). Хастн умас глергъи баклибси баян: *ГІяли ГІялиев, машгъурси мушлукъя, тухтурли узусири.*

ХІянчи № 1. Хасдарибти приложениеби деклардарая.

ХІуша, мурул адамти, тамашала халкъ саррая. Ну, Мусев Муса, университетла студент сайра. Хучбарла марти гъалмагъуни, лихліби духъян халиби, чардиубли шилизи даклиб. Мехъличир жагали рулхъулри Хамис, дила шан рурси. Сайпудин, дила унра, гІяхліси адам сай. Зизи Хаджат, гІярбуклан хъунул адам, паргъатси ва малхІямси сари. Сценаличив далайиклуси, Расул Мусаевич, нушала куратор сай. ХІяпиз, дила узикъар, шилизив гъай бузуси адам сай.

Х1янчи № 2. Пикридарес 10 предложение, чужирра хасдарибти приложениеби даклахъибти.

Х1янчи № 3.Ишди дугъби (дила унра, школала директор, къаркъала уста, шила рурсби) приложениеби диахъубли, предложениеби пикридарес ва делк1ес.

Хасдарибти аги-къяйдаби

1.Мурталра хасдирути сари деепричастиела авидли аргъахъибти аги-къяйдаби: *Набчибях1 лябкъуси синка х1исаббарили, ну сенрил тамашавиубра..*

2. Предложениела гъалаб цайли бак1ибси деепричастие хасбируси саби, эгер илалара сказуемолара ургаб царх1ил дев бак1или биалли: *Рулхъули, ил нушачирях1 ляркъулри.*

3. Хасдирути сари т1инт1ти аги-къяйдаби, эгер чула ахирлизиб ишдигъунти царка аги-къяйдабазибад ца биалли (**х1ерх1еили, биубх1ели, лебнили, агарли, багъандан, сабабли, г1ергъи**): *Къияндешуначи х1ерх1еили, нушала хъалибарг цабалги х1ербирулри. Лекцияличи къанх1едиэс багъандан, нуша жявли дурадухъунра.*

1. Хасдирути сари **-ван, къяйда** ибти цугбурцнила кесекуначил детаурти жура-журала дугъбала цалабикуначил аргъахъибти аги-къяйдаби: *Уршила сипат чебаибх1ели, урк1и къызбухъунх1еливан, Салимат ц1умрухъун.*

Х1янчи № 1. Хасдарибти аги-къяйдаби даклахъили 10 предложение пикридарая.

Х1янчи № 2. Хасдарибти аги-къяйдаби къелаили деклардарая.

Г1як-г1якиклули, ил т1ашизес вирули ах1енри. Шила дублаб майдайчиб дурх1ни х1язлизибри, къабулданти къяйдали. Гъести г1ямруличи х1ерх1еили, Пержигъан жа-

гали реглриублири. Хлеа уршила баркъуди марбарес багъандан, хлуни се - дигара бурулри. Нушачиряхл ляркъуси Хамис чераили, Патимат лехлкахъиб. Ил хлева илис, нешлис бирбубли глергъи, хала нешли бирбубсири. Мусахъай, хъусиклули, татаулкад арякъун. Детауртачила пикрииклули, ну шакрахлейкили, хъаршав дурайкира. Хлуша даклибхлеливан, гъанна ил разили ахлен. Илини, дукарклули, чучил бетаурсиличила хабар бурулри.

Хлѧнчи № 3. Багъандан, хлерхлеили, сабабли, агарли, лебнили, биубхлели ибти дугъбачил предложениеби пикридарес ва делклес.

Учибяхъ предложение

Сунезир клел яра имцлати грамматический хъулчи лерси предложениелис **учибяхъ предложение** или биклар.

Учибяхъ предложение бетаурси саби клел яра имцлати царка предложениебазибад, сарира мягнализир ва ирнилизир цаличил ца дархдасунти. Масала: *Шила дублаб юрт тлашлири, амма илав адам хлерирусигъуна ахленри.*

Ну иличи хлерикулра ва дила урклилизи гляжаибти пикруми хъурадирули сари.

Учибяхъ предложениелизи кадурхути царка предложениеби цализи ца клел тяхларли дилгъа: союзуначил, союзла дугъбачил ва интонацияличил.

Царка предложениеби цализи ца союзунала яра союзла дугъбала кумекличил дилгъули диалли, илгъуна учибяхъ предложениелис **союзунар учибяхъ предложение** или биклар. Масала: *Асхляблис Батирайла далуйти гъандикиб ва далай белчлес илала уркли гъуцлбиуб. Гляйшат къалабали ратрихъиб, сенахленну ил хлѧнчиличи къанрирулри.*

Царка предложениеби цализи ца интонацияла кумекличил дигъи, бетаурси учибяхъ предложениелис **союзуниагар учибяхъ предложение** или биклар. Масала: *Дусми*

ардашулри, Мисайра диуб-детаурти хъумкартес къайгъилизирри.

Хлеб дак1иб, аргъ ванабиуб.

Союзнар учибяхъ предложение бирар клел журала: **цалабахъниличилси ва чебедниличилси.**

Сари-ургар ихтиюртазир бут1а-цугти, каргънилизир хъарх1ерагарт, гъарилла саби бег1си грамматический хъулчи лебти царка предложениеби, сарира цах1надирхъути союзуна дигъи детаурти **учидяхъ предложениебас цаладяхъниличилти** или бик1ар. *Масала:* Сабир жагали улхъулри, амма неш иличи разили ах1енри. Вац1ализибад бец1ла авла т1ама чехиб, ва илмадан бук1унала хури гъямдик1есдииб.

Чебедниличилти учибяхъ предложениеби сари мяг1нализир цаличи ца хъарахъибти, чула даража цугти ах1енти ва цали итил баянбирути. Чебедниличилти учибяхъ предложениебазир дирар: ца бек1 предложение ца яра чумал чебедиб предложениеби. *Масала:* Чи узх1евзалра, ил укх1евкар. Урухтус чинав-виалра, илар усалдешра дирар.

Х1янчи № 1. Чеббелк1еная. Учибахъ предложениебала жура белгибарая.

Нуни аргъибх1ели рирхх1еурра, амма бархъли буили саби илди. Нуша гъайдик1ули лерли Нурипат ца бара тйадириуб, ва итат1ир нушачи диг1янали уди-уди х1еррик1есрях1иб. Амма ну хат1ариркули риэсра асубирар, сенах1енну ну, х1у яра царх1ил умц1уси талих1 илис г1яг1нили х1ебургар. Иличила азирналра ихтилатуни детаурти сари нушала, амма ил вирхаахъес гъамадси сек1ал ах1ен. Х1у вирхаи, нуни илди дурути х1язлис ах1ен. Набчи се х1ерлил, наб се дигулрал, нуни г1ячихъли балулра. Илди гъайла дила лих1бани дикъулри, амма дагърили къабулдирули ах1енри.

Х1янчи № 2. Пикридарес 10 учибахъ предложение ва делк1ес.

Х1янчи № 3. Учибахъ предложенибазирти царка предложениеби, урга г1яг1нити ишараби кадал-тули черделк1еная.

Писатель селичила-дигара лук1ес виар амма лерилра лук1ути адамличил дархдаси диэс г1яг1нити сари. Илди дарсдешуни халкълизи аргъахъес халкълис г1ях1дешла бях1чибизуни кадизахъес писательтанира, поэтунанира, журналистунанира х1яракат бирес г1яг1ниси саби. Датур-ли иларти белк1анира ну г1елавях1 ласиубра. Илди х1ябилра вайти лебри ну х1илх1и бажардирикира илдачи-рад чедирикес.

Х1янчи № 4. Учибахъ предложениеби дузахъули, х1ела г1ях1си юлдашличила хабар белк1ен.

Х1янчи № 5. Учибахъ предложениеби царка предложениебачи дехъая.

Лагъала хъябван хъанц1ли рурх1уси, хамси дуц1ла урчи-личи мурдаили, Гъази базарличи арякъи сай. Х1еб дак1ибмад шагъарлизирти ва илала дуба-карч1ализирти унхъри, шинишдешуни, хаслира Таркитау дубурла бях1ругуни черсаргъур, гъачамлис к1ап1ри дурадикес жявли саби, амма т1абиг1ят дигантала т1ама-гъама дахъ-диур. Цалра галга яра къада ух1ебатурси, амма илди зая-дарибси адам увях1си сай, нясси сай. Мях1камдара илди, лерилра илди х1ед х1яжатти сари, х1ятта жибинтира дарх-ли т1абиг1ятлис х1яжатти сари.

Союзунар цалабахъниличилси учибяхъ предложение

Цалабахъниличилси учибяхъ предложениелизи кадурхути царка предложениеби цализи ца дилгъути сари деклар-декларти союзунани. Учибахъ предложениеби цаладахъес пайдаладирули дирар цах¹надирхъути, къаршидурцути ва деклардирути союзуни.

Бег¹лара зумали дузахъути сари цах¹надирхъути союзуни: **-ра, ва, я, я-я.**

Учибахъ предложениелизир чум царка предложение лер диалра, илдачил цугли тикрарбирар **-ра** союза: *Х¹унира асири, нунира асира, итинира асиб.*

Союз **ва** дарган мезли г¹ярабла мезлизибад г¹ебасибси саби. Илини г¹ар-г¹ерг¹или кадиркути анц¹букъуни чедихъу: *Дамрухъяни дам бяхъиб ва рурсби делх¹ли кабухъун.*

Союз **я** тикрарбик¹уси журала саби. Илала цах¹надирхъусира мяг¹на бирар: *Я эмх¹е дехличи башар, я дех эмх¹еличи башар.*

Къаршидурцути союзуни сари: **амма (аммаки), ну, би-алли.**

Ишди союзунани цаличи ца къаршити мяг¹нуби ирг¹ахъути предложениеби алк¹ах¹а: *Ах¹иэс г¹амадли саби, амма ил ах¹иубси мерличив уэс к¹иянни саби.*

Маза дубурличир кавлан, х¹яйванти биалли дир-к¹аличи арк¹ян.

Деклардирути союзуни сари: **я - я, яра - яра.** Ишди союзунани кадикибти анц¹букъуназирад ца анц¹букъ чебихъу: *Я х¹уни нешлизи баг¹ах¹и, я нуни дудешлизи балах¹ис. Наби яра х¹учив вирар, яра ил анх¹елизив вирар.*

Цацах¹ели ик¹ди союзунала мерлаб **г¹ачам** ибси союз башули бирар: *Г¹ачам унрубала х¹а г¹ямбик¹и, г¹ачам нушала х¹а г¹ямбик¹и.*

**Х1янчи № 1. Буралабазирти союзнани сегъуна
х1янчи бузахъулил белгибарес.**

Я дук1 бячи унц биэс, я унц бек1или дук1 биэс. Я вяхъ-
еси агарли, я кавшеси агара. Тяништи бахъал саби, амма
гъалмагъ агара. Бурхла удиб дяг1ра бек1иб - дярхълаб
къялра бек1иб. Урх1личила угъуси х1ебидарну, х1у
лех1кахъили уэн. Буреба баргибгу, ги беткахъахъиб.
Х1урмат сархес дусми г1яг1нити сари, амма ц1ахиэс
сг1ятра баибси саби.

**Х1янчи № 2. Союзнар верх1ел учидяхъ предло-
жение пикридарес ва делк1ес.**

**Х1янчи № 3. Точкабала мерла мяг1на х1ясибли
далдиркути союзуни имц1адирули, предложениеби
черделк1еная.**

Заб багъладиубли г1ергъи алавла шалабиуб ... итаг1ибси
дубуртала сирт1 чебианбиуб. Ну дила шиличи музаличи-
вад х1ерик1улра ... тамашала пикрумани ясирурцулра.
Дурх1ни булхъули бамсурлири, ... т1ашбизес илдала
къасра аги.

Рухъна Пат1има гъачам майъали ралтулри, ... ил ружер-
лизи риркулри. Г1ялила унрубачив дуги берк1ес пикри
аги, ... ил дудешлиг1ив урухк1улри. Х1у я кариили
къац1ли руken ... х1у нуни гужли ралхари. Х1у гъар
барх1и х1янчила вашулри, ... х1ела алапа бишт1аси саби.

**Х1янчи № 4. Ишди союзуни пайдаладирули сою-
знар учибяхъ предложениеби пикридарая ва
делк1еная: амма, ва, я-я, гъачам, ну, ра, биалли.**

**Х1янчи № 5. Учибяхъ предложенилизирти
царка предложениеби сегъунти союзнала кумекли-
чил дигъил белгибарая.**

Хабарра агарли Ибрагъимличи Эсбет раклиб, амма илдас ил бархли къаршибикес имканхлебаклиб. Къурбан ил юртлизивад дуравхъун ва вархъли базарличивяхли гъайиуб. Илди хлеркли дубла бетаибхлели Ражабли сунела уркура тлашаиб, ва сунени урчила бекличи мухъила тавра чехъиб. Ражаб ваклиничила багъурти узи-урши ва шанти илдала юртлизи учибиркулри, амма гъачамлис Ражабла цайли цаси рузи Алжанат аги.

Союзнар чебедниличилси учибяхъ предложение

Чебедниличилси учибяхъ предложениелизи ихтиярлизир бутлацугдеш агарти, цаличи ца хъарахъибти, цали ца баяндирути клел яра имцлати царка предложение кадурхар. Клел предложениелизибад бетаурси чебедниличилси учибяхъ предложениелизиб ца бекл предложениели бирар, итил чебедибси бирар.

Чебедиб предложение бекл предложениелизибад запятаябачил декларбиру. Бекл предложениелизи чебедиб предложение билгъа **чедедлугути** союзначил яра союза дугъбачил: **сенклун, сенадли, сенахленну, -гу, -ну, хъалли, хлятта, нагагъ, эгер.** *Масала: Эгер ишбархли хлянчи таманхлебарадли, жаглял хлу валкъхлеруд. Лебил учибикити уркликабухъири, хлятта гъайэсалра бирули ахленри.*

Чебедиб предложение бекл предложениелис гъалаб, ургаб, глеаб башар. Чебедиб предложениели беклпредложениеличибад кабатурси суайс жаваб луга.

Чули бузахъуси мяглна хлясибли чедедиб предложениеби чумал журала дирар: баянна, определениела, аги-къайдала.

Хлянчи № 1. Буралабазир бекл ва чедедиб предложениеби даргая.

Урхлила гъуйчиб чили кур икъули биаллира, сеналра ила сай каркур. Веглиис гляхлдеш барес хлейруси чи виалра,

урхлісра хлебиру илини гляхідеш. Эгер хъалибарг бал-
бикалли, давла глягніси ахлен. Эгер хъунул вайси риал-
ли, мурул жявли ухънавиур. Муцлур баргес арякьи, хлътта
супелра балли беткахъахъили чарухъун. Хлу гурда виубли
хъалли, ну гурдала къуйрукъ сайра.

***ХІянчи № 2. Пикридарая ва делкленая деклар-
дектарти союзуначилти 8 чедедниличилти учидяхъ
предложение.***

***ХІянчи № 3. Таманхледуубти чедедниличилти
учидяхъ предложениеби тамандарая.***

Нуни цархліл секлайчила пикрибарра, Заб черардя-
кьи шалабиубли саби, хлътта Эгер..., ну шилизив кав-
лас. Мурадла уркї къакъалири, сенахленну....

...хъалли, гъачамлис буглярли саби. Хъулиб гъибанди
бемжурли саби, хлътта

Эгер, хлечи гляхліира хъурабирар. Бецла авла тлама
беткахъиб, сенклун...

... или, хала неш унрубачи гъарракїб. Мяхлмуд савли
жявли айзур, сенахленну ...

...хъалли, шилизив усуси чилра аги. Нагагъ ..., ну шагъ-
арлизи аркъяс.

***ХІянчи № 4. Пикридарес ва делклес вецлал че-
бедниличилти учибяхъ предложение. Чедедиб пред-
ложениебачи суалти кадатес.***

***ХІянчи № 5. Чедедниличилти предложениеби
сегъунти союзунала кумекличил дигъил белгидарая.
Суалти кадатирая.***

Сунени чедаибти хлябалра тамашала анцлбукъличила
илини глялимлизи буриб, сенклун ил глялимла пикриличи
хлерлири. Сунечил барх медреселизиб бучлуту му-

таг1лимтала ургабра Къурба халаси х1урмат лебри, сенах1енну ил пагъмучевси, дин-исламличи чекайзурси виъни чебаэслири. Сунела хъарбаркъ бетерхахъурли, хабчаб чаррухъунх1ели, Сулайбайчи разидешла бурям чебухъун, х1ятта ил делхъли балли кавхъун. Т1авусли хабар бурух1ели, дила урклец1идухъун, сенах1енну илала дях1личи х1ерик1ух1ели, урклец1и х1едухъес тях1яр аги.

Баянна чедедиб предложениеби

Дарган мезлизир **баянна чебедиб предложениели** бек1 предложениела сказуемое яра ишарала дев баянбиру.

Баянна чебедиб предложениели бек1 предложениела сказуемое баянбиру ва иличирад *се? селичи?* ибти суалти кадалта. *Масала: Заирас гъанбиркусири, ну шагъарлизив ак1убси сай или. Х1уни чех1еири, ил секъяйда улхъулил.*

Ишди учибяхъ предложениебазиб чебедиб предложение бек1 предложениелизи билгъули бирар **или, -ал** ибти чедедлугути союзунани.

Илгъуна чебедиб предложение нукъсансира бирар. Илх1ели илала сказуемое масдарли иргъахъу: *Г1усмайс чеабахъес дигулри, сунес Асият дигули виъни. Мурад армиялизивад чарухъни, нушани гъанна сабри багъурси.*

Бек1 предложениебазирти ишарала местоимениеби (**иш, ил, ит, итгъуна, ишгъуна** ва ц.) ва ишарала наречиеби (**ишаб, итаб, илкъяйда, ила, илабях1** ва ц.) баяндиру, чедирц1ахъу чедедиб предложениебани. Илдигъунти предложениебас **ишарала дев баянбируги чедедиб предложениеби** бик1ар. Ишарала дев бек1 предложениелизибси предложениела чиди-дигара членни биубли башар. *Масала: Мариятли се асалра, ил х1унира аса. (объект). Учитель чина укъялра, нушара ила дашутири. (мерла агикъяйда).*

Х1янчи № 1. Пикридарес гех1ел учибяхъ предложение, чузирра ишарала дев баянбирути чедедедиб предложениеби лерти.

Х1янчи № 2. Белк1еная. Чедедиб предложениеби дек1ардарая.

Бамсри х1ебалули, чили х1янчи бараллира, ил мурадличи виур. Малх1ямси адам чеалли, бишт1ати иличибях1 гъуц1бик1ар. Узини се беркалра, ил х1унира беркен.

Сецад х1у ила х1ерик1адлира, илавадли чилра х1якъян. Заманаличив савли илавад дуравхъунси чи виалра , ил пашманх1ейрар. Учителъниции се хъарбаралра, Аслиматли ил биру. Дудешли чина ганз кац1алра, уршинира ила кайц1у. Ват1а Черях1ти дургъби мурт дех1дихъибал, итх1ели сайри нушала хала дудеш Х1япиз дургъбази арякъунси.

Х1янчи № 3. Ишарала дугъби баяндирути чедедиб предложениеби дак1ахъили, х1ушала хъалибаргличила бишт1аси хабар белк1ен.

Х1янчи № 4. Ишарала дугъби баяндирути чедедиб предложениеби имц1адирули, чеббелк1еная.

...., иличил варх нура аркъяс. ...ц1едешра илар дерхъили дашар., г1ур иличил гъамдеш мадирид х1уни. ... бег1ти илх1ели дурабулхъан. ...рурсира илар заманаличир рири. ...нунира илгъуна бирис. ... гежбара ила башар. ... лебилра илабях1 х1ербик1улри.

Определениела чебедиб предложение

Определениела чебедиб предложение бек1 предложениелизи союзуначил ва союза дугъбачил билгъа ва сунени чиди-биалра членнис определениедеш диру ва сегъуна? чиди? ибти суалтас жаваб луга. Опре-

делениела цацадех¹ чедедиб предложениеби союзуни агарлира дархдалсан. Цацах¹ели союзла мерличир глаголла формаби ва кесекуни –**ван, -ра** кършидиркур.

Определениела чебедиб предложение бек¹ предложениелизи имц¹аливан союзла дугъбачил билгъа (**сабира, сайра, сунелара, сунечира, сарира** ва ц.). Масала: *Ила хъурайуб ца ухъна, сайра даршал дус виубси.*

Определениела чебедиб предложениела сказуемое мурталра причастиели аргъахъили бирар, ил багъандан ил нукъсанси чебедиб предложениели бирар. Сунени баянбируси девлис г¹ергъи бак¹ибси определениела чебедиб предложение запятаяличил дек¹арбиру, гъалаб бак¹ибси биалли запятаяличил дек¹арх¹ебиру, предложениела ургабиалли к¹елра шайчибад дек¹арбиру.

Масала: **Сунени нушачи саламти дархъибси рухъна Хамис-аба** шилизир нушала унраличир х¹ерирусири. Бухъна г¹инц, **сабира дусмани берахъубси, дяг¹ли ч¹якъярбик¹ахъулри.** Левли сай уили сай ца пача, **сунелара лерг¹ер жагаси ца рурси лерси.**

Х¹янчи № 1. Багълабирнила ишараби кадалтули чеббелк¹еная.

Илар лерси сари ца исбагъи рурси сарира рахъ жагаси. Неш сегъуна риалра рурсира илгъуна рирар. Гъанна г¹ях¹идеш агара или нешра паргъаткариуб. Мурад шилизивра духуси урши вири суненира адамтала дебали х¹урмат бируси.

Дубуртазиб ца ши бири сабира сунела гъар-урла г¹ядатуначибли машгъурси. Магъиятлизи сегъуна суал хъарбаадра илгъуна жавабра чарбалта. Шел узилизивад ца дек¹арулхъусири сайра хъуц¹румазивад вяг¹уси, чархбек¹лизив ахъси. Х¹у сегъуна виадлира х¹ела гъалмагъра илгъуна вирар.

Х1янчи № 2. Сайра, сабира, сунелара, сунечи́ра
ибти союзла дугъбачил чедедиб предложениеби пикридарая ва делк1еная.

Х1янчи № 3. Определениела чедедиб предложениеби даргая, бек1 предложениелизи илди селичирли дигъил, бурая.

Неш сегъуна ририбал, тят илгъуна ретаур Зугъайратра. Сали-Сулейбан дебали машгъурси мушлякъя сай, сайра царх1илтас гъачамалра удих1ейкибси. Дила унра Рисалат, сарира цунни х1еркариуси, нушачи гъаман рашар. Шайт1ан Хамис дебали г1ямултар адам сарри, сунела г1ямултира шайт1айчил адикестири. Рахли чини-биалра абхъесгу ибси пикриличил, илини халати ц1удара къапулизи къут1дахъиб.

Х1янчи № 4. Пикридарес вец1ал определениела чедедиб предложение ва делк1ес.

Аги-къяйдала чедедиб предложениеби

Аги-къяйдала чедедиб предложениеби дарган
мезлизир чумал журала лерти сари: *мерла, заманала, сабабла, мурадла, мешубурицуси, шарт1ла, уббурк1уси ва х1ясила.*

Мерла чебедиб предложение

Мерла чебедиб предложениели бек1 предложенилизибси баркъуди баянбиру, ил кабиркуси мер чебиахъу ва *чина?чинаб?чинабад?чинабях1?* ибти суалтала цалис жаваб луга. *Масала: Дудешли къяш кац1ибих1и, уришли бек1 кабирхъу.* Мерла чебедиб предложение мурталра нукъсанси бирар.

**Х1янчи № 1. Чедедиб предложениеби даргая.
Суалти кадатирая.**

Ил вашуйх1и, Салиматра рашусири. Х1уни касибих1и, бухили кабиxъа. Рашидат рашуйх1и, ну х1ерашус. Къяцни дашуси дякъкад, адамтира башули саби. Х1ерк1ла дублаб-си дякъкад лаг арукъядли, шинкъа чебиид.

Шантани арши иршуйх1ив, бригадирра камх1ейрар. Гумиличибад ласбулхъуйх1иб, директорла машина ругбяхъ-илри.

Ц1а чинаб абикъалра, гавра иларад дашар. Берх1и абулхъуйх1и, мучи дях1ихъан.

**Х1янчи № 2. Пикридарес ва делк1ес вец1ал мер-
ла чедедиб предложение.**

Заманала чебедиб предложение

Бек1 предложениелизибси баркъуди кабиркуси замана чебиахъуси чебедиб предложениелис **заманала чебедиб предложение** или бик1ар. Заманала чедедиб предложениебани *сецадх1и?мурт?* ибти суалтас жаваб луга. Маса-ла: *Нешли х1янчи таманбарибх1ели, нуша дурадулхъех1е. Дудешли бурибх1ели, уришли гъар сек1ал аргъиб.*

Заманала чебедиб предложениера мурталра нукъсанси бирар, сенах1енну илала сказуемое заманала дееприча-стиебани аргъахъили бирар.

**Х1янчи № 1. Заманала чедедиб предложениеба-
чи суалти кадатирая.**

Г1ях1мадхан нушачи вак1ибх1ели, савли шикъдулхъу-лри. Неш арац1ибмад, дурх1ни харчбизур. Насиба далай-рик1ес рамсурли г1ергъира, т1ашризес къас аги. Къац1 берц1ибх1ели, лебилра букес стол-алав учибиркур. Зумруд Раджабовна рак1айчи, студентуни х1ерли калун. Кино та-манбиубмад, узира рузира хъули батбихъиб. Сунела

г1яг1ни ахъибмад, унра Сапиятли касибси сек1ал чарбиру.
Илизи верх1на тикрарбарайчи, бара ибси х1ебиру.

**Х1янчи № 2. Буралабазир заманала чедедиб
предложениеби бек1 предложениелизи секъяйда
дигъил бурая.**

Рурсиличи сукни укъяйчи, илала неш рагъи. Хъуливад
дураулхъух1ели – закличи х1еризи, хъули айц1ух1ели –
хъулибтачи. Уршили г1яркъила стакан ахъбуцибх1ели,
чукурбиубси урк1и, гъаннара батх1ебухъи лебал. Къача
бедибх1ели, разих1ейубси, унц бедаллира разих1ейрар.
Диранти дарили г1ергъи, шиннизибад къазван умувиуб.
Арши дикъурх1ели, г1ях1си хъубзарли дуги-х1ери
х1едала.

**Х1янчи № 3. Пикридарес 7 заманала чедедиб
предложениеби ва делк1ес.**

**Х1янчи № 4. Заманала чедедиб предложениеби
пайдаладирули, х1ела студентдешла г1ямруличила
бишт1аси хабар белк1ен.**

Сабабла чебедиб предложение

Сабабла чебедиб предложениели бек1 предложениелизибси анц1букъ се сабабли кабикилил чебилахъу ва сен?се сабабли?се багъандан? ибти суалтала цалис жаваб луга. Сабабла чебедиб предложение бек1 предложениелизи –ну, сенк1ун, сенах1енну, сенадли, или ибти союзуначил ва союзуни агарлира билгъа. Цацах1ели **багъандан** послелоглира билгъа. Масала: Дила халал узи дуц1рум ца баз шилизиври, сенах1енну илдала каникулти сарри. Х1у дурсрачи х1ешни багъандан, дудеш школализи живариб.

Х1янчи № 1. *Сабабла чедедиб предложениеби даргая, суал кабатирая.*

Урх1ла давла багъандан, х1ела набт майгид. Къянала къяшми мурч1алила дирар, ил багъандан хъярхъли дялчан. Урх1ла киса багъандан гъазали маркъуд, сенах1енну х1ед чилилра баркалла х1ейру. Хя гъямбик1ули или, ну дайдуги гъаргала дуравхъунра. Белкъунси хяли гушсила х1ебикъу, ил багъандан лех1кахъили уэн. Дила неш ишбарх1и х1янчила рукъес х1ериуб, сенк1ун ил изесрах1иб.

Х1янчи № 2. *Сенк1ун, сенах1енну, сенадли ибти союзуначил х1яб-х1яб сабабла чедедиб предложение пикридарая ва делк1еная.*

Х1янчи № 3. *Сабабла чедедиб предложениеби бек1 предложениебази секъяйда дигъил бурая.*

Сунела ил баркъуди нешли мажах1ят аргъес, ил багъандан Шуайнани ниъ чябхъдарниличила илизи х1ебуриб. Унабурх1личир гъайрик1ес лайикъли ах1ен, сенк1ун ун-рубани г1яйиб биру. Маржанатлис ил дуги гъанк1 ахъес х1ебикиб, сенах1енну ил изуси нешла мякълар калун. Иличила ца-к1ел девличил бурес х1ейрар, ил багъандан нушаб къаршидикес г1яг1ниси саби.

Мурадла чебедиб предложение

Бек1 предложениелизиб кабиркуси баркъудила мурад иргъахъуси ва сунени *се къасли?се мурадли?* ибти суалтас жаваб лугуси чебедиб предложениелис **мурадла чебедиб предложение** бик1ар.

Мурадла чебедиб предложение бек1 предложениелизи **или** ибси союзли билгъа, цацах1ели **багъандан** ибси послелоглира билгъа. Масала: *Шагъарлизиб х1янчи гъамадли биркур или, Къурбан хъалибаргличил шагъарлизи гечиуб.*

Зяг1ипси урши сагъварес багъандан, Г1ямарла дахъал харжани диуб.

Х1янчи № 1. Мурадла чедедиб предложениебачи суалти кадатирая ва делк1еная.

Чилилра чериули ах1енра или, селра вайси мабирид. Рурсила арадеш багъандан, Жабраиловхъали Москвализи геч-биуб. Диуб-детаурти хъумкартес или, Насиба далайрик1и. Урши ункъли уч1ули или, Хамсият иличила гъаман га-прик1и. Маллани Къуръан г1ях1ил далахъа или, Гъази не-шли иличи уч1ахъес катур. Раисатла хумардеш черар-дукъяхъес или, балликъянаби шаддешла хабуртази ахъил-ри. Шел дурх1я х1ербарес багъандан, нешлис х1ябра дахъ-ал къиянти дях1яэс чебуркъуб.

Х1янчи № 2. Сабабла ва мурадла чедедиб пред-ложениеби дак1ахъили, х1яб-х1ябал предложение пикридарая ва делк1еная.

Х1янчи № 3. Предложениеби тамандарая.

Салиматра Сайгъанатра къаршибикили г1ергъи, ...
Савли къули дирзес фермализи къанх1еризс багъандан,
...

Мешебей Г1ялибег вашуйх1и, ...

Чях-заблис г1ергъи варачан кабулхънабад, ...

Гумайла ну кайруйх1и, ...

Шила дубла нуша кадаибмад, ...

Арсланхъала ц1икури сарукибмад, ...

Заб черардякъи г1ергъи, ...

Мешубируси чебедиб предложение

Бек1 предложениелизиб кабиркуси баркъуди царх1ил сек1айчи мешубируси предложениелис **мешубируси чебедиб предложение** бик1ар.

Бек1 предложениелизи мешубируси чебедиб предложение билгъа –**ван** ибси кесекличилси деепричастиели, – **х1ели** ибси суффиксличил бетаурси деепричастиели. Масала: *Рурсини дебали изиаурх1еливан, рируг1ер ахъли ч1ярбяхъиб.*

Х1янчи № 1. Мешубирути чедедиб предложениеби декларация.

Халаси х1янчи барибх1еливан, Райх1янат гъигъана аралтулри. Вях1 удили кайкибх1еливан, уршила къукъуби дяхъурба диц1илри. Занзбала къадализи рикибх1еливан, Асият т1ашризулри руэс рирули ах1енри. Мирхъи къац1бикунх1еливан, рурсила ляжи бемдурлири. Янила замана вахъх1и дурав калунх1еливан, Мутайла дях1 х1унт1ендиублири.

Х1янчи № 2. Шел мешудирути чедедиб предложение пикридарес ва делк1ес. Илди селичирли бек1 предложениебази дигъил белгидарес.

Шарт1ла чебедиб предложение

Шарт1ла чебедиб предложениели бек1 предложениелизисби анц1букъ сегъунти шурт1разиб кабиркулил чебиахъу ва *се биалли?се биалри?* ибти суалтала цалис жаваб луга. Шарт1ла чебедиб предложение бек1 предложениелизи эгер, **нагагъ, рахли, нагагъладан** союзунани билгъа. Илала сказуемое **-асли, -адли, -алли** ибти суффиксуначилси глаголла шарт1 наклонениела формали аргъахъили бирар. Масала: *Нагагъ дурх1ни ишдуги*

чархлебиалли, жагIял савли илдас музадулхъехIе. Рахли хIед шула кымат бикалли, иличила набзи багъахъи.

***ХIянчи № 1. Буралабазир чедедиб предложение-
бала жура белгибарая.***

Анкъи шалали биалли, уркIира шадли бирар. Дярхъ хIебузалли, юрт хIебузар. ТIени бухънахIебаалли, хIайван бухънахIебиур. Мурул гIяхIси виалли, хъунул къанни хIянрирар. Хъулиб бахъал хъунул адамти биалли, заманаличиб хурег хIебирар. Хъунул вайси риалли, мурул хъярхъли ухънавиур. Неш гIяхIси риалли, рурсира гIяхIси рирар. Гъариллис гIяхIлулавизс виралри, душман-ти хIебири. КъацI буртIухIели, кадикибти къидикъури хъатла кадихъадли, баракат имцIали бирар. КIатIа ле-бихIи, шин хIедашалли, шин лерихIи, кIатIа башуси би-рар. Ванзаличи хIу ца сягIят къаниадли, ванза ца дус къанбирар. БуцIазивад урухIадли, вацIализи армякъад.

***ХIянчи № 2. Пикридарес ва делкIес гехIел
шартIла предложение. Илдачи суалтира кадатес.***

ХIянчи № 3. Предложениеби тамандарая.

ХIела уркIилис дигуси хIебарадли, ...
Рахли жагIял концертличи билетуни хIедикалли, ...
Эгер ишдус ХIусен гIярмиялизивад чарухъалли, ...
Рахли нушачи унра рурси ракIалли, ...
Нагагъладан хIуни дудеш викIуси хIебарадли, ...
Дуги кадихъибти тимкълизи гIяра бикалли, ...
ХIела ташмишъалайчила нешлизи бурибси риадри, ...
Рахли хIечи хапли балагъ бакIалли, ...
Эгер хIела уркIи кабизалли, ...

Уббурк1уси чебедиб предложение

Бек1 предложениелизибси баркьудилис саби шарт1ли биэс г1яг1нисикъира, х1ебиубси баркьуди бух1набуцибси предложениелис **уббурк1уси чебедиб предложение** или бик1ар. Уббурк1уси чебедиб предложениелизибси сказуемое уббурк1уси наклонениела формали аргъахъили бирар. Уббурк1ути чедедиб предложениеби бек1 предложениебази дилгъа –**гу, биалра, хъалли, х1ерх1еили** ибти союзунани. Масала: Нешла хъарбаркьичи х1ерх1еили, Х1ясан университетлизи к1инайсра чарухъун. Хлеб садаили хъалли, гъачамлис буз1ярли саби. Х1яйна тиладибаррагу, гъеч хала дудешили тупанг лугули ах1ен.

Х1янчи № 1. Чедедиб предложениеби селичирли бек1 предложениебази дигъил белгибарая.

Г1ярчумаг бедили разих1ейубси, урчи бедили хъалли разих1ейар. Къянби урцулихъалли, къунби урцес х1едирар. Вихъаркайхъи “варъа” вик1улихъалли, мух1ли мурих1ебирар. Неш рак1или разивиубли хъалли, Сунгъур кайэс вирули ах1ен. Цула дебали изулихъалли, Сариятли ях1барилри. Чат1ни г1яшли урцулихъалли, ишбарх1и заб х1едиру.

Х1янчи № 2. Пикридарес урч1емал уббурк1ути чедедиб предложение, сарира -гу, хъалли, х1ерх1еили ибти союзуни пайдаладирули.

Х1ясилла чебедиб предложение

Бек1 предложениелизиб биубси баркьудила асар, результат чебиахъуси предложениелис **х1ясилла яра цараван следствиела чебедиб предложение** или бик1ар. Х1ясилла чебедиб предложение бек1 предложениелизи **х1ятта, ил багъандан** ибти союзуначил

билгъа. *Масала*: Чакар хъярбала галгала илцадра хабардерхурлири, х1ятта илала т1ем х1ебагъурси адам ишилизив аги. Дуги ну къанни кайхъунра, ил багъандан савли жявли айзес х1ейубра.

Х1янчи № 1. Х1ясилла чедедиб предложениеби бек1 предложениебази селичирли дигъил, белгибарес.

Сунечибях1 лябкъули синка чебаибх1ели Х1ясан-ази вебшиб, х1ятта сунела хъуц1арличибси тупангличилара хъумкартурли. Ц1удхъурла курега илцадра дерц1илри, х1ятта ч1аплизиди кади хъес тях1яр аги. Шагъарлизиб халасидяг1 лебри, ил багъандан нуша к1ел барх1и хъулирад дурах1едухъунра. Хала дудеш Х1ябибуллагъ Зугърачи илцадра разилири, х1ятта Москвализибад илис савгъатуни кадухиб. Даргала театрла спектакль дебали тамашалари, ил багъандан заллизибти бахъх1и хъатбик1и. Ишбарх1и дила ришт1ал рузи ак1убси барх1и саби, ил багъандан нушачиб лебилра узи-урши учибикили саби.

Х1янчи № 2. Предложениеби тамандарая.

Бек1 изули хъалли, ...

Шаладикайчи хан гъуйчи дурадухъес багъандан, ...

Хала нешла хъучиб кабикибси анц1букъ илцадра тамашала сабри, ...

Илди хъурали башули бахъх1и калун, ...

Урк1и изуси адам вахъх1и гъайик1ес асух1ебирар, ...

Ник1а багдаур сценаличив вахъ жагали улхъулри,

Киибил курсла студентуни ишбарх1и ункъли семинарличиди х1ядурбиублири, ...

Аршикъянаби аршилизи ахъилри, ...

Х1янчи № 3.

Пикридарес ва делк1ес урегал х1ясилла чедедиб предложение.

Чумал чедедиб предложениеличилси учибяхъ предложение ва илала жураби.

Дарган мезлизир ца бек1 предложениелизирад ва чумал чедедиб предложениелизирад цаладикибти учибяхъ предложениеби дирар. Илди чула каргъни х1ясибли к1ел журала дирар: 1). Дархъаначи чедедибти 2). Гъар-г1ергъили чедедибти.

Сунези кадурхути лерилра чедедиб предложениеби ца бек1 предложениелизи дархдасунси учибяхъ предложениелис **дархъаначи чедедиб** предложениебачилси учибяхъ предложение бик1ар. *Масала: Шилизир хабурти т1инт1дирулри, шанти диркъаличи гечбирниличила, диркъаличиб сагаси ферма барниличила.*

Эгер дархъаначи чедедиб предложениеби мяг1нубазир цагъунти диалли ва ца суайс жаваб лугули диалли, илдас **ца журала чедедиб** предложениеби бик1ар.

Дархъаначи чедедиб предложениеби чула мяг1нализир цагъунти х1едиалли, илдас **дарх чедедиб** предложениеби бик1ар. Илдигъунти чедедиб предложениебани ца суайс жаваб х1елуга.

Гъар-г1ергъили чедедиб предложениебачилси учибяхъ предложение саби, цаибил чебедиб предложение бек1 предложениелизи, к1иибил чебедиб предложение цаибил чебедиб предложениелизи дилгъули диалли. *Масала: Радиолизиб багъахъур лебилра чула хъулразиб буэс г1яг1нили саби или, сенах1енну жаг1ял халаси дяг1 булхъуси саби.*

Х1янчи № 1. Чумал чедедиб предложениеличилти учидяхъ предложениеби пикридарая ва делк1еная.

Х1янчи № 2. Чумал чедедиб предложениеба- чилти учидяхъ предложениеби даргая.

Дугели барибси камсигъуна дях1и биц1улри, кърла майдайчир, ил диркьли х1ебиъни чебилахъули, дишт1ати шаруби лерри. Къукънадли цалабикили, хабуртази ахъилри, хъар шилизиб х1ербирути адапти. Ил чилра чезс, я чичилра ихтилатик1ес х1егусигъуна сайри, амма адаптани илис паргъатдеш лугули ах1енри. Нешра узби-рузбира ургабухъахъес, шилизибти балликъянаби г1яшикъли х1ербик1ахъес, къяскабиахъес ибси пикрилизиври ну. Барх х1ербирути ца к1арахъан, ца булеги юлдашуни дурсрачиб сабри, илдала имтих1янти таманх1едиубли лералри.

Т1агъир хъяша ах1енри, илини балулри дудеш чарх1елхъни ва илини саби лайбак1ни.

Союзуниагар учидяхъ предложениебазир багълабирнила ишараби

Союзуниагар учибяхъ предложенилизи кадурхути царка предложениеби цализирад ца дек1ар-дек1арти багълабирнила ишарабачил дек1ардирути сари. Учибяхъ предложениелизи кадурхути царка предложениебазир ца заманализир яра гъаб-г1ергъидешличил кадиркути анц1букъуни гъандуршули диалли ва илдала урга **ва** союз кабатес вирули виалли, илдигъунти царка предложениеби **запятаяличил яра точка-запятаяличил** дек1ардиру. Масала: *Уршила мехъ саби, неш харидешли рулхъули сари. Шала шикъдулхъесдях1иб, ва Сакинат диг1янали хъулирад дуракарухъун.*

Эгер учибяхъ предложениелизи кадурхути царка предложениебала к1иибил предложениели гъалабсила сабаб иргъахъули яра ил чебирц1ахъули биалли, илдала урга **к1ел точка кадалта**. Масала: *Шанти бачабархилри: ши диркъаличи гечбирнила хабар т1инт1ибублири.*

Учибяхъ предложениелизирти царка предложениебала
цали итил предложениела замана, шарт1 чебилахъули биалли
ля яра анц1букъ къаршибурцули биалли, илди **тиреличил
деклардиру**. Масала: Урши ц1лакъси виаб – рурси жагаси
риаб. Сари мурт ва чина рашалра – ил сунела къуллукъ са-
би.

**Х1янчи № 1. Пикридарес 3 учидяхъ предложение
запятайличил деклардирути, 3 – клел точкаличил
деклардирути, 3 –тиреличил деклардирути.**

**Х1янчи № 2. Чеббелк1еная ва багылабирнила
ишараби кадатирая.**

Берх1и г1елабикиб х1яйвантала х1енкъ шилизибх1
гъайбиуб. Дубурла хъарличибад уди х1еръира диркъали-
чир г1яйдик1ули мазала дурзамти унхъразиб бузули ялчни
чебиулри. Иларти лиг1матуни чус ах1ен талхъунтас сари.
Дуц1рум дуц1арти сари дурх1ни х1ерк1лизиб бизули саби.
Вишт1аси ак1убу нешлис паргъатдеш х1ебирар. Чях1-заб
черардякъун шила чедиб зурх1яб к1айбизур. Гъалабла за-
мана бахъалгъунти хъубзурала саби бег1си ванза х1ебири
илди хужаимтас бузутири.

Къачали ил гъамх1ериахъуб илх1яйзиб бебшиб х1улбала
гъалабад беткахъиб.

Гъарси ва гъарси ах1енси гъай

Барсдеш х1ебилахъубли, чердурибти чила-биалра гъайлис
гъарси гъай или бик1ар. Масала: “Иш нуни валуси сай”,
-пикрирухъун Аминат. Паризатли иб: “Хъули чарулхъ-
ух1ели, уршира савка”.

Гъарси гъайличилси предложение клел бут1ализибад
цалабиркур: урх1ла гъайлизибад ва авторла гъайлизибад.

Илди бутІни сари-ургар союз агарли, интонацияличил ва мягІнализир дархдалсан.

Авторла гъай дирар гъарси гъайлис гъалар, илис гІергъи ва ургар. Масала: *“Айзес замана баили саби”*, - иб нешли уршилизи.

“ХІуни ил исули риадли,- иб Разиятли, - нуни цархІил исис”.

Учительли дурхІнази иб: “ЖагІял нуша музейли-зи аркъутира”.

МягІна калахъи, дугъби дарсдарили чердурибти чила-биалра гъайлис гъарси ахІенти яра ургІебти гъай или бикІар.

Масала: *Учительли дурхІнази жагІял нуша музейлизи аркъутира или буриб.*

Гъарси гъайличил багълабирнила ишараби ишкъяйда кадалта:

Гъарси гъай авторла дугъбас гъалаб бакІили биалли, ил кавычкабази бурцу, халаси хІярпличил лукІа ва илис гІелаб запятая кабалта. Масала: *«Нуни шула къимат касира»*, - иб рурсили нешлизи. Схемаличил ил ишкъяйда чебаахъес вирар: **«Гъ.гъ»**, - **А**.

Гъарси гъай авторла дугъбас гІергъи бакІили биалли, авторла дугъбас гІергъи кІел точка кадалта. Масала: *Хала нешли иб: «Кайили къацІли укен».*

Схемаличил ил ишкъяйда чебаахъес вирар: **А: «Гъ.гъ.»**.

Гъарси гъай авторла дугъбала ургаб бакІили биалли, кІелра шайчи запятаяби кадалта, кавычкабази бурцу, халаси хІярпличил лукІа. Масала: *Сайгид ришитІаси рузизи, -«Вари, марисуд, гъамли неш ляркъян»*, - викІулри. Схема ишгъуна бирар: **А,- «Гъ.гъ.»**, - **а**.

Гъарси гъай суалла яра яввла ишараличил аргъахъили биалли, гъарси гъайлис гІергъи суалла яра яввла

ишара кабалта. Масала: Къичини вьвѣиб: «Тлашизи, гъари, урѣури х1у нуни!» «Х1у чи сайри?» - ира нуни.

Х1янчи № 1. Гъарси гъай ва авторла дугъби деклардарая ва г1яг1нити ишараби кадатирая.

Галгаличирти вавназирад дахъалгъунти вавни дяг1ли кадикахъиб иб Перзиятли.

Университетла багъуди ил саби рик1улри Майсарат ам-ма студентлара иштях1 алк1ес г1яг1нили саби уч1ниличи.

Ректорли иб Ишбарх1иличирад х1уша университетла студентуни саррая.

Х1у сейк1уда? иб Сулайбай.

Арслай ахъли иб Талих1 биахъаб!

Х1ушала хъали иш сабив? хъарбаиб учительли. Ну бег1тачил гъайулхъасра.

Агъ, дила дунъя ц1умухъун Басир г1яжаибсира лебри къалли.

Тухтурли иб Дармунти дужес чебиркур.

Х1янчи № 2. Пикридарая ва г1яг1нити ишараби кадалтули х1ябал гъарси гъай гъалар дак1ахъили, х1ябал ургар дак1ахъили, х1ябал ахирлизир дак1ахъили предложениеби делк1еная.

Х1янчи № 3. Назмулизиб гъарси чебаахъая.

Х1ябкубтала х1ерк1личил

Х1у ах1енрив улгуси:

- «Хъябличи зубартала

Х1ед гъайк1ари биршисра».

Талих1ли хамварибси

Х1у ах1енрив вик1уси:

-«Русуси черх1ергъахъес

Манзилла дуц1 т1ашиис».

Диалог

К1ел яра чумал адамла гъайлис **диалог** бик1ар. Или-зир авторла дугъби камли ах1и къарших1едиркур. Гъар бурусилis гъала тире кабалтули, сагаси къяй бех1бирхъу.

Белк1лизиб диалог имц1аливан ишкъяйда лук1а:

-*Чи сайри?*

-*Ну сайра.*

-*Сен вак1ири?*

-*Х1у г1яг1нилири.*

Х1янчи № 1. Диалог ахъли белк1еная.

-Х1ед чи бик1ара?

-Т1агъир.

-Чиди шанрив?

-Г1ярбук1ан.

-Чила урширив?

-Г1исала.

Х1янчи № 2. Багълабирнила ишараби кадлтули диалог чеббелк1еная.

Кагъар бухес вируду \ сен х1ейрусира\чина арху-сил баладу \ шагъарлизи\сен-сен архида\дубшаб буци-ли\ г1ях1си саби\урх1лизи викадли се бири-да\ч1ямбарила къярарас/ бархъси саби.

Х1янчи № 3. Гъанбикахъая халкъла хабар. Диалог къяйда белк1еная.

КАРТОЧКАБАЧИЛ Х1ЯНЧУРБИ

Карточка № 1.

Скобкаби гъаргдирули, буралаби черделк1еная.

Лезми къалабали (ма)бузахъид – някъби къалабали дузахъен. Кабихъибси къаркъалиу шин (х1е)дашар. Мар

буруси къянализивад урух(х1е)к1ар. (Х1е)балгунси хъулиб баракат (х1е)бирар. Х1ед биубли х1ейгахъуси царх1иллис (ма)бирид. Къяна марла мякълаб (х1е)башар.

Карточка № 2.

Удир гибти дугъбачил предложениеби пикридарая.

Къабулх1ейкес, гъайх1ейкес, къяхх1ейкес, х1ерх1ейкес, далайх1ейкес, г1яг1них1ейкес, муч-лах1ерес, ургах1ейкес, халах1ерхес.

Карточка № 3.

Черделк1еная, урдатурти х1урпри кадалтули.

С...лра, ч...лра, х1...руди, урк1...ц1и, ург...ба, ц1у...ри, ур...нж, жиб...н, макълат1...с, с...ри, гурдн...гъ, гант...ри, уркъ...ли, саб...б, буз...ри, х1улб...к1ри, шинкъ...нкула, сирм...г, къаб...лдан, дар...й, сан...г1ят, мурч1...ли, хъ...ша, дул...к1, паст1...н, ург...ба, х1...ла, с...х1бат, шаб...гъат.

Карточка № 4.

Г1яг1нити ишараби кадалтули черделк1еная.

Къац1 ... къумурла къугъадеш. Г1ях1гъабза ...гъачам убк1ар ... вайгъабза ...даршна. Жан деда... амма диг1яндеш гъаргмабирид. Палтарла...куц, къац1ла ...дях1. Урк1ухъунрив ...г1ях1деш агара. Мурул адамла ц1акъ...сабур. Х1язтавиркъулрив ...гъиммарк1уд. Ду-карк1ес гъамадли бирар... лех1кахъес...къиянни. Житала пахру ...лих1би.

Карточка № 5.

Ишди дугъбачи лайикъдиркути антонимти делк1еная.

Ахъли, мурхъли, умули, паргъатли, декліи, къанни, савли, даг, хіерели, ухъна, виштліси, юлдаш, жагаси, гіямру, баришдеш, ціакъси, вабза, азгъин, гушли.

Карточка № 6.

Ииши дугъбачи синонимти имціадаарая.

Чарх, дяв, хъярхъли, нехліякъ, жагаси.

Карточка № 7.

Буралабазир сущестительноеби даргая ва илдачи суалти кадатирая.

Мяржли мегъ буга, анцікъили – уркли. Халаси деціла вегі усес хлейрар. Гіясидешли гліхлідеш хлеху. Урухклусила беклічир хяли ціа чедиу. Урехила хіулби халати дирар. Урухклусила тур сигли буга. Дикъурти ризкъи – алкунти ціа сари. Дебали битліаклібси гъимир къя-будар. Бегіунси иршид.

Карточка № 8.

Ииши сущестительноебала лишан чебилахъути прилагательноеби пикридали делкленая.

Галга, кліплі, клана, хъунул адам, юрт, шагъар, унц, хлева, чіянкли, ши, гуми, неш, кагъар, къалам, хурег, къаці, юлдаш, вава.

Карточка № 9.

Ииши глаголти чула цалабик хлісибли журабачи дутіая.

Учіули сай, раклиб, ваиб, гъайэс, урклєцідухъун, шаладикиб, далайиб, кавхъун, бирсиб, разили саби, хіулклули ваъ, арали ват, бакъира, сасиб, укес, тикрарбариб, шалгіевухъун, арякъун, ватаиб, датур, чарухъун, дирзили сари, вакіили ахлен, изули сай, сабаиб, бет-

садбухъун, хъех1-хъех1ъиб, суктубариб, лявухъун, умц1ес, асес, бирбес, тях1-т1ях1ухъун, хъутурухъун, кадуциб.

Карточка №10.

Учидяхъ дугъби тугъаили дек1ардарая.

Гили-къабта, бирклан, хъалибарг, шиниша, шала-х1унт1ена, мургъи-ранг, ванаси, г1яш-г1яшли, чудухинк1, къац1дурц, мургъи-бухъут1а, ц1яб-хъанц1а, авмузан, исба-гъи, сабур, х1ябк1апл1, шара, дубура, х1ерк1, урги-дерга, къар, шин, дулгъуби, мер-муса, савли-дуги, ургуба, вава-къар, насих1ят, саниг1ят, къар-шин, зубарти, ванза, г1иниз, хъях1хъай, къанкъ, т1имир-химир.

Карточка № 11.

Предложениебазирти дугъбала морфологический разбор барая.

Савли нуша жявли дурадухъунра. Ухънани сунела г1яйса касиб ва багълали лагвях1 ватихъиб. Илх1ели илди шагъарла дублаб т1ашлири. Нуни ишбарх1и къац1ла кесек беркунси ах1ен, амма гушли ах1енра. Дила шантани ишдус картошкала халаси сабухъ бучиб. Ил хабарла аргъили Набиюллагъ тамашавиублири.

Карточка №12.

Урдатурти х1урпри кадалтули чеббелк1еная.

Ар...а, вар...а, Му...минат, Мар...ям, ди..., ни..., ми...бярг1ибси, гъа...иб, дяр...или, аргъ...ла, мас...ала, ав...ибил, шу...сил, гап...ала, гъай...ала.

Карточка №13.

Ишди прилагательноебачи мяг1налашал далдир-кути сущестительноеби пикридарая.

Х1унт1ена, кьут1кьуси, шаласи, бизиси, ах1ерси, разиси, малх1ямси, клант1иси, бухьут1а, шиниша, гьарахьси, мурхьси, кункси, жагаси, кег1ебси.

Карточка №14.

***Буралабазирти лерилра дугьбачи суалти кадати-
рая.***

Гьар замана мукьри дирути ах1ен. Хьулрала х1янчи кадурхути ах1ен. Журуга кьаркьубазибад юрт х1ебирар. Анкьши шалали биалли, урк1ира шадли бирар. Улкьай шаладешлис дирар кадалтути. Сукникьянала хунжи мургьили ухар. Кьиркьирла унза-ганзи х1елукан. Ишбарх1и мях1камбарибси жаг1ял багалабирар. Дугели берки калунси дахнили мез дала. Ишбарх1и барес вируси, жаг1яйчи армахид. Багьудлуми дахьал дирути ах1ен. Багьуди мах ах1ен, дех ах1ен, ц1али игх1ейгу, шинни арх1еху, биг1ес х1ейрар, гьар замана х1ечил бирар.

Карточка № 15.

***Ишди местоимениеби мяг1на х1ясибли журабачи
дут1ая.***

Лерил, ну, х1уша, ит, иш, ик1, нушаб, сунес, сай, наб, дила, чирил, серил, х1у, нуша, их, х1ед, ил.

Карточка № 16.

Ишди числительноеби надеждунардарая.

Даршал, шуц1али, клел.

Карточка № 17.

Ишди омонимтачил предложениеби пикридарая.

Мазала бала, дарс бала; урчила лут1и, клалт1ала лут1и;

Карточка №18.

Ишди урус мезлизирад г1ерасибти дугъбачил предложениеби пикридарая.

Аудитория, студент, университет, автобус, светофор, шкаф, компьютер.

Карточка № 19.

Ишди предложениебзирти г1ерасибти дугъби дек1ардарая

Нешли базарличибад сагаси назбалиш асиб. Нушала шила жамиг1ят клублизи учибикилри. Рузини нергълизи исиут дахъал какъурлири. Унра хъунул Жамилат пенсионерка сари. Барх1и ахъибх1ели, шагъарла къапу г1ерк1утири.

Бухънаби гъар жумяг1 барх1и мижитла башути саби. Сабурчевли узуси мурадли виур.

Карточка № 20.

Абхъибти х1урп1рала уди ца-ца, къяп1ти х1урп1рала уди к1ик1ел тугъаая.

Назмулизир чиди х1урп1ри дахъал лерал дейг1еная.

Дагъистан – ахъ дубурти,
Гъалакти варачанти,
Верх1дерх1ла чях1-чях1иби,
Лут1иагар гявгявти

Дагъистан, х1у урк1илаб
Агарли гъигъ мабак1аб.
Х1ела чедиб заклизиб
Талих1ла берх1и рурх1аб!
(М. Х1ямидов)

Карточка № 21.

***Ишди глаголти ург1ерли делк1и, существитель-
ноеби детаахъая.***

Вак1, ак1, риха, клеб, ац1, ват, ирис, ису, рисаб, ри-
таб, асиб, акиб, укаб.

Карточка № 22.

***Ишди дугъбала чула цалабик х1ясибли разбор ба-
рес.***

Аршикъяна, арх1яликъяна, масхарачила, х1ябмузан,
дубуртар, дурурухъун, вец1лихъ, хъалиц1а, ахъушан.

Карточка №23.

Т1амри яргадиубти дугъби жут-жутли делк1еная.

Вак1ес, гъавкъя, вашес, барес, ахъес, бирес, бихес,
ихъес, набадари, бухес, асес, набадури, исес, арцес, урцес,
хъали, винкъ, вих, хъули, вянкъ, вях.

Карточка №24.

***Дахъал мяг1нубар дугъби ва ца мяг1нала дег1ти
дугъби дек1ар-дек1арли делк1еная. Илди дугъбачил дугъ-
бала цалабикуни пикридарая.***

Бек1, чяка, лут1и, вац1а, бала, бях1, ута, вай, ургуба,
някъби, зак..

Карточка №25.

***Г1ергъити дугъбазир приставкаби чедаахъая. Илди
дугъбачил ца-ца предложение пикридарая.***

Сабухиб, мабирид, х1ебирис, кабаиб, чебихъун, ахъ-
дуциб, арбякъун, убберк1ес, чеббухъес, гъалабикиб,
х1якъян, сабухъун, уррак1ес, г1елабухъун, ургабикиб.

Карточка №26.

Урдатурти х1урпри кадатирая.

Фил...соф, фл...т, ф...рма, шка..., г...ография,
к...нференция, оп...т, ши...ер, ш...фёр, щ...тка, кул...тура,
п...еса, суд...я, я...ик, Евр...па, библи...тека, апт...ка,
компь...тер, бл...кнот, прес...а, маркиети...г, д...клад.

Карточка №27.

Таманах1енти прилагательноеби чедаяхъа.

Ахъ шурла ц1удар хъирхъа
Хъадиръур хъуц1арлиши.
Ц1уб арцла яракъ дигиб.
Вавни дахъал ахъ дубрир.
Хъарзабла вана барх1и.
Ва мурхъ къадайла хъанц1 биц1.

Карточка №28.

***Урдатурти х1урпи кадалтули черделк1еная. Ии-
ди дугъбачил дугъбала цалабикуни пикридарая.***

Бак1и...мад, ма...лира, ашка...ли, буц1а...ли,
г1еббаи...мад, вяв...иб, гъай...с, вец1...ибил, урег...ибил,
перге...ли.

СИНТАКСИС

Карточка № 1.

***Ииши дугъбачил ца-ца хабар предложение пик-
ридарес.***

Арсавар, хъубзара, рахаж, урунж, ургуба, х1урхъи,
г1ямзи.

Карточка № 2.

***Удир гибти дугъбачил пикридарес дугъбала цала-
бикуни, г1ур - илдачил предложениеби.***

Узикъар, чарухъун, г1яг1нидеш, урк1ец1и, мурхъси, гъа-
рахълиб, бух1на, къада, катес, ац1иб, х1ябмузан, шуц1али,
к1икъяран.

Карточка № 3.

Дугъбала цалабикунала жураби белгидарес.

Хъярхъли вак1ес, ух1на дурайкес, жагали вашес, нешла
кагъар, рурсилис дедес, вавни кадухес, шиниша дарай,
шадли чарухъун, ахъли далайиб, делхъли карухъун,
х1янчи барес, дудешла юрт, сагаси назму, урк1ец1ила заб,
буц1арси барх1и, азадси адам, урк1ила диги, сахъли виэс,
имц1якъ сасес, анхъла ц1едеш.

Карточка № 4.

*Пикридарес дугъбала цалабикуни: шел балбик-
ниличил, шел – бархбикниличил, шел -
бузахъниличил.*

Карточка № 5.

*Интонация х1ясибли предложениебала жураби
белгидарес.*

Ишбарх1и савли жявли айзурли дудеш вац1ализи арякъ-
ун. Дерхъаб х1ушала анк1и! Машина шагъарлизибх1
гъайбиуб. Эй, адам! Ургуба вавалибхъилри. Ваши, Амир,
нушачи, бирех1е шадибгъуни. Агъ, х1у г1ямрули велкъ,
дила багъадур! Багълали вашусили – халаси гъуни ихъу.
Х1ушала урши ургъаб, г1ях1гъабза ветааб! Х1ушани чеиб-
си чи сайрив? Хала дудешла анхълизир дахъал ц1едеш
дашар. Х1у чинаври, х1у сери, селиг1ив умц1усирив. Не-
шлизи дармунти асахъес бура. Къалабали узен! Арабираб
г1ях1гъубзни! Нушала хала нешли дахъал хабурти дала.

Карточка № 6.

Ишди дугъбазираб дугъбала цалабикуни дарая.

Уркура, хъалибарг, юлдаш, урк1и, къац1, беркунси, к1ант1, бегъуб, хъанц1а, шаласи, гъунар, азадли, бикъурси, сак1убси, дунъя, заб, шагъар, унци, шел, бухъна, зумаси, тур, дек1си, бяхъиб, игъес, варъа, куртях1иб, бура, калун, шалбар, зехни, т1улека, авхазан, ахир, нуша.

Карточка №7.

Схемаби х1ясибли дугъбала цалабикуни дарая.

Гъар схемалис х1яб-х1яб х1ясибли.

Сущ.+прил.:

Сущ.А.п.+глагол.:

Нар.+глагол.:

Мест.+глагол.:

Числ.+сущ.:

Числ.+глагол.:

Сущ.Х.п.+нар.:

Карточка №8.

Скобказирад балбикибси дев кайсули дугъбала цалабикуни дарес.

Жагаси (рурси, х1ерк1, галгуби, урхъни, шагъурти).

Мурхъси (х1ули, гъуни, къада, ванза, гъими).

Гъарахъси (шими, урк1и, х1ева, неш, заб).

Муриси (шин, хъяр, дубура, вава).

Ахъси (галга, ута, къани, къял).

Ванаси (къац1, гъай, вац1а, урк1и).

Гъарзаси (хъали, урхъу, гъава, адам).

Бяг1уси (къяли, к1ат1а, гъуни, жуз).

Бабза (къалам, жуз, галга, т1ерхъа).

Бухъна (юрт, улка, унц, къял, ута).

Карточка №9.

Назмулизирти дугъбала цалабикунала схемаби дарая.

Вац1ализир галгуби-
Лирилла ламартуни.
Галгубашир къялуби –
Ламартла гьалмагъуни.
(Батирай)

Карточка №10.

*Ишди дугъби пайдаладали амру предложение-
би делк1еная.*

Уч1ен, рузен, кайи,беда, мабирид, кабихъа, малугад,
мякъяд.

Карточка №11.

*Ишди хабар предложениебазирад суалла пред-
ложениеби дарая.*

Савли жявли айзурли, Заур хъуливад дуравхъун.
Илх1ели х1уни галгаличирад г1инцби луц1улри.
Роза нушала унра сари.
Их чемодан хала дудешла саби.
Шамильли жагати хат1личил кагъар белк1ун.
Сайгид урибси х1янчизар сай.
Ишбарх1и ванаси аргъ саби.
Рухъна Сакинатла хъалчиб гъаннара гермуць лебси саби.
Ц1уба гъагулти дубурла г1ела гечдиуб.
Х1ямидла бег1ти шагъарлизибад шилизи гечбиуб.

Карточка №12.

*Удир дех1дихъибти предложениеби таманда-
рая.*

Синкали нуша ...
Ишбарх1и университетлизиб...
Нушала шилизи сагаси...
Заирала мехъличир лебилра...
Хала дудеш Асх1яб дебали...

Х1янчи таманбарили ...
Байрамла барх1и шанти...
Дила нешли бизити...
Дила урк1илизи ...

Карточка №13.

***Батирайла назмулизир урдатурти дугъби ка-
далтули тугъи тамандарая.***

Жамавха илхъи...
Т1вях1 кункил ...
Базла шала...
Ц1уб арцла ...
Х1у абаан...
Г1ях1ти гъубзнела...
Х1у адаан ...
Вайти гъубзнела...

Карточка № 14.

***Ишди дугъбала цалабикуначил предложениеби
пикридарес.***

Шан адам, дигуси хъалибарг, ч1умаси хъяр, дубурла ул-
ка, тамашала хабар, ч1умаси ях1, ванаси анкъи, усуси ур-
ши, варъала т1ем, рурсила далай, хабарла урчи, зарбабла
х1ева, дарайла к1ана.

Карточка №15.

Буралаби тамандарая.

Сабурла умхъу...
Г1ях1си девли ...
Галгаличибад г1инц...
Дахъал гъайличир,...
Азгъинна хъу ...
Дуц1румли - луга, янили -...
Гъай бедирив...

Вархъли узуси, паргъатли...
Махбиралли эмх1ера ...
Дурх1нас-ляв, урчилис-...
Талих1 асес...
Хъулкилис – ца бунагъ, биг1унси масла вег1лис- ...
Урухк1усила тур...
Вайгъабза мурдали виалра,...

Карточка №16.

*Ииди союзунала кумекличил учидяхъ предложе-
ниеби пикридарая.*

Я-я; амма; ва; яра;

Карточка №17.

*К1ел царка предложениелизирад ца учибяхъ
предложение бирули, х1янчи белк1еная.*

1.Гурда г1ямултар жанивар саби. Илра г1яяркъянала
тимкълизи биркур. 2.Дудеш арх1яличивад чарухъун. Леб-
тасалра гъунгелти кадухиб. 3.Дуц1рум садаиб. Хъумала
х1янчи дех1дихъиб. 4.Зураб университетлизив уч1улри.
Илини г1ур Зугъра чех1ераиб. 5. Я нушала карта аги. Я
нушачил варх гъуни балуси адам аги.

Карточка №18.

*Предложениебазирти ца журала членти кье-
лаили дек1ардарая.*

Машиналичир к1ел къани, шел т1ас, вец1ал гавлаг
анк1ила лерри.

Асиятра, Изумрудра, Лейлара балликъяна рурсби саби.
Учительли столличи карта, журнал, жуз, ручка, линейка ва
мел кадихъиб. Г1ебшни арцантани ва жанивартани чус ва-
наси мер х1ядурбиру.

Нушала хъалибарглизиб нешра, дудешра, узира, рузира,
нура лерра.

Унрубира, тухумра, узи-уршира учибикилри ишбархїи Мяхїмудхъачиб. Илаб лебри: кїшанти, хъярбуканти, чїшиланти ва мулебкїанти. Хъяр сирхїяла дубурти ва хъяр диркьала майдунти дулхъулри сяхїбатличир.

Карточка №19.

Обобщающий дугьби дакїахъили вецїал предложение пикридарая ва делкїеная.

Карточка №20.

*Ишди буралабазир багълабирнила ишараби ка-
датура.*

Биштїаси секїал халабаралли халасила багъа булъян.

Чи мезлукъячи вирхалра илала гъалмагъуни хїебирар. Варъала мухїлила вегї агъула уркїила вегї. Игитла у сархесличиб ил бихїес къяянни бирар. Хурег камси биалли тїягїям халаси бирар. Жагъхїели далуйта учїуси ухъна-ваибхїели хабурта угъар. Гъайикїалли гъай дирар икъалли гїянжи дирар. Гъала-гъала хїечила пикриухъен гїур цархїилличила гъайикїен. Хяли вегї валтахъуси ахїенну вегїли хя балтахъуси бирар.

Карточка № 21.

*Ишди дугъбачил дугъбала цалабикуни пикридарес
ва илдала жураби белгидарес.*

Замана, уркъули, валтуси сай, хїяжланкїи, ахъли, уркїецїи, наб, хъубяхїруми, гъарш, лукїес, ралликъяначил, сахъли, ункъли, хїушачибяхї, делкїес, луги.

Карточка № 22.

Предложенибала жура белгибарес.

Шаладикиб. Лусенти. Дудеш вакїиб. Яни. Дудеш. Лямцї. Савли. «Зурхїяб». «Замана». «Варъала шурми». Дураб ванали саби. –Хїу даг чинаврив? –Базарличив.

Карточка № 23.

Удир гибти предложениебазир урга дугьби деклардарая ва г1яг1ниси мерличи багьлабирнила ишараби кадатирая.

Марлира ил г1янтлик1а сек1ал саби. Гьайгьай х1у вик1уси бархьси саби. Илгъуна аги дила пикрили бахъх1и ках1евлан. Гьайла къант1а Майсарат жаг1ял чаррулхъули сари. Буруливан хабарла хивлисгъуна бетаурли саби нушала Г1ямарлис. Х1ебиалли х1ела хъялис марли кавлад. Марзийтли белики нушаб гъунгелти садухес. Х1ечи г1ях1 бак1 бурагу набзира.

Карточка № 24.

Ишди дугьбачил гьала-гьала царка предложениеби, к1инайс учидяхъ предложениеби пикридарая ва делк1еная.

Адамти, т1ашизес, шиниша, цаибил, сунела, шаладикиб.

Карточка № 25.

Ца журала члентачилти вец1ал предложение пикридарес.

Карточка № 26.

Предложениебала синтаксический разбор барес.

Ну т1амали биркьуси г1инизла мякьла кайира. Гьачам г1яяркьяна вац1ала бух1набси диркькад аркьули уили сай. Синкала итил дурх1я дярг1ибти шизибад урухбиубли, вац1ализи бебшили саби. Неш г1ергьибухъи, ил буцили саби, зигарбарили, х1ерк1личи кили, илра курт1бях1яхъили саби. Курт1дах1или г1ергьи, синкби вац1ализи ардякьи сари.

Карточка № 27.

***Предложениела урдатурти бекI членти кадал-
тули, предложениеби черделкIеная.***

ИшбархIи савли ...базарличи аркьутира. Студентуни университетла гьала Нуни хIела ... чебиулра. Клубли-
зиб далайчини сагаси ... белчIун. Гумайлаб бахьал
...учибикилри. Савли берхIила шалали хьали Ярмани
сунес сунени янилис ... кабихьиб. БиштIати нешла цунти
някъбачи Шурлизи бирхьули илини сунела муеки
....

Карточка № 28.

***Ишди дугьбала цалабикунала жураби белгида-
рая.***

Шиниша къар, цунси рухъна, вакIибси урши, цайбил
гъарш, ванаси цIуэри, арцурси къабулдан, архIяла хIева,
гардла далай, шадив вакIес, къалабали вашес, синкачи
гIяяр, ургубала гурда, дубурла ши, халаси шагъар, урхьула
урчи, азайлан рурси, вавнала хала, дахьал дабри, жагати
хьулри, ралкIа рурси.

Карточка № 29.

***Предложениебазиб дугьабиз чебаахъая ва
гIягIнити ишараби кадатая.***

Дила рурси ункъли ручIен. ПатIимат раши гъари набчи.
Хала дудеш шин кадухишав? Сайгъанат хIу хьулирад ду-
рарулхъухIели набзира тIамадара. Ва Аскадин Аскадин
чинаврира хIу. ГIяйшат тIашпризи хIед нуни кумекбирис.
Сакинат Мансуровна хIу дебали рамсурлирив? Раши ну-
шачи шадир ва нушала Кариаба.

Карточка № 30.

***Ишди союзуначил кликIел предложение пикри-
дарая ва делкIеная:***

сенкIун, сенахIенну, нагазь, хIятта.

Изложение бас ва диктантунас текстани:

1. Анхил Марин

Хіязлис ахлен Дагъиста дубуртазир дубурлан хъунул адамла талихлагарси кьисматличила Анхил Маринна далуйти мицлирли лералти. Сари далайчи Анхил Маринна кьисматра игъбарла ахленри, ил пергер хъунул адамличила дубурлантани бурули хабар лебси саби. Давлачебти Анхил Маринна далуйтазибад урухкљутири. Шушклалис шушклаличил жаваб бедес, тупанглис тупангличил къаршидеш дарес, ханжайс ханжайчил бяхъес вираp. Амма секъяйда жаваб гес бирутири илди канихъус хіязартани Анхил Маринна дяхл-хатир агарти, шямван дархъти ва буцларигахъути далуйтас? Анхил Маринна далуйти лишанчи гіаяркъянала хіярхіагъунтири. Анхил Марин шилизи хъурариъни багъалри, давлачевси канихъус гіелахъули дигіаниркусири.

Амма гъачам лебил дунъа бусаунси гіанручла кьанси заманализиб илди вайнукъябани ил гіахлгъабза хъунул Анхил Марин чула някъбази рикахъиб ва, тьп дабри ибули къяйда, илала клунтлуби дирбуб. Амма илхілеира гізабереклибси Анхил Маринни, дирбубти клунтлуби гъяраили, сунела гіамрулизиб бегіла глергъиси далай белчлунсири. Ил далайра адапти-ургабси царугагардеш, язихъдеш, къарциндеш дунъяличирад тьйидидарес гіаглінили биъниличи жи сабри. Ил далайличил гіахлгъабза дубурланти азаддеш багъандан бургъутири.

(138 дев)

2. Дугіла къяца

Шурла хъинжличиб уктемли ва кегіебли тлашбизурли саби дугіла пурс къяца. Ил нушала дубуртар улкала лишанни бетарули саби. Илала сурат чебаэс вираp

дигалли Дагъиста чягъирла шишначиб, дигалли гIярбукIла ваяхIличиб, дигалли булхърила тIалхIяналичиб, дигалли гъачамлис илцад-декIар машгъурли ахIенти Дагъиста консервобачиб. Марлира, ил эмблема вайси ахIен. ГIяхIси саби, ва илини нушала улкала ва халкъла тIабигIят гIячихъли белгибирули саби. Ил азаддеш дигуси, пергерси, сунени саби батахъес хIядурси турлара дубурлан адамлара ургаб цаличи цала халаси асар лебсигъуна саби. Марлира, пикриухъалли, нушала дубурлан адамла тIабигIятлизира азаддешличи гъира, баришдеш мурхъли картIибти сари.

Дубурла ахъти дуки-гъундурала чедир сари Шурмар-Дагъла катругуни. Ишарти къар гIяшти, хIячми чIумати сари ва хIячми гIяйдикIули духъути сари. Дуки-гъунила мераначибичиб ишаб имцIали бугIярли бирар, ва ил багъ-андан их удиргъунти къарра вавнира ишар хIедашар. ХIера, илди шурмала катругуназир дирар имцIаливан турани гIяйдикIутира. Турани – дугIла къяцни, дебали сахъти, мяхIкамти сари.

Тур-къяца сегъуна-дигара урехиличил бяхIес хIядурли бира, амма рахли ил сунела цIакъ ахIехъеси жанивар ярагIяяркъяна виалли, илини сунела дурхIни хъярхъли тйидибиру, ва гъарахъти шурмачиб сагадан дакIубирар.

(158 дев)

3. Уркухъ

СирхIяла гъарахъти дубуртази дигIянбикили саби Уркухъла ши. Уркухъ савлила зубари ибси саби, бикIар. Ил ши илцад-декIар дахъал дусми биубси ахIен, бегIла дахъал хIябдарш дусцун дургар, илаб бегIгъалабси юрт тIашбатурли эргъи, дикибти. Ил юрт биалли гIяхIгъабза мурул адамтала някъбани ахIенрину, мутIигIдеш агни сабабли сунела шилизирад, Къара-Къурешлизирад, дугIкаибси, сунес Урикух бикIуси чехъери рурсили

тlашбатурсири. Ил рурсира акlубсири ит адамла къуймур-
дешра балли диннис урехиласилизи халбирути жяв замун-
тазир. Илхlели рурсила жагадеш къадагъабирусири, се-
нахlенну диннисван ахlи, ил жагадешлис хlулбукlри бир-
къути имцlали бири. Рурсила къуймурдешли адамтази ми-
житра балли хъумуртахъи. Динна вакилтани ил рурси чус
къуллукъличи каэс гъачамцун ахlенри къайгъибарибси.

Илдас Урикухлизи аргъахъес дигулри, адамла
гlямрулизиб бегlлара караматласи илини чус къуллукъ-
бирни биъни. Урикух балгна ручlахъес бурсирарес дигули,
шейхли илизи лебил Къуръан багъахъур. Илала гlергъи
илизирад имтихlян дурцули, ил лебталалра гъалар
мутlигlрарес дигули, шейхли хъарбаили сай: «Се имцlали
гlяхlбизура хlед, дурхъаси Урикух, иш Мяхlяммад идбаг-
ла жузлизиб?» Рурсили жаваб бедили сари: «Наб бегlла
гlяхlдизурти икl къуръанна урга суратдарибти зубарти
сарри, гlурилти лерил секlал цlяб-цlударси дугиван бел-
гиагарли калун, илди нуни аргъес рирусу, хlурматла адам-
ти, хlушанира ца хlилхlи дучlули диадалли». Динна агълу
рурсилочи гъимбукlиб, ва ил шилизирад дугlаэсли хlукму
бариб. Дураили шила дура, ил исбагъи рурси, диннис
мутlигlхlериъни ва мижитла балгни дучlес разихlерикни
сабабли гlелабад къаркъуба иртули дугlкаиб. Амма ил
танбихl барниличилра динна агълули чула гъими ахъес
хlебиуб. Урикух бикlуси рурси хlеррирули лерси мерличи
жагадешличи гlяшикъбиубти, илала гъайличи лехlяхъес
дигути, илала дукелцlила бакъес дигути адапти
цахlнабиркулри.

Башулри илди дигалли гъамти шимазибад, дигалли
гъарахъти. Урикух лерси мерличиб сабри харили замана
буркlути. Ила шадлихъличи башути челис-че бахъ-
бикlулри. Ил хабарла бакъибти динна агълули Урикухлис
загъру кертlиб ва ребкlахъиб. Амма чеалкlуси наслули ил

къуймур рурсила у хъумхлертур, ил ребклибси мерлаб ши
бетаур, ва шилис ил рурсила у бихьиб.

(276 дев)

4. Нешла бекла

Замана аркъулри. Ятимтачи даклуулхъуси аги. Нешла
мякълаб буглярагибси Батир Жавгъарличи аркъули сай, ру-
зини ил сунечи кланурцули сай. Ца бара урклухъни че-
барбякъунси Юсуп гъанна пикрумани къакъаваклахъили
сай. Илис гъанбикиб, секъяйда гъачам саби бареси
хлебалули глямал буунси нешли биргябиргибал. Беркеси
агарли, дурхлнани къакъараклахъибси нешли, илдала
урклби паргъатдилахъес, лехлахъахъес цархлил балбуц
хлебаргили, шинни бицлили цаличи шанг чебизурсири ва
ила цлубхляр къаркъа духлнадилахъибтири. Делхъира или
илди ахтардидирули клел бархлехълизиб нешли дурхлни
хлербарибтири. Юсуп пикрииклулри, чула тухум Мусахъа-
ла хъалибарг секъяйда гашазибадра дяглязибадра алхунал
ва чусра ил къадарбирусира или. Илис гъандиркулри сай
садакъаличи вашухлелла анцлбукъуни: ца бархли секъяйда
сай Рустамхъала чехусанси урши Къасумличил вяхлибал,
ва секъяйда илала беглани сай урклецлиагарли витибал.
«Сен, - или хъариклулри Юсуп сунези сай, - цабехл давла-
чебли, децл агарли сакълала палтарчебли хлербирути, ца-
бехл ишцад къарцинти?». Амма жаваб баргес вирули
ахленри. «Гъу, гъанна се бируси? Яни хлебиалри, дугла
цледешалра дурчес дашехлери, гъанна къиянни саби, шан-
тира гушли саби», – пикриикли ил биштласи урклилизи
халаси къутлкъуси дард хъурабиублири.

Хлери баиб. Чилра даклухлевхъун. Юсупра Жавгъар-
ра урга-ургади «се бирехле гъанна нушани?» диклути биса-
ли дамкъахъурти хлулбачил цаличи ца хлербиклулри. Гъа-
чамлис хлехарли левалси, селра хлергъуси виштал узи,

илди хумарли чебиух¹ели, сайра хумариури. Илди би-
салри, сайра висулри.

(188 дев.)

5. Х¹япсат

Г¹ялилара Кабиратлара дудеш Г¹ялиев Г¹имран 1941
ибил дус дявлизи аряк¹ун. Неш Пахай колхозла складлизир
рузули рири. Хала нешла няк¹ берубси саби. Х¹япсат ун-
раличирси школьница сари. Школализиб дурх¹ни-
рурсбани фронтлизи арбяк¹унтала х¹алибарг¹лис кумек-
барнила х¹ек¹лизиб мас¹ала кабих¹иб. Х¹япсатли сунечи
чесиб Г¹имранх¹ала х¹алибарг¹лис кумекбирес.

Х¹япсат замана-замана Г¹имранх¹алачи рашар, лерил
х¹улирти х¹янчи диру, дурх¹ни кабирк¹у, абурцу, ц¹а бил-
к¹а, чираг¹ улка, х¹али ушку, шичи рашар. Пахай мурталра
х¹янчилар сари, хала неш бажардириркули ах¹ен.
Х¹япсатли Кабиратла руч¹нилисра кумекбиру. Г¹яличи ил
хас¹ира чекаризурли х¹еррик¹ар – иличи буг¹ярх¹егах¹ес,
умули виах¹ес, яслилизи арк¹у-лявк¹ух¹ели, хат¹ализи
х¹ейках¹ес.

Г¹имранх¹алас Х¹япсат дебали дигах¹у, хас¹ира ил
дебали дигах¹у Г¹ялис. Г¹яли илала г¹айличивад
чевх¹елх¹ан, илини мабирид ибси барили чебаах¹ес
х¹ейрар. Се-биалра вайси бирух¹ели, Х¹япсатлизи бурис
алли, яра Х¹япсат лярк¹ули сари алли, илис баибси саби.

Х¹япсатли илис чинад-биалра биках¹или кампет би-
ху, чакар биху. Г¹ялис муридеш дебали дигах¹у. Кампет-
лис илини чебк¹атурли пальто-дигара бедлуга, амма даб-
ри х¹елуга, дулар ч¹рт херну.

Х¹япсатли ил киноличи вику. Илис кино дебали ди-
гах¹у. Киноличи арк¹ух¹ели, ил дураулх¹ан, Х¹япсатла
к¹анала дубра буцили. Х¹ули чарайчи, илини к¹ана
батх¹ейу.

Гъачам Гіялини ца дурхіялизиб тап чебаиб. Ил Хіяпсатличи чекайзур, тап дигулра или. Хіяпсатли дахъал умцлеръала дариб, унра шилизи базарличи рархли рякъун. Хіяпсатла къайгъили сунела нешра руциб. Хіяпсатла нешра таплиглір суравриклусири. Ахирра, Хіяпсатли чинаб баргибал, Гіялис тап баргиб, хили ванзализи игъуб, тап тляхлбухъи, бурхани абаиб. Гіялила разидешла глелала аги. Хіяпсатлис «Гіялила неш» биклули бири.

(262 дев)

6. Синкачи гІяяр

Ну урухиубра. Бархъли бурулра. Урешила барха халасира бирусигу. Дила хлулбас синка бахъ халабизур. Наб дила гъалаб шимшали баклибси халаси шури саби или гъанбикиб. Ил сабицун ахленри, нешлис глергъи дурхіяра тламали биркъулри. Разили, селалра авара агарли. Нуша клелра дурхія цаличи ца хлердизурра, гле, дахъхліла тянишуниван. Наб ил жагабизур. Бахъ биштлалира сабри ил, хлізла синка къяйда, баягъи, тукентазиб бирцуси. Илала нешличирад дила дудешли хлулби черисули ахленри.

Хлебалас, дудешла беклізи се пикри баклибал, ил удивяхл хлеризур. Тляхлухъес тяхляр агара, шурми ахъли сари. Ну лагвяхл хлеризурра. Дякъла черкадти къасурбира синкала цулбиван амъурли ва луглянни сари, някъли буцес чліалра агара. Нуша пикрумази глеладикили лехлілра. Синкала сабур каберхур биэс, илини лехлідеш буун, гіяшси тламаличил дурхіяличи чарбяхъили. Хлебалас, нешли илизи се бурибал, дурхія паргъатагарбиуб, нешла хъунцлбар канилиу пяхъбикес аварабиубли.

Неш дурхіяличи глурра гъум-гъумбухъун. Илхлели дурхіяли мер барсбариб, нешла гъаларти къяшмала урга тлашбизур. Синкала дурхіяра нура къаршидикибти ди-ахлелри, нушаб гъамадли бири: дуклабуцили нуни дурхія набчи аркаси. Дила дудеш пикрумазиври, ил неш синкала

гъалав тлашлири ва бареси балули ахленри. Гъайалра далути диалри, дудешли синкализид бареси глеббури яра синкали...

Хлебалас, синкали се пикрибарибал, синкали члярбяхъиб, дурхляличибад хлер чебхлейсули. Дудеш тирхъухъи, глелавяхл хихиуб. Синка, гъала къяшла качлара ахъбуцили, дудешличи гъайбиуб. Вацла члярлизи глелабикиб. Нура глелавяхл къужарили, дудеш глурра глела хихиуб.

Синкали ганз къалабабарибхлели, тупанг гъабглергъили клина къяйкбухъун. Тупангла къяйклара, синкала члярлара тламри шурма тикрардариб. Дила дудешличи баэс хлебиубли, синка кабикиб ва удибяхл гербухъун.

Нешличирад хлулби черхлейсули, дурхляли члярбяхъиб. Ил набзи селра биклули ахленри, ил къяббиклуси дудешла къяшмачира тупангличира сабри. Бареси хлебалули, дудеш вахъхли къакъадешлизив калун.

7. ХляжланкИла хлябал къякъ

Левли уили сай дубуртазив мискинси, амма дебали пасихлси адам. Илала лебал лебси давлара сунени белклунси пасихлти дугъбала жуз буили саби. Сунела глямрула ахирлизиб илини ил жуз сунела лебти хлябалра уршилизирад цалис аманатбарес пикрибарили сай. Жибарили илди, дудешли бурили сай: «Ну ухънакаилра, ишбархли хлебиалли, жаглял набчи жихлейруси гляхлял гъавваклес асубитар, илбагъандан хлушазивад цалис нуни иш жуз аманатбарес дигулра. Дурадухъеная хлуша сапарличи, багъирая дунъя, дунъялизи хлушара дагъахъирая, хлушазивад халаси гляхлдешла баркъуди дурабурклес чидил бурсиалра, хлера илис аманатбирис нуни дила пасихлси жуз». Дурабухъи саби илала уршби гъарахъси архляличи, сай биалли илди чарбухъайчи, бурхлини дуйглули, хлерликайили сай. Бархлилис эргъи бархли да-

шули, жумягліс глергѝ жумяглі диркули, закиб бац чеса-габиклахѝули, хлябал дус дикили сари, ва сапарличибад дудешличи дурхліни чарбухѝ саби. Дудеш илдала хабур-таци ярга хлясибли лехлізур. Халалгѝунани буриб, учлес сунес замана хлебикниличила ва сунени ит дусал Инду-станна талхѝанна рурсиличи дигай дихѝниличила, сунени хлябал дус илала дигай сархес харждарниличила. Ургавси-ни буриб, сай Истамбуллизи викниличила, илав дебали давлачеввиѝниличила ва дунѝяличиб бегліла дурхѝаси ал-маз сунези бикниличила, ил секлай цархлілти пикруми су-незир гѝардизахѝес хледатниличила. Хумарли бекіра гѝаклібуриули, дудешли виштлал уршиличи хлерѝиб. Илала мискиндебшличиб узби чебдукарклүри, хлябал дусла бухлінаб илини селра сархили ахленри. Илини селра хлеили, уруз-хляцлі, хляжланкліла хлябал кѝякѝ чеда-ахѝиб. «Нуни, дудеш, я алмаз хлебаргира, я талхѝа рурси-личи дигай хледихѝира, мискинтаци кѝаршиикира ну. Ил-дачив, беркес кѝацліс узули, хляжланкліла дусли клел сабухѝ дурчес бурсииубра. Чарулхѝухлели, нушала мис-кинси ванзаличирра ишдала сабухѝ бучес вираргу или, дарх хибти сари ишди хляжланкліла хлябал кѝякѝ.

Виштлал уршила баркѝуди дудешлис имцліали гляхлібизур, сенахленну урхліла ванзаличив, кѝиян-жапализи викили, ца сунес кѝацлісцун узухлелира, илини сунела ванзаличила, сунела халкѝличила хѝумартурли ахленри. Халати узбира тамашабиахѝубли, дудешли па-сихліси жуз виштлал уршилис аманатбариб.

8. Чехѝери

Хіера илини ахирра-ахир сунечи пикри бяхлічаиб, дяхлі – някѝ сапунничил суркріклүли дирциб, хлябкали делсунти чурми дарили, бекліличирти гѝез ибгиб, шері хлябѝкѝунти хайдакѝлан рурсбала глядат саблин царугли

кѣицѣдарили андаличи гѣез даклахѣиб ва дѣхѣимцѣайзи хѣерѣиб. Гѣалар дѣхѣимцѣайзи хѣерѣибсира ахѣенри илини. Дѣхѣимцѣайзирад чериуси кѣуймурси рурси сари риѣниличи рирххѣеур, белики хѣайгѣир цархѣил лерриѣс или, алавчар хѣерризур. Гѣурра рирххѣерули, сунела урузли хѣлунтѣенбиубси лѣжилизи кѣиприкун, ва ил сари риѣнила бирхаудили аклахѣубси разидешлизир хѣебла бегѣ гѣалабси вава кѣяйда хѣялимли пишрѣхѣиб, гѣур шадли тѣяхѣл-тѣяхѣлрухѣун, хѣайгѣир делхѣелизи карухѣунсиван ласласрухѣун.

Марлира, ил сунела уркѣила харидешлизир илсѣгѣят Чехѣери бурес хѣейѣсли кѣугѣалири, бегѣ гѣалаб вавнар ургубализи дурабухѣи, берхѣила ванадешлизиб хѣязтабиркѣуси жайранничи мешулири. Марлира, гѣаларла Чехѣерила ва гѣаннала рурсилара ургаб халаси декѣлардеш лебри, тѣп жайраннара гежбалара ургабси декѣлардеш кѣяйда. Илис гѣалар уркѣилис дагѣарли ахѣенти, ца гѣяжаибти кѣиликѣуна руцилри жагѣси рурси. Илини гѣанна сари чераилри, илини сунезир гѣеч гѣаларсиличи мешули ахѣенси Чехѣери раргилри, ва гѣанна ца иличилацун пикририкѣулри. Ил хѣулкѣули гѣаргала дурарухѣун. Сари-алавси тѣабигѣятличи гѣанна ил цархѣилти хѣулбачил хѣеррикѣулри, адамтира илис барсбиубтин билзулри, илди гѣалаб кѣяйда хѣейгѣести, пужти урхѣл ахѣенрину, гѣяхѣлти, кѣайгѣичебти бетатуртигѣунтири.

9. Таргѣа

Таргѣа саберхурси, биштѣаси жагѣси жанивар сабни баладаяв хѣлушани? Кункли тѣяхѣлбикѣули, илини чуйнара хѣлушаб гѣуни байбѣхѣиб бургар яра, гѣяхѣлл чебаѣс ба- жардихѣедикили, кѣаркѣубазиб лѣмцѣван беткахѣиб бургар. Ил чебаибхѣели, разихѣейубли, мажахѣят, цалра калес! Амма ну гѣачам дебали пашманиубра.

Дуки кайилри. Рахли «цлив-цлив, цлив-цлив», «кихъ-кихъ» или глянцла тламри гъанаур. Хлериклулрагу – набчирад гъарахъли ахли, хъучир таргъара чличалара дяхлили! Цаличи ца чедулхъулри, къацлдиклулри. Наб тамашабизурси цархлил секлал сабри: чличалала къацлбикунхлели, таргъа хлекъул-къарличи дуцлбулхъулри, къивцлирбарили хлякъул берги, глурра чличайчи чебулхъулри. Иличи хлериклули, ну пикри-иклулри « Хлекъулла хлякул хъатлихлиб суркбарили, бяхъибил яра бячунил мерличи чекабихъалли, дяхъи жявли арабирар. Таргъа гъанна иличи сен дуцлбиклуси?»

Агъ, итхлели нуни барибси хатла! Хлекъул-къарличи пиджак чебушили, ну тяйдиикира: «Гъари, таргъали се бирул гъанна?»

Чличалала къацлбикунхлели, ил глурра ила дуцлбухъун – хлекъул хлебаргили, алавчар ласбухъун, глур бебклиб.

Хъучибси хлентла глебшни дурглелализи гечбирухлели дила децл сагабиуб: Хлентлализир таргъали глянддушибти дахъал вацни лерри. «Ризкъи далтахъуси къараул буилригу ил!»

БУХІНАБУЦ

ФОНЕТИКА	3
ДЕВЛА ЦАЛАБИК ВА ДЕВ АЛКІНИ.....	11
ЛЕКСИКА.....	20
МОРФОЛОГИЯ.....	35
СИНТАКСИС.....	74
КАРТОЧКАБАЧИЛ ХІЯНЧУРБИ.....	144
ИЗЛОЖЕНИЕБАС ВА ДИКТАНТУНАС ТЕКСТАНИ.....	160
ТЕСТАНИ.....	170

Узлипат Усмановна Гасанова

ПРАКТИЧЕСКИЙ КУРС ДАРГИНСКОГО ЯЗЫКА

(пособие для студентов)

Формат 60x84, 1/16. Печать ризографная.

Бумага № 1. Гарнитура Таймс. Усл. п.л.12.

Заказ № 567. Тираж 300 экз.

Издательско – полиграфический центр ДГУ

г. Махачкала, ул. Ярагского, 57.